

**SEVENTH LEGISLATIVE ASSEMBLY OF MIZORAM
(FOURTH SESSION)**

LIST OF BUSINESS

FOR SECOND SITTING ON WEDNESDAY, THE 12th NOVEMBER, 2014
(Time 10:30 A.M. to 1:00 P.M. and 2:00 P.M. to 4:00 P.M.)

QUESTIONS

1. **Questions** entered in separate list to be asked and oral answers given.

LAYING OF PAPERS

2. **Pu LAL THANHAWLA**, Chief Minister to lay on the Table of the House Twenty Second Annual Report 2012-2013 of Mizoram Public Service Commission.
3. **Pu R. ROMAWIA**, Minister to lay on the Table of the House The Mizoram Public Records Rules, 2014.
4. **Pu P.C. LALTHANLIANA**, Minister to lay on the Table of the House The Mizoram (Election to Village Councils) Rules, 2014.
5. **Pu LAL THANZARA**, Minister to lay on the Table of the House The Mizoram Clinical Establishments (Registration and Regulation) Rules, 2014.
6. **Pu LALRINMAWIA RALTE**, Minister to lay on the Table of the House The Mizoram Shops and Establishments Rules, 2011.

PRESENTATION OF REPORT

7. **Pu R. VANLALVENA** to present to the House the First Report of Committee on Paper laid on the Table.

LEGISLATIVE BUSINESS

8. **Pu LALSAWTA**, Minister to beg leave of the House to Introduce “The Mizo Marriage, Divorce and Inheritance of Property Bill, 2014”.

ALSO
to introduce the Bill
to move that the Bill be taken into consideration
AND
to move that the Bill be passed.

9. **Pu P.C. LALTHANLIANA**, Minister to beg leave of the House to Introduce “The Lushai Hills District (Village Councils) (Amendment) Bill, 2014.

ALSO
to introduce the Bill
to move that the Bill be taken into consideration
AND
to move that the Bill be passed.

NGURTHANZUALA
Secretary

....

SPEAKER : LALPA in Pathian chu hre reng rawh u. Sum leh pai deh chhuah theihna petu che u chu Amah chu a ni zawk asin.

(Deuteronomy 8:18)

Tunah hian zawhna kan la tawh ang a. Dr. K. Beichhua, Saiha bialtuin zawhna hmasa ber zawt se la.

Dr. K. BEICHHUA : Minister zahawm tak Rural Development changtu hnena ka zawhna chu :

- (a) Saiha leh Lawngtlai District-a BRGF hi engtianga Board hi din nge a nih?
- (b) Government of India atangin BRGF sum engzat nge pek kan nih? State-in engzat nge a release tawh (2013-2014) leh (2014-2015) tih ka zawt e.

SPEAKER : A chhang turin a changtu RD Minister i lo sawm ang u.

Pu R. LALZIRLIANA, MINISTER : Pu Speaker, ka lawm e. MLA zahawm tak Saiha bialtu zawhna-

- (a) Saiha leh Lawngtlai District-a BRGF hi engtianga Board hi din nge a nih tih chhanna chu- Ministry of Panchayati Raj, Govt. of India-in BRGF Guidelines a siam Chapter .7-E(ii) in a tarlan angin Saiha leh Lawngtlai District te tan District Planning & Implementation Committee(DPIC) on BRGF, District Collector i.e. Deputy Commissioner Chairman-na hnuaiah din a ni. Autonomous District Council Member thenkhat te leh BDO te pawh Committee Member-ah telh an ni.
- (b) Government of India atanga BRGF sum engzat nge pek kan nih? State-in engzatnge a release tawh (2013-2014) leh (2014-2015)? Chhanna chu- BRGF sum hi Ministry of Panchayati Raj, GOI atangin 2013 - 2014 atan ₹ 2,527.00 lakh hmuh a ni a, sum hmuh hi State-in a vaiin a release a ni. 2014-2015 atan ₹ 2,314.00 lakh hmuh a ni a, sum hmuh hi state-in release turin hma a la mek a ni.

SPEAKER : Zawhbelhna a awm em?

Dr. K. BEICHHUA : Pu Speaker, zawhbelhna ka nei e. BRGF hi kan hriat angin Central sorkarin district hnufual bikte tan kum khatah crore sawm min rawn pe thin a. Kum nga chuang

Saiha leh Lawngtlai hian kan lo dawng tawh a. Sum a rawn luh ngaihtuah hi chuan ram tana ro tling, chhenfakawm development te pawh hi hmuh tura beisei a ni. Chutihlaia beisei anga hmasawna kan hmuh theih lohna chhan chu a bik takin Saiha ah ti ta ila, Lawngtlai hian chuan Board member constitute dan khi an ti tha viauin ka hria a, an entawn tlak hle a, D.C. Chairman-na hnuaiah khian bialtu MLA te leh opposition leh ruling te pawh an tel a. Tin, Council lama roreltute pawh an tel a, NGO te pawh telin, line Department te hi an tel vek a ni. Chuvangin, an hmalakna pawh khi a hlawhtling thawkhat viauin ka hria a.

Chutihlaiin, Saiha-ah chuan D.C. Chairman-na hnuaiah khian MDC thenkhat, a bik takin ruling lam amite nen deuh chauh khian Board hi constitute a ni a. Khing avang te khi niin ka hria a, monitoring khi kan chak lo viau a ni. Tah khian kan Minister zahawm tak hian khilaila Board Member constitute dan leh a monitoring chungchangah hian tun aia chak zawkin hma min laksak thei ang em tih ka zawt e.

SPEAKER : Minister chhang turin sawm ang.

Pu R. LALZIRLIANA, MINISTER : Pu Speaker, Lawngtlai leh Saiha hi hemi a Committee form danah hian a inang chiah lova. A chhan chu hemi a guideline-in a sawi ang hian District level Committee-ah hian District Collector, Deputy Commissioner hi Chairperson a ni ang tih a ni a. Lawngtlai bikah chuan Chakma leh Lai Autonomous aiawhte telh tur a ni tih a ni bik a. Chuvangin, hei hi khilaila awmte kan MLA ten emaw tuten emaw ziakin an la rawn thlen chuang lo baw a. Committee-ah hian telh ve tur kan ni dawn lawm ni ti a rawn dilna te chu awm se chuan ngaihtuah theih a ni ang.

SPEAKER : A pahnihnaah kan kal thei a, a lawmawm e. Zawhna pahnihna Pu Lalruatkima, member zahawm takin zawt se la.

Pu LALRUATKIMA : Pu Speaker, ka lawm e. Ka Starred Question pahnihna Rural Development Minister zahawm tak chhan atan:-

- (a) Kum 2011-2012, 2012-2013, 2013-2014, 2014-2015 ah MGNREGA hnuaiah Job Card nei engzat nge awm?
- (b) Kum 2013-2014 leh 2014-2015 ah District hrang hrangah Job Card nei engzat nge awm?
- (c) NREGA sum hi hman dan (Component) engtin nge then a nih?
- (d) Material Component hnathawktu hi Work Agency/Supervisor engtin nge ruat an nih?

SPEAKER : Rural Development Minister zahawm tak Pu R. Lalzirliana i lo sawm ang u.

Pu R. LALZIRLIANA, MINISTER : Pu Speaker, MLA zahawm tak West II zawhna pakhatna kha Kum 2011-2012, 2012-2013, 2013-2014, 2014-2015 ah MGNREGA hnuai ah Job Card nei engzat nge awm tih a ni a. A chhanna chu:-

- a) 2011-2012 - 175025
- b) 2012-2013 - 178200
- c) 2013-2014 - 178367
- d) 2014-2015 - 185929 an awm a ni.

Zawhna pahnihna Kum 2013-2014 leh 2014-2015 ah District hrang hrangah Job Card nei engzat nge awm tih a ni a. A chhanna chu:-

		<u>2013-2014</u>	<u>2014-2015</u>
Aizawl	-	26022	26743
Lunglei	-	34801	35499
Saiha	-	13519	14221
Lawngtlai	-	26809	27936
Champhai	-	28140	29032
Kolasib	-	15581	18100
Serchhip	-	13821	14098
Mamit	-	<u>19674</u>	<u>20300</u>
Total	=	178367	185929

Zawhna pathumna hi MGNREGA sum hman dan component engtin nge then a nih tih a ni a. A chhanna chu- MGNREGA hnuai ah wages component hnuai ah 60% fund hmuh atangin a ni a, hei hi a aia tlemlo allocate tur a ni a, 60% aia tlemlo allocate tur a ni . Material component hnuai ah hian 40% aia tamlo allocate tur ani . Tunah hian component hi 60 to 40 wages material a then mek a ni.

Tin zawhna palina Material component hnathawktu hi Work Agency supervisor engting nge ruat an nih tih a ni a. A hmaah khan a chhanna tlem kan belh leh ang a. Material component hnuai ah hian 75% hi Central share a ni a, 25% hi State share a ni ve thung a. (d)

chhannaah chuan NREGA Act 2005 chuan MGNREGA hnuiaia sum zawng zawng atanga 50% chu Village Employment Council VEC hnenah thuneihna hlan tur a ni a ti a. Wages Component 60% hi VEC te supervise na hnuiaia hmalak vek a ni. Material Component 40% Work Agency atana ruat dan tur chu State Employment Guarantee Council chuan hetiang hian a ruat thung a. (a) District DRDA 40% (b) BDO leh Programme Officer ten 40%, VEC in 2% chu chu a chhanna a ni e.

SPEAKER : Zawhbelhna a awm em ? a kimchang viau lo maw?

Pu LAL THANHAWLA, CHIEF MINISTER : Pu Speaker, sawi lawk duh ka nei a. Hemi Material Component hi VEC te leh Official lamah hian hman diklohna a awm fo a ni. Chuvangin Member zawhawm tak te hian keimahni bial theuh hi ngaihven ilangin, kan Village Council te pawn an hmang diklo ve tho a, Official lam pawhin an hmang diklo ve tho a. Keimahni bial theuh hi chik takin enpui ve ila, chuan tangkai takin a hman theih ka ring a. Tunah hian hman dikloh engemaw tia kut tliangloa bo mai mai te a awm tih hi hriat a ni a. In man dawt theih lem si loh, chu chu kan zavaia that tlanna turin kan bial theuhah chik takin enpui ve ila thain ka hria.

*Speech not corrected

SPEAKER : Pu Ruatkima i lo sawm ang.

Pu LALRUATKIMA : Pu Speaker, ka lawm e. Ka zawhna points a tam deuh hlek a, min rawn chhang a, ka lawm khawp mai. Kan ngaihthlak atang khan Job Card chungchangah a bik takin buaina neuh neuh hi a awm a. Statistical Handbook thar ber leh 2011 atanga 2012 ah hian data inmil lo hi kan nei leh thin a, ka vei angreng a. Kan data te hi Pu Speaker, Statistical Handbook te hi sorkarin kan ring lo thei si lo va, mimal ang pawn ram pawn atang pawn. Kan Minister zahawm tak chhanna atang khan Job Card nei kha 276 in an rawn pung ta a, hei hi kan in enfiah thain ka hria. Tin Job Card pun dan hian kan ram economic dinhmun a hril Chiang hlein ka hria a.

Ka sawi belh duh zawk chu Job Card hi a lo pung ta thur thur si a, 2011 atanga tun dinhmuna a punna kha Job Card 10902 a lo ni ta a Pu Speaker, chuti a nih chuan tuna kan flagship programme a hlawhtling kan tih kha a hlawhtling tawk lo tih a tarlangin ka hria tih ka ngaihndan kan tarlang duh a. Tin zawhbelhna ka neih duh chu Pu Speaker, District NREGA ombudsmen tute

nge tih leh Social Audit hi a hun takah neih a ni em. A nih loh chuan engnge a chhan tih ka zawhbelh a. Tin, zawhbelhna dang leh chu Vanglaini July ni 21 chhuakah khan Serchhip VC-III ah hian kan House Leader zahawm takin a sawi ang khan material component atang pawh ni lovin mipui hlawn an cut tling khawm atang khan ₹17,07,257 (cheng nuai 17 sangsarih 257) kha mipui hnen kha a thleng lo a ni. A hmanna kha tun thleng hian mu leh mal a la awm lova, hei hi kan Minister zahawm tak khan min lo enfiah sakin khawngaih takin a mawh phurtu chungah action lak a ngai a nih pawhin min lo lak sak thei lawm ni tih kha ka'n zawt telin ka'n ngen nghal bawk a ni e.

Pu R.L.PIANMAWIA : Pu Speaker, kumin Christmas dawnah hian ni 100 inhlawnahna a awm leh dawn em tih ka zawhbelh e.

SPEAKER : Rural Development Minister Pu Lalzirliana ilo sawm ang.

Pu R. LALZIRLIANA, MINISTER : Pu Speaker, Job Card hi a nuai tel a lo ni tawh a, helaiah hian a data inanglo te pawh a awm thei ngei ang tih ka ring a. Tin, Job Card hi 3% vela pung tur anga ngaih a ni a. Amaherawhchu a aia sang pung tura beisei chu a ni lo tih erawh chu kan hriat tlan atan ka sawi duh mai mai a.

Serchhip VC-III han sawi bikah khan, ni e, anni lo pawh hi engemaw zat VC te emaw kan BDO lam Official lam te pawhin hman dik tawh loh deuh leh helaia an hmanna tur an sawi anglo deuh a hman te pawh a awm thei e. Chungah chuan an thawh tura an lo sawisa te pawh hi lo thawh nual tawh te pawh a awm a, churang chuan hmun dangah divert te pawh a awm thei a ni tih kha ka'n sawi lang duh mai mai a.

Hemi kan ni 100 inhlawnahnaah hianin mipui hnen thlenglo hi a awm thei a, kan VC te a zir te pawh a ni ang a. Tin, mipuiin an phalna a an lo cut ve thil dang hmanna tur atan entirnan, School tam tak kan dinna te leh khawtlanga thil pawimawh bikna atan te hian mipui rawnin VC te hian an lo ti ve thin a. Chuvangin a inhlawnahna ang ngau ngau hi chuan kan tum ang hi chu kan thleng chiahlo a ni tih kha ka sawi duh a. Chuvangin tuna an han sawi te leh thildang te pawh hi kan lo ennawn zel ang a, a thianghlim thei ang bera hman kan duh a. He pawisa tam tak hi thenkhatah phei chuan kan hnam min tichhetu a ni em aw, thatchhiatna min thlentu a ni em aw tih te hi ngaihtuahna thui tak a awm thei a. Ngaihtuahna hmangtu tan chuan ni 100 inhlawnahnaah an va kal a, tuthlawhte nen bawngtuthlawh pu tura suahdur pangai keng tura tih te, hmunphiahna

engemaw ni vel mai mai keng chhuak a dar 8 atanga dar 4 tal inhlawh tura beiseite leh private in kan chhawr lai hian anni hi chu dar 2 a rik hi chuan dik takin khua zawng zawng hi opposition bial a ni emaw ruling bial a ni emaw tlai dar 2-ah chuan ban hi an tum zel a. He thil hi kan duh love han tih theih rual chu a ni lova, kan hnam tan chuan in en ngun a ngai khawpin ka hria.

SPEAKER : Kan member zahawm tak Pu Pianmawia zawhna kha.

Pu R. LALZIRLIANA, MINISTER : Sanction kan hmuh dan azirin hei hi krismas hmaa inhlawh thei tura sanction kan hmuh phawt chuan hmalak a ni ang.

SPEAKER : Awle, a tha viau mai.

Pu R.LALZIRLIANA, MINISTER : Pu Speaker, nakinah chuan thil dangah pawh ala awm tho mai thei a, Amaherawhchu kan zavaia kan legislator te leh mipuiin kan hriat tur chu, tun hma khan ni 100 inhlawhna tur anga projection siam a ni a (Labor budget siam a ni thin a). Amaherawhchu, tunah hian 46% kan state bik nilovin India ram state-ah te an rawn cut tak avangin 54% inhlawhna chauh kan neih theih tak avangin ni 100 inhlawhna kan tih pawh hi, a sawi dan te pawh hi kan thlak deuh chu a ngai mai awm mang e ka ti.

SPEAKER : Aw, Pu K.Sangthuama.

Pu K.SANGTHUAMA : Tuna kan Minister zahawm tak sawi ang khan ni 46 vel an cut dawn a, 46 vel cut tur hmanni kan meeting-ah pawh khan an sawi a, chu pawh lo ni ta se, kuminah hian District tinah hian a tlangpuiin ni 3/4 inhlawh chauh niin a la lang a, chuvangin thla 4 awrh kan nei tawh a, chumi chhung chuan ni 40 vel emaw ni 50 vel emaw hlawh hi a la ngai dawn a, chu tih hman sawrkar hian a la tum thei angem? thla 4 awrh kalah hian. Tuna a lan danah hi chuan kan hman lo mai ang a tih a awl viau a, chu chu enge ni? kan Minister hian han sawi fel leh lawk se a tha ang a.

SPEAKER : Minister Pu R.Lalzirliana.

Pu R.LALZIRLIANA, MINISTER : Pu Speaker, a lawmawm khawp mai. Kan MLA zahawm tak Pu K.Sangthuama zawhna kha kan hre theuh a. Hemi state kan district a kan inhlawhna inan loh thluahna hi zawhna dang pawh ala awm a kan la sawi tho anga. Amaherawhchu

a month-wise a, thla tina projection kha a rawn dang nual a, then khat chu January, February, March angah khan 3% vel emaw kum khata inhlawh tur emaw kha projection ah khan an rawn dah avangin a pek tam ngawt theih lova, July/August velah chuan thenkhat chu tuna, entirnan Saiha te chu ni 3 inhlawhna tur ang lekin kha January/February velah khan an rawn ti ta a. Amaherawhchu a thla leh June/ July te chuan ni 6 ni 7 inhlawhna tur ang khan an rawn ti chho veleh ta a, chutiang ang chu a ni a.

Vawiinah hian he kan tum ni 54 inhlawh theihna tur anga alo awm pawh hian ni 100 inhlawhnaah pawh hian ni 100 tlin loh chang hi kan ngah mai a. Tun kum kaltaah pawh khan a inhlawh sang ber chu ni 80 a ni a. A chhan chu keini lam thiamloh ni lovin central atang te helaia kan thawh tawhna te kan zu thawh thlak a muan chang deuh te a awm a, tah chuan an rawn release vat vat loh avang khan sum leh pai thu a ni a, kan sawi mai theilo a. Amaherawhchu, tum a ni a ngem tih kha chu, a ni tih erawhchu ka'n sawi duh a ni.

Pu LALRUATKIMA : Khawngaihin zawhna neitu nih manah. Kan member zahawm takin krismas hmain inhlawhna siam sak theih a ni ang em tih kha a chhang fuh lo deuh hlek in ka hria a, a lawmawm tho mai a.

Kan Minister hian a hre tawh turah ka ngai a, nizanah website-ah ka han en a, tun hnai ni 3ah khan cheng nuai 3,230.10 sanction kan hmu a, Amaherawhchu, sanction ngawt pawh ni se state matching share kha kan hotute hian nawr chak ta ila, min pek theih ran chuan krismas inhlawhna kha Zoram mipuiten kan mamawh hlein ka hria, kan House Leader zahawm tak pawhin min hriatpui a, hetia central lama sanction a awm takah chuan min ngaihtuah ran pui turin ka ngen duh a ni e.

SPEAKER : A lawmawm e. Starred Question 3-naah kan kal thei tawh a, zawt turin Er. Lalrinawma.

Er. LALRINAWMA: Pu Speaker ka lawm e. RD minister zahawm tak chhan atan ka zawhna chu Sialhau leh Chhiahtlang inkar kawng hi tun dinhmunah siam that/ cheithat tumna a awm em? tih a ni e.

SPEAKER : Rural Development Minister Pu Lalzirliana i sawm ang u.

Pu R. LALZIRLIANA, MINISTER : Pu Speaker, MLA zahawm tak zawhna kha kan hria a, Sialhau leh Chhiahtlang kawng hi tun dinhmunah siam that/cheithat tumna a awm em tih a ni. A chhanna chu, Sialhau leh Chhiahtlang inkar kawng chu tun dinhmunah chuan MGNREGA wage component huaiah siamthat tawh a ni.

SPEAKER : Zawhbelhna.

Er. LALRINAWMA : Pu Speaker, tlem han sawi belh ka duh a. Tuna kan Minister zahawm tak min chhanna kha nizan VC ten an han khawih a, Sialhau thleng chauh a la kal tlang thei rih a. Helai kawng hrim hrim hi kansawi duh chu, kawng pawimawh tak mai a ni a. Tunah hian Vanchengte lam ramah an lai chho zel a, engemaw ti tiin V/C ten an siam chho a. Sialhau an han pawh chu Sialhau atang khan Rullam tlang dung pheikawng khi theih ang angin tunah hian a laih pawhna kha an buatsaih ve a, km 6 vel kan la bak a. Tichuan NLUP link road ang khan km 2 kha a rawn chhuak a, tunah hian km 4 hi kan la bak a ni. Hemi kan sawi deuh duahna chu, District headquarter ber panna kawng hi kan nei tha lo em em a. Tunah hian VC te leh eng eng emaw tang rualin eng eng emaw fund atangin an lai ve a, NLUP link road chuan km 2 vel min han tihsak ve a, a lawmawm khawpin ka hria a, km 4 la bak hi Rural Development atangin min la hma sak theih angem tih ka'n zawt duh a. Chu mai piah lamah chumi kawng bak chu min tihsak theih chuan Lungpho tlangdung velin Serchhip an rawn panna hi a kaw huai dawn a ni tih kha kan sawi duh a. Hma min lak sak thei angem tih kha ka zawhbelhna a ni e.

SPEAKER : Minister zahawm tak Pu R.Lalzirlina i lo sawm ang.

Pu R.LALZIRLIANA, MINISTER : Pu Speaker, Sialhau leh Chhiahtlang kawng hi nichina kan sawi ang khan, tun kumah chuan kan tih tur chin chu kan tizo tawh a. Mahse hengah hian wawi 1 sanction-ah hian tih vek theih a ni lo a, km 6 kan tih turah km 2 kan thawk tawh a, km 4 la bang kha kan hmabak niah kan ngai a ni.

SPEAKER : A lawmawm e. Starred Question 4-naah kan kal ang a, zawt turin Pu K. Sangthuama i lo sawm ang u.

Pu K.SANGTHUAMA : Pu Speaker, ka lawm e. Ka zawhna 4-na, PWD Minister zahawm tak chhan atan. Kawnpui – Kolasib inkar kawng hi tun thal chhung hian siam zawh theih a ni angem? tih a ni e.

SPEAKER : Kan Chief Minister zahawm tak Pu Lal Thanhawla chhang turin i lo sawm ang.

Pu LAL THANHAWLA, CHIEF MINISTER : Pu Speaker harsatna hriat lawk loh in min tlakbuak thut a nih loh chuan zawh hman tum a ni.

*Speech not corrected

SPEAKER : A lawmawm e.

Pu K. SANGTHUAMA : Pu Speaker, pakhat ka'n zawt leh a nge. Khulai kawng khu kan hriat angin a chhia tih kan hria a, kan minister zahawm takin siam zawh theih tih a chhanna kha a lawmawm hlein ka hria a. Tin pakhat leh, tuna kan siam zawh Sairang atanga Kawnpui thleng tun lawka kan siam zawh tak mai leh nikum lama kan siam zawh mai, hman zanah kan zuk kal a ka rin aiin repair leh a lo ngai nasa tawh a, khu khu tun thal chhung hian repair leh theih a ni angem tih kha min chhan theih chuan ka lawm ngawt ang.

SPEAKER : Chief Minister Pu Lal Thanhawla ilo sawm ang.

Pu LAL THANHAWLA, CHIEF MINISTER : Member zahawm tak zawhbelhna ka chhan hmain nichina zawhna kha. He hna hi improvement of right in quality programme angin 95km – 118km inkar hi 26.9.2013 ah khan nuai 2610.78 sanction a ni a. Tin, he hna hi Overseas Private Limited hi thawk tur hian work order pek a ni, agreement amount nuai 2017.76 a ni, 23.9.2014 khan work order hi pek an ni a, work order pek atanga thla 15 chhunga zo tura tih an ni.

Tin, tuna zawhbelhna kha Pu Speaker, kan hre theuh a, kan ram leilung hi geologist mithamte chuan a nem/dup an ti a, churang chuan a saptawng takin landslide area kan ni a. Tin, kan ramah hian lung chang kan neilo hle a, Airport kan siam lai te khuan Assam ram atangin lung chang kan import a ngai a. Thenzawl bulah sawn tlemte kan nei a, kan hmanzaw thuai a. Tin, tunah hian traffic hi a heavy em em mai a, ke tam tak nei chite hi an tlan zut zut mai a, an phurrit si a, churangin a tlo vak theilo a ni. Tin, mi state lung tha nei te pawh keini aiin an lo tha chuang lem lova. Engpawhnise, a tul ang angin sum awmdan a zirin patch repair te pawh ti turin kan inhuam thin a, a theih ang angin, chutiang zawnga la ngaihtuah tur chu a ni.

*Speech not corrected

SPEAKER : Starred Question No. 5-na zawt turin kan member zahawm tak Dr K. Beichhua ilo sawm ang u.

Dr K. BEICHHUA : Pu Speaker, ka lawm e. PWD Minister zahawm tak chhan atana ka zawhna chu - Saiha Polytechnic Building hi engtik atanga sak tan nge ni ang tih a ni.

SPEAKER : Kan Chief Minister zahawm tak Pu Lal Thanhawla chhang turin ilo sawm ang.

Pu LAL THANHAWLA, CHIEF MINISTER : Pu Speaker, Saiha Polytechnic Building hi kumin 2014 – 2015 chhung hian sak tan tum a ni.

*Speech not corrected

SPEAKER : Zawhbelhna a awm thei em?

Dr K. BEICHHUA : Pu Speaker, Saiha mipuiin Polytechnic Building kan nei tur hi kan lawm hle a, kan hriat danin pawisa leh a ram te pawh awm tawh, kan hriat zel danah pheichuan a ram khi duh anga a zau loh avangin vertical extension estimate siam mek a ni a, kan sa tan thei mai ang ti ang deuh khan kan hria a. Estimate siam hi a tlangpui thuin Civil Hospital te leh thildang te pawh nise tum ang hian a rang lo flat mai a, a muang angreng riau thin a. Engpawh ni se, hei hi a rang lama hma min lak sak turin kan Chief Minister zahawm tak ka ngen e.

Pu LAL THANHAWLA, CHIEF MINISTER : Pu Speaker, member zahawm tak lo hriat atan. Hemi Saiha Polytechnic Building hi a sanction amount chu cheng nuai 800 a ni. Tin, Administrative Approval pawh a ni a, expenditure sanction hmuh tawh zat chu tunah hian nuai 200 a ni a. Tin, Saiha Polytechnic-ah hian Electronic leh Telecommunication leh Electric & Electronic Engineering zirna dah tum a ni. Building sak turte chu main building, administrative building, hostel leh quarters pahnih sak tur a ni a, detail drawing hi siam mek a ni a, siam zawh ve leh detail estimate siam a ni ang a, chumi hnuah tender koh mai tura hma lak mek a ni a. Tin, Polytechnic te, Nursing School te hi District tina nei turin tunah hian remtihna te pawh kan nei tawh a. Amaherawhchu, helaia kan ram hruaitu zahawm tak tena ngaihtuah tur chu a tira a sakna te min rawn tum mahse a kal zel, a recurring

expenditure hi kan state tum tur a ni a, chuvangin zawh loh nghawngkaw kan inphurhtir ang tih te hlauhawm tak a ni a, ngun taka ngaihtuah a ngai dawn a. Tin, kan population a zirin District pariat kan awm mek a, nei ta vek selangin a tam lutuk thei angem, recurring expenditure bakah kan mamawh tak tak em tih te pawh hi la ngaihtuah a ngaih ka ring.

*Speech not corrected

SPEAKER : Starred Question No. 6-ah kal ila, MLA zahawm tak Pu Lalruatkima zawt turin ilo sawm ang.

Pu LALRUATKIMA : Pu Speaker, ka lawm e. Ka Starred Question No. 6-na R.D. Minister zahawm tak chhan atan -

- (a) MGNREGA atan Kum 2013-2014 chhungin sum engzatnge hmuh a nih ?
- (b) District hrang hrangah ni engzatnge mipui inhlawhna siam sak an nih ?
- (c) Kum 2014-2015 chhungin sum engzatnge hmuh a nih tawh ?
- (d) District hrang hrang ten ni engzatnge mipui inhlawhna an siam sak tawh tih ka zawt e.

SPEAKER : Chhang turin Rural Development Minister Pu R. Lalzirliana ilo sawm ang u.

Pu R. LALZIRLIANA, MINISTER : Pu Speaker, member zahawm tak Aizawl West-II bialtu Pu Lalruatkima zawhna -

- (a) MGNREGA atan kum 2013-2014 chhungin sum engzatnge hmuh a nih tih a ni a, a chhanna chu- MGNREGA (Mizoram) hnuaiia kum 2013-2014 chhunga sum hmuh zat chu ₹ 25668.964 lakhs a ni.
- (b) District hrang hrangah ni engzatnge mipui inhlawhna siamsak an nih tih chhanna chu- Kum 2013-2014 chhunga District hrang hranga MGNREGA hnuaiia inhlawhna siam zat chu -

- | | |
|------------------------|-----------------------|
| 1) Aizawl - 80 days | 2) Lunglei - 78 days |
| 3) Saiha - 79 days | 4) Champhai - 85 days |
| 5) Kolasib - 71 days | 6) Serchhip - 81 days |
| 7) Lawngtlai - 72 days | 8) Mamit - 84 days |

Financial Year 2013 – 2014 ah hian ni 79 a average a lakin inhlawhna siamsak a ni.

(c) Kum 2014-2015 chhungin sum engzatnge hmuh a nih tawh? Chhanna Kum 2014 – 2015 chhunga MGNREGA hnuaiia sum hmuh tawh zat chu -

1. Central Fund (₹ 6708.13 lakhs)
2. State Share (₹ 225.483 lakhs) a vaiin ₹ 6933.613 lakhs

(d) District hrang hrang ten ni engzatnge mipuite inhlawhna an siam sak tawh tih chhanna chu- 2014-2015 chhunga tun thlenga District ten inhlawhna an siam zat chu Aizawl District ah ni 15, Lunglei District-ah ni 10, Saiha District-ah ni 7, Champhai District-ah ni 9, Kolasib District-ah ni 10, Serchhip District-ah ni 10, Lawngtlai District-ah ni 10, Mamit District-ah ni 10 a ni e.

SPEAKER : Zawhbelhna a awm em?

Pu LALRUATKIMA : Pu Speaker ka lawm e. Kum chanve ral kan kai tawh a, inhlawhna District hrang hranga an pek average kha ala hniam khawp mai a tan lak hle ngaiin ka hria. Ka zawhbelhna chu- Champhai District-in ni thum inhlawhna tur mipui hnena sum an sem, ni khat inhlawhna an cut sak thawktu hlawh atana a an puk sak kha pek an ni tawh em tih kan zawt e.

Pu R. LALZIRLIANA, MINISTER : Champhai District a thawktute hlawh atana an lo puk sak a awm leh awm loh ka hre lo a ni.

Pu LALRUATKIMA : Pu Speaker, ka lawm e. Champhai District ah khan ni 3 inhlawhna tur pek a ni a, ni 3 hlawh kha pek vek an ni a, an dawng ngei a. Amaherawhchu, thawktute hlawh indaihlohna leh harsatna hrang hrang avangin ni 1 hlawh an lo cut sak a ni, kha kha chu a mawi lo deuh hlek mang e aw ka ti a. Mipuiin harsa tak leh thlan tlaa an inhlawhna sum, thawktute hlawh atana pawhpen a ni hi a mawi lo thovin ka hria a. Thawktute chu sorkar mi leh sa te an ni a Pu Speaker, chuvangin mipui inhlawhna, bawngtuthlawh pu ngat a an hlawh chhuah khatianga an hlawh atana an lo cut sak ringawt mai kha chu kan Minister zahawm tak khan min lo enfiah sak sela thain ka hria. Tunah chuan an pe tawh mai thei a, an pe lo maithei a, ni 9 lai mai inhlawhna an

nei tawh a. Chuvangin, khatiang kha chu tun hnuah thleng tawh lo se a duhawm khawpin ka hria a ni, chu chu ka sawi zau tel a ni.

Pu R. LALZIRLIANA, MINISTER : Pu Speaker, hei kan inkawmngaih tlangin ka hria a opposition te nen hian. Thil tha zawk nia kan ngaih chu helai House a engemaw ni inchhuahchhahlna atana khek khawl kher lo hian an cut hlim te khan minrawn hrilh sela, engtizia nge ni le heng hi in hlawh atanga mipui inhlawhna te chu pek zawk awm tak a nia, hetia in lo cut hi chu a dik lo khawp mai kan lo ti ve tur a ni a, bengvar kan lo chhuah chho zel ang e.

SPEAKER : Awle, tunah Starred Question No. 7-naah kan kal anga. Zawt turin member zahawm tak Dr. K. Beichhua i lo sawm ang.

Dr. K. BEICHHUA : Pu Speaker, ka lawm e. Rural Development Department Minister zahawm tak chhan atana ka zawhna chu - Saiha District – a IAY kan dawn zat 193 ni thin, kum 2013-2014 leh 2014-2015 ah 56 chauh pek kan ni hi engnge a chhan tih kha ka zawhna a ni e.

SPEAKER : Rural Development Minister zahawm tak Pu R. Lalzirliana chhang turin i lo sawm ang.

Pu R. LALZIRLIANA, MINISTER : Pu Speaker, Pu K. Beichhua MLA zahawm tak zawhna kha a dik taw lo deuhin kan hria a, hei hi kan chhanna chu a ni:-

Saiha District-in IAY hnuaiia allocation a dawn dan te chu hei hi a ni zawk a :-

- | | | | |
|----|-----------|---|-----|
| a) | 2012-2013 | - | 273 |
| b) | 2013-2014 | - | 193 |
| c) | 2014-2015 | - | 63 |

Kum 2014-2015 hian Ministry hian state zawng zawng tana allocation hi a tihnam nasa hle a. Mizoram pawh kum 2013-2014 a In 3661 sakna tur pek kan nih laiin, kum 2014-2015 chuan In 1293 sak theihna tur chauh allocation a rawn pe a ni. Heta tang hian Saiha hi, In 63 sak theihna tur sum allocate a ni. Saiha District allocation hi IAY Operational Guidelines, 2013 in State a direct angin, 75% Weightage (Permanent Waitlist zat a neih) leh 25% Weightage (BPL zat a neih) lakin chhut chhuah sak a ni. He

Weightage hi State pum a BPL zat leh Permanent Waitlist zat atanga District te hi chhut chhuah sak a pek an ni.

SPEAKER : Zawhbelhna a awm em?

Dr. K. BEICHHUA : Pu Speaker, zawhbelhna ka nei e. Kum 2012-2013 ah 273 kan ni a, 2013-2014 ah 193, 2014-2015 ah 63 kan ni ta a. Heti a nih chuan kan thenawm Lawngtlai District hian kuminah ka hriatsual loh chuan 300 an nei a ni. Saiha District-ah hian engnge ni BPL khatianga mirethei kha 2013-2014 ai khan nasa takin kan tlem a, hma kan sawn tawh tihna em ni ang? Lawngtlai District kha a population anga chhut pawhin 300-in an dawng ta a, a inthlauh dan kha a nasa angreng a, khalai kha kan Minister zahawm tak khan min hrilh Chiang deuh la, min hrilhfiah deuh la ava tha awm ve.

Pu R. LALZIRLIANA, MINISTER : Saiha leh Lawngtlai District hi a population chhut in a hre vek a kan MLA zahawm tak khan, a inthlau fu mai a, chutiang atanga chhut chu tunah hian kan neih dan chu a ni.

SPEAKER : Zawhna 8-naah kan kal anga, member zahawm tak Pu R.L. Pianmawia zawt turin i sawm ang.

Pu R.L. PIANMAWIA : Pu Speaker, PWD Minister zahawm tak chhan atan -
 a) Engtikah nge heng leihlawn (i) Tuirini (ii) Tuivai te hi dawh that a nih ang?
 b) Zohmun – Silchar via Bagha Road hi Inter State Connectivity Project-ah ruahmanna a awm em tih a ni e.

SPEAKER : Awle, chhang turin kan Chief Minister zahawm tak Pu Lal Thanhawla i lo sawm ang.

Pu LAL THANHAWLA, CHIEF MINISTER : Pu Speaker, member zahawm tak zawhna chhanna chu:-

(a) Heng Tuirini leh Tuivai-ah te hian lei dawh turin ruahmanna chu a awm a, mahse sanction hmuh ala nih loh avangin engtikah nge dawh hun tur ala hriat theih rih lova.

(b) Awm rih lo tih a ni e. *Speech not corrected

Pu R.L. PIANMAWIA : Pu Speaker, Tuirini Lei hi tuna kan zawh lai mek siamna tur hi sanction tawh kha a ni a. Amaherawhchu, a thlangah khian E. Phaileng atanga Zuangtui kalna turah kawng thar ruahman a nih avangin kan zawh mek Lei dawhna tur sum kha khamiah khan sawn thlak niin a lang a. Chu chu a thlangah pawh dawh awm si lo, a chhakah pawh dawh awm ta si lo hian hmanni lawka Tlawng Lei chhia anga a awm mai hlauhthawna kan nei ve nasa mai a. Chuvang chuan tlema han ngaihtuah ran deuh dan te a awm thei angem tih ka zawt belh duh a.

Tin, E. Phaileng – Zuangtui pawh tur kawng hi ruahmanna kalpui a ni tawh a, a ram neitute pawhin zangnadawmna pawisa an dawng tawh a, khi khi tihpuitlin kan nghakhlel hle a. A chhan chu E. Phaileng atanga Zuangtui a kal theih chuan tuna kan zawh mek aini 30 Km. in a tawi dawn a, kal man chungchangah pawh cheng tam tak kan hum theih dawn avangin kan nghakhlel em em a. He kawng E. Phaileng – Zuangtui kawng hi chak takin hma min lak sak thei angem tih ka zawt e.

SPEAKER : Chief Minister zahawm tak Pu Lal Thanhawla chhang turin sawm ang.

Pu LAL THANHAWLA, CHIEF MINISTER : Member zahawm tak hriatbelh atan Tuirini leh Tuivai leihlawn siamthat nan hian Mizoram PWD in National Highway a enkawlina Annual Plan 2014-15 hnuaiyah hetiang hian ruahmanna a siam a. Tuirini atan nuai 900, Tuivai atan nuai 2000 a ni. Tin, heng lei dawhna tur hian DPR buatsaih a ngai a. Chumi atan chuan consultant te rawih an ngai a. Tin, consultant rawihna hi (RFP) Request For Proposal, Chief Engineer, Highway PISA atangin tihchhuah a ni a. 29.9.2014 ah Tender a ni a, 24.10.2014 ah Tender hawn a ni a. A chhangtu pakhat chauh a awm a, chuvangin retender a ngai a. Tichuan chu retender chu December ni 4 ah hawn tur a ni. Tin, consultant thlan fel hnuah DPR te siama sanction a la ngai dawn a, sanction anih hnuah thawh theih chauh tur a nih avangin tunah chuan nichina zawhna kha engtikah nge thawh zawh hun tur a la hriat theih loh a ni.

Tin, Ministry of Road Transport & Highway hnuaiyah Inter State Connectivity Programme nichiah si lovin New Vervek, Zawngmum, Vairengte hi National Highway thar, National Highway 106 'A' a puan thar a ni a. Chumi hnuah chuan Member zahawm tak zawhna kha thun theih tur a la ni ang tih ka beisei.

Tin, nichina Member zahawm tak Pu Sangthuama zawhna kha, heng kawng han chhe leh zung zung hi contractor te liability period a ral hma chuan contractor tena an siamthat tur a ni a. A ral loh chuan anni kha titura hrilh an ni ang a, a ral tawh a nih chuan Department mawh a ni dawn a ni.

*Speech not corrected

Pu LALROBIAKA : Pu Speaker, zawhbelhna ka lo zawt ang e. Hei, keini Mamit District lam hi kan mangang khawp mai a, khulai Lei chhia avang khan. Chumi anih avang chuan kan hmaa thil lo awm tawh a bik takin hunrei tak lo dawn tawh Bairabi Tlawng Lei kha engtikah nge zawh a nih ang tih ka'n zawhbelh e.

Pu LALRUATKIMA : Pu Speaker, kan House Leader chhan hma khan zawhbelhna. Point hnih khat lek kan sawi duh chu, tunlai PWD lei zawh hi a hlauhawm deuh emaw ni chu aw, tih mai turin lei chungchang hi a controversial khawp mai a. Chuvangin 2009 a lei dawh contractor kan pek te kha an la dawh zo lo deuh vek mai a. Tuna kan House Leader zahawm takin a chhanna Tuirini leh Tuivai-a ruahhmanna neih te pawh tun ang zela kan kal chuan kum 5 hnuah pawh kan la dawh zovin ka ring lo va. Pu Speaker, hmanni lawkah Tlawng lei a chim a, an chak lakna kawng ber pin avang khan khawthlang mipuite an mangang a ni. Khawngaih takin Tania Construction Company ho hna ngah lutuk avang hian an rawn chhang leh a nih pawhin hna an ngah lutuk a, an thawk seng lo niin ka hria. Lei pawh an dawh tam lutuk a, an thawk seng lo a ni,. Chuvangin Pu Speaker, kan House Leader khan min tiam thei se a thain ka hria, hei hi chu, black list se tha in ka hria. Kan House Leader zahawm tak kha ka'n ngen tel a ni e.

SPEAKER : Chief Minister ilo sawm ang.

Pu LAL THANHAWLA, CHIEF MINISTER : Pu speaker, hna an ngah lutuk vanga dawh zo lo an nih ka ring lova, Highly technical thil a ni a, Leihlawn dawh te hi a foundation te pawh hi a tir atangin dik nghal vek lo te pawh a awm thei a. Chuvangin ennawn te pawh a ngai a, Lengpui kawng te pawh khu, rei deuh a inchiah a ni. Helai kan Engineer te tih zung zung chi ni lo te a awm ve bawkw avangin, chutiang chu a ni a. Tin, Bairabi Lei te pawh khu chutiang chu a ni, ennawn ngai leh enthat ngai te pawh a awm a, chutiang chu a ni a, chuvangin a design te tihthat leh a, chhe mai mai lo tura siam a ngai a, uluk a ngai a ni.

Tin, hna ngah leh ngah loh hi Mizoram contractor-tena an thawh phak loh hna lian tak tak hi a awm a. Khu lam atanga lo kal a ni a. Heng hi nangni chu hna in ngah em mai chhang suh u, intih chi a nilova, a chhan chu a chhang apiangte hnenah khan a competent deuh leh a chhanna rate leh a chhan dan a zir khan pek a ni a. Tin, tam tak muanna chhan hi chu Mizoram pawh awmna hre mumal lo ten anrawn chhang a. Anni ho chuan unworkable rate-in anrawn chhang a. Chung chu pek loh theih loh changte an awm a, chuvangin heng khawthlang lam National Highway te hna a kal chak theih loh chhan hi a ni a. Chuvangin hna ngah ringawt avangin hna a chak loh phah lo a ni tih kha hria ila. Bairabi Bridge te pawh tunah hian sorkar ang pawhin kan hmanhmawh ber zawkin ka ring a. Bukvannei-ah Palm Oil Mill tha tak kan siam a, a nikhat capacity ang pawh hi kan pe hlei thei lo a ni. Khu lam pang khu Palm Oil tamna a ni a. Chuvangin bridge siam zawh khu kan nghakhlel em em a, theih angin Department pawhin an tur a ni.

Tin, kan hriat tur chu Pathian hnam thlan zaa za kristian inti te hi kut tling lova sum lak tum hi kan tam em em mai a ni. Inven a harsa. Thenzawl leh Serchhip inkar thir Lei te pawh saw an ruk nasat avangin chowkidar dah a ngai tawp mai a ni. Mahse, chuti chung pawhin an la ru tho niin kan hmu a. A chhan chu, a lehlamah chowkidar a awm a, hetah a lehlama a tawp lam ami zan laia an ruk khan chowkidarin a va hmu lem lova, tlaivar tur em chuan kan phut thei bawk si lova, chuvang chuan khulai lei min te pawh kha a ni tho mai. A neitute hian neitu rilru pu lovin mikhual angin kan enkawl a, ringtu kan nih hi kan dah tha a, sum siamna tur a nih chuan duhamna nen kan thawk zel a, chu chu kan ven tlan a ngai a ni.

*Speech not corrected

Pu R.L.PIANMAWIA : Pu Speaker, tawite khawngaihin. Kan House Leader-in New Vervek atanga Vairengte inkar National Highway-a min dah sak thu kha bial aiawhin lawmthu ka sawi tak meuh meuh a. Tin, ka zawh belhna E.Phaileng - Zuangtui kawng chungchang kha min chhan dan kha a tawk lo riau mai a, sawi ang khan khilai ram neitu ho kha compensation te pawh an pe tawh a, ti hian a ngawi leh ta vang vang mai a, keini a bial mipui tan km 30 tuna kan zawh lai aia a tawi dawn si avang khan a chhuanawmin a nghahhlelhawm bawk si a, chuvang chuan kan nghahhlelhna leh kan beiseina te kha tihhlawhtlin dan min dap sak thei hram em tih ka zawt e.

Pu LALRUATKIMA : Pu Speaker, khi hun kha a ral tawh dawn tho si a, question hei aia tha tha kha a tam mai a, a hnungah khian mahse, kan chhang hman dawn lova, hun ka'n la lawk anga zawhna pakhat ka'n neih duh chu, Tantia-in hna an ngah em em mai tih kha kan sawi lang a. Assembly hmasaa zawhna chhannaah khan kum 2012 - 2014, kum hnih chhung khan Tantia ho hi cheng vaibelchhe 139 leh nuai 145 zet mai hna kan pe a ni. A hmaa an lo thawh tawh an lei dawh sa kha hmun hnihah khan a lo awm bawk si a. Hnathawh lai an ngah lutuk a, chuvangin Tuirini leh Tuivai kha an khawih leh chuan engtikah mah an zo thei dawn si lo va, chuvang chuan kan sawi chhuak a ni a, khalai kha thahnemngaihna thil a ni a. Leihlawn dawh tur hi chuan an fit taw lo a ni ang, Bairabi leh Tlawng lei an dawh te khu engtikah mah an zo thei dawn lovin ka hria, chu chu ka'n sawi belh a ni.

SPEAKER : Kan Chief Minister sawm ang.

Pu LAL THANHAWLA, CHIEF MINISTER : Pu Speaker, Tantia-ten Bairabi leh Tlawng an dawh kawp lo va, midang daih ve ve an ni a, kha kha lo hria ila. Tin, nangni chu hna in ngah tawh em mai rawn chhang ve suh u tih ringawt dan hi awm se chuan kan ti thei mai tur a ni a. A awm hran pa rih lo ni awm tak a ni tun thleng chuan.

Tin, Member zahawm tak Pu Pianmawia zawhna kha Phaileng to Zotui te, Zuangtui te kha chu kan proposal-ah a awmlo hrim hrim a, PWD work proposal-ah, chu chu hre leh phawt ila, a tha a nge.

*Speech not corrected

SPEAKER : Awle, zawhna leh chhanna hun a tawp ta a. Tunah chuan business dangah kan kal tawh ang a. Kan hriat angin kan zingah pahnih chawlh la an awm kha Pu C.Ngunlianchnaga leh Pu Z.Sangzuala. Tin, Pu Zoram Sangliana leh Pu K.S.Thanga hian an lo kal tlai tur thu Speaker an hrilh a, chu chu House hriat atan ka'n sawi duh a ni.

Tunah chuan Laying of papers kan la tawh ang a, kan Chief Minister zahawm tak Pu Lal Thanhawla'n 'The Twenty Second Annual Report 2012-2013 of Mizoram Public Service Commission' hi House dawhkanah rawn lay sela, ilo sawm ang.

Pu LAL THANHAWLA, CHIEF MINISTER : Pu Speaker, i remtihna leh House phalnain he House zahawm takah hian Twenty Second Annual Report 2012-2013 of Mizoram Public Service Commission ka rawn pharh e.

SPEAKER : A rawn pharh ta a, a copy kha member zahawm tak te hnenah sem ni se. Awle, tunah Pu R.Romawia, Minister zahawm tak ‘The Mizoram Public Records Rules, 2014’ hi House dawhkanah rawn lay turin i sawm ang.

Pu R. ROMAWIA, MINISTER : Pu Speaker, i remtihna leh House phalnain ‘The Mizoram Public Records Rules, 2014’ hi he House zahawm takah hian ka rawn lay e.

SPEAKER : A copy kha sem leh ni se. Awle, tunah Pu P.C.Lalthanliana, Minister zahawm tak ‘The Mizoram (Election to Village Councils) Rules, 2014’ he House dawhkanah lay turin i sawm ang.

Pu P.C. LALTHANLIANA, MINISTER : Pu Speaker, i remtihna leh he House phalnain ‘The Mizoram (Election to Village Councils) Rules, 2014’ chu ka rawn lay e.

SPEAKER : Awle, a copy kha Member zahawmtakte hnenah sem ni se. Tunah Pu Lal Thanzara, Minister zahawmtak ‘The Mizoram Clinical Establishments (Registration and Regulation) Rules, 2014’ he House dawhkana lay turin i sawm ang.

Pu LAL THANZARA, MINISTER : Pu Speaker, i remtihna leh he House zahawm tak phalnain ‘The Mizoram Clinical Establishments (Registration and Regulation) Rules, 2014’ chu he House zahawm tak dawhkanah hian ka rawn pharh e.

SPEAKER : Awle, a copy sem ni se. Tunah Pu Lalrinmawia Ralte, Minister zahawm ‘The Mizoram Shops and Establishments Rules, 2011’ hi House dawhkanah lay turin i sawm ang.

Pu LALRINMAWIA RALTE, MINISTER : Pu Speaker, i phalna leh he House zahawmtak remtihpuinain ‘The Mizoram Shops and Establishments Rules, 2011’ chu he House zahawm tak dawhkanah hian ka pharh e.

SPEAKER : Le, a copy sem ni se. Tunah chuan Presentation of Reports kan ti anga, Pu R.Vanlalvena member zahawm takin ‘The First Report of Committee on Paper laid on the Table,’ he House dawhkanah hian rawn present se, i sawm ang.

Pu R.VANLALVENA : Pu Speaker, ka lawm e. He House zahawm tak leh i remtihain Paper Lay Committee-ina kan lo buatsaih hi he House zahawm takah hian ka present a. Chutih rual chuan Pu Speaker, i remtihain tlemte, Paper Lay Committee hi pawimawh lo ang taka lang leh lar lo tak a ni a. Amaherawhchu, pawimawh viauin a lang a, a taka han luhchilh chuan. Vawiina kan Committee-ina kan rawn thehluk paper pawh hi he House zahawm tak hian 2006-a helaia a passed tawh rules la neilo te, 2007-2008 chho atanga House zahawm taka an lo passed tawh, rules-ina la bawhzui lohte a ni a. Chung department 17 khalaia kan Act kan lo neih tawh 13 te kha department hotute berawnin anni nena sawihoin rules an rawn neih theihna turin hemi Committee hian hma a la a. A buah khan nakinah kan chhiar anga, a inziak tho a, Department hotute nena kan sawiho atangin thla 6 chhung chuan rules pharh theih an in beisei a, chumi chu lawmawm kan ti a. Tin, department thenkhatte pheih chuan an bawhzui nghal a, an chungah lawmthu kan sawi a. He House zahawm takah hian kha paper kha ka rawn present e.

SPEAKER : A copy kha sem nise. Awle, a danga kan kal hmian kan Chief Minister zahawm tak hian pawn lamah thil tul tak a nei a, chu chu Speaker chhuahlawk phalna a rawn dil a, kan phalsak a ni tih he House hi kan hriattir a ni.

Tunah chuan Legislative Business-ah kan kal anga, vawiinah hian Bill 2 pass tur kan nei a, a pakhat zawk kan la hmasa ang a, ‘The Mizo Marriage, Divorce and Inheritance of Property Bill, 2014,’ introduce phalna dil turin Pu Lalsawta, Minister zahawm tak ilo sawm ang.

Pu LALSAWTA, MINISTER : Pu Speaker, i phalna leh he House remtihna a he House zahawm taka, “The Mizo Marriage, Divorce and Inheritance of Property Bill, 2014,” hi introduce phalna ka rawn dil e.

SPEAKER : Introduce a rawn dil a, kan phalsak mai lawm ni? Kan phalsak a, a introduce tawh mai ang a. A introduce rual khan ngaihtuah leh sawiho turin phalna rawn dil nghal mai sela, hun hek lo zawngin, tunah amah ilo sawm ang.

Pu LALSAWTA, MINISTER : Pu Speaker, he kan Dan siam tur, “The Mizo Marriage, Divorce and Inheritance of Property Bill, 2014,” hi member zahawm tak tak te hnenah sem vek tawh a ni a. Chuvang chuan, a introduction a han sawi tur khatia a introduce ber min phalsak chuan he Dan hi tunhma chuan tun thlengin keimahni hnam dan ang hian kan kal a. Court lamah thubuai a tam em em a. Tin, Court remtute pawhin rem harsa an ti a. A Dan bera kha ziaka a awmluh avangin customs anga kan kal khan tradition kan ti ang a. Pi leh Pu atanga kan hriat dan te, tin, Mizoram hi state tereuhte a ni kan ti tak nain hnam chi hrang hrangte kan lo awm ve a. Kan inneih danah te, kan inthen danah te, ro inluah chhawn danah te, practice hrang hrang kan nei theuh mai a. Chungte anih avang chuan Court tan pawh Court a rawn inkhing te, an hnam a zira lo hrang ta tlat te, nupa ngei pawh lo hrang ta tlat te awm theih a nih zel avangin kan customary law ang ringawt hi chuan kan kal thei talo a nih hi maw le kan ti a.

Tin, chubakah keini aia hnam upa zawk khawvel ram changkang tak tak pawh hian Dan angin an siam mai ve thin a. Customs anga han siam dawn hian Law lam mithiamten customs chu chutia siam mai theih a ni hlei nem kum chuti zat tal chhumlo chat lova practice reng a ngai a. Practice reng a nihna anga ziahchhuah quotify te hi chu a theih a. Mahse, kan practice reng lova, inneih manah te pawh Sial te kan ti a. Chung ang te pawh chu a practice takin kan chhunzawm tawh chuang lova. A taka nitina kan hmannaah hian kan tidanglam zel a. Chutiang karah chuan kan inneih dan hi The Mizo Marriage, Divorce and Inheritance of Property Bill-ina a rawn tum danah chuan Mizoram-ah pawh a pum pum ni lovin chhim lama Autonomous District Council 3 te phei saw chu alo hran leh deuh hlek avangin an practice te pawh alo danglam a, an customs te pawh alo danglam a. Han hrutruual a harsa em mai, kan practice inang deuh chin tal hi khawnge in ti teh ang tiin kan Law Commission hnenah he hna khirh tak leh harsa tak mai hi sorkar chuan a pe a.

Tin, member zahawm tak ten kan hriain ka ring a. Tun hma khan quotify tum anih avangin Pu R.Vanlawma (A thlarau hahdamin chawl se) ani awm tawhlo ho khan kum 30 aia rei mah hi Committee hi alo awm tawh a. An han ti thin a, mahse, kan sawi tawh ang khan traditions leh customs thil a nih avang khan ngaihnan te hi a inang lova, inhnialna te hi a titam ting a ni ta mah mah zawk a. Mi thahnemngai ten ziaka an rawn dah pawh hian tlema senior deuh hian hetiang a ni ngai lo, hetiang tur hi a ni ngai lo, tih ang turte hi a tam thei khawp mai a. Chuvang chuan, tun kan sorkar thar hian hei hi chu Dan ang hian Legislation hmangin i ti teh ang Legislation hmangin kan ti anga. Ram changkang tam takte pawhin traditions leh customs te nei ve tho mahse Legislation in an ti a. Chutah chuan, fa enkawl chungchangah te, naupang enkawl chungchang

thlengin Dan ang veka tih a nih hian chuan Court a han inkhin pawhin roreltu tan te pawn a buaithlak nep deuh a ni.

Tin, Law Department pawhin heng angah hian kan theih ang chuan kan lo thlir ve leh tho va, dan kalh te a nei em, tihsual palh te a nei em tih te hi. Pu Speaker, heta kan sawi duh pawimawh tak chu pakhatnaah chuan, nichina kan sawi ang khan kan practice a inan loh nuai avangin hemi a huamchhung tura mi, Mizoram hmar lampang hi han ti bik teh ang, hetah ngei pawh hian mi thenkhat chuan fa u berin ro channa a han nei a, hnam thenkhatah chuan fanau berin ro channa te a han nei leh bawk a, tuna han siamah hian a chan pawh a lawk deuh ber ang zawng khan a lang thei a. Chung angah te pawh chuan tuna kan han tih angah te hi chuan Law Commission ina uluk taka a han ngaihtuah a, a hmang tam ber kan ni mai awm mange. Dan te chu a tul chuan amendment-in kan la kal leh mai dawn a lawm, hetiangin han nei ve phawt mai ila dan hi an rawn tih a an rawn hlum fel takah hi chuan vawiinah hian he House zahawm takah hian kan rawn pulut ta a ni a. Chuvangchuan, a famkimlohnate, a fel tawkllohna te a awm ang, khang kha min lo hriatsak a pawimawh ka ti a.

Tin, hei kan han introduce dawn a, Section 3-na (p) tiin kan hrethiam ang a, mahsengin, dan ala nih loh deuh hlek avangin Bill a la ni a, tin, hmun danga an han tih dan deuh chuan clause an ti thin a, Clause 3(p) a mi a bride's family tih kha bridegroom's family tia ziaq tur kha a letlingin kan lo ziaq palh tlat mai a, keimah ngei pawh thiamlo ka inti a. A mawhphurtu ber chu keimah ka ni mai a, paw ka ti khawp mai a, khawngaih taka khami ziaq sual kha kan ziaq sual hi a tak Gazette a nih dawnah tihdik mai theih turin patent error anga min ngaihsak turin ka han ngen che u a ni.

Chutiang chuan he Dan chungchangah hian sawi tur tam tak awm mahse a pawimawh zual chu Dan hi i nei ve ang u khai, a la famkim loh pawhin hun kal zelina a mil tur te pawhin kan la amend thei tho a lawm, tuna kan tlin tawkah chuan kan phak taw leh kan tlin tawk angin he dan hi siam phawt mai ang tiin vawiinah hian kan rawn introduce a. Hemi ruala ka sawi duh chu Pu Speaker, kan Law Commission te hi hna an thawkrim a, an thawk hah em em a, an thluak pawh an hmang nasa a, mi pawh an rawn zau va. Chuvangchuan, kan Law Commission te kutchhuak a ni tih te pawh ka sawi duh a. He House Member zahawm tak Pu John Siamkunga tena theih tawp chhuah a an rawn chhawp chhuaha ni tih pawh kha han sawi tel tulin ka hria. Chuvangchuan, he House zahawm takah

hian Member ten thahnemngai taka uluk taka min sawipui turin ka rawn dil a ni. Ka lawm e.

SPEAKER : Le, a rawn move ta a. “The Mizo Marriage, Divorce and Inheritance of Property Bill, 2014” chu Minister zahawm tak Pu Lalsawta’n House-a sawiho turin rawn pharh ta a. Tunah sawiho kan tan ang a. Kan Dan 320-nain hun min phal sak angin, Bill hi pahnih a ni a, chuvangin, mi pakhat sawi hun tur hi minute 5 intuk ta ila, sawi theuh kan duh dawnin a lang a. Tin, pakhat dang kan la nei a. Mi pakhatin bill pakhatah minute 5 kan neih chuan bill 2-ah chuan minute 10 nei angah inngai ila, minute 5 theuh inpe ila chu chu kan remti mai em? Awle, kan remtiah ngai ila, tichuan tunah hian a sawiho kan tan dawn a ni. Minute 5 sawi duh chuan in sawi thei tawh e. Awle, Pi Vanlalawmpuii.

Pi VANLALAWMPUII CHAWNGTHU : Pu Speaker ka lawm e. Kan mizo dan kan neihah hian Hmeichhiate kan dinhmun hi a ropuilo hle a. Tun kan Sorkara kan Chief Minister zahawm tak Pu Lal Thanhawla kaihhruaina hnuai a he dan thar rawn zamchhuah a ni hi a hmasain lawmthu ka sawi a. Tin, helaia ka memberpui zahawm tak takte pawh unaunu, nupui, nu nei vek kan ni a. Chuvangchuanin, kan ngaihtuahnate zau zawk min senpui turin ka ngen che u a.

Hetiang dan siam a ngaihtuahna nasa tak seng a kan Minister-in a rawn introduce hi ka lawm em em bawk a. A bik takin inthen chungchangah te hian hmeichhiate kan chan a tha lova, sum chhuah chungchangah te pawh sum chhuah dan loh theih lohvin a mipate a zira hmeichhiaten loh theih lohva sum chhuah a tulna chen te pawh a awm thin a. Chuvangin, kan dinhmun hetiang anga siam thar a lo ni dawn hi a lawmawm ka ti a. Kan ngaihtuahnate seng zau ila, mizo hmeichhiate zawng zawng, keimah mai nilovin mizo hmeichhiate zawng zawngte kan Member pui zahawm tak tak ten he Bill, “The Mizo marriage, Divorce and Inheritance of Property Bill, 2014”, kan Minister zahawm takin a rawn introduce hi Mizo hmeichhiate zawng zawng aiawhin ka rawn ngen nawn ve a ni e. Ka lawm e.

DEPUTY SPEAKER : Awle, chair kan inthlak a. Kan minister khan fiah takin a rawn introduce tawh tho va. Member dang ten in sawi leh hmain tlem han sawi ve lawk ka duh a, chair atangin thu hma ang deuh leh hriat tul ka tih avangin. He Dan

pawimawh tak, kan ram leh hnamin a mamawh em em hi nichina move-naa a sawi tawh ang khan fimkhur leh uluk a ngai em em a. Chuvangchuan, hun hmasa lamah Customary Law Committee te siamin rei tak lo buaipui tawh a ni a. MNF kum sawm sorkar tawp lamah khan he House-ah hian pass hman chiah lovin ordinance siamin 'Divorce Ordinance' an lo siam a. Vawiina kan House Leader zahawm tak hova kan han sorkar khan Ordinance kha he House-ah hian nemnghet ila chuan 'Divorce Act', inthenna dan kan nei mai dawn a. Amaherawhchu, inneih dan Marriage Act nei silova inthen dan neih ngawk mai kha a fel lovin kan hotuten an hria a. Chuvangin, rem hre takin Law Commission te din a lo ni ta bawh a. Thil dang tam tak zingah he dan duan hi Law Commission chuan hna pui berah a nei chho ta a ni tih kan member-ten min hriatpui ka duh a. Tichuan, Law Commission chuan vawi tam tak thukhawmin helam ngaihven pawl te leh tlawmngai pawl hrang hrangte khawmin rawtna leh ngaihdante lakhawmin, a lak khawm hnuah vawiina kan Chief Minister zahawm tak ho hian pawl hrang hrang amite leh helama tui mite nen I&PR Conference Hall-ah te inrawn khawmna te kan lo nei tawh a ni.

Tin, Law Commission-ah hian mithiam tak tak, nichina kan sawi tak ang khan tawn hriat ngah tak tak leh High Court Judge qualified te, an hming pawh he House zahawm takah hian han lamchhuak ila a thain ka hria a. Pu R.C. Thanga Senior Advocate te, Pu Michael Zothankhuma Senior Advocate, Pu L.H.Lianhrima Senior Advocate te, Pu A.K. Rokhum Public Prosecutor te leh official member-ah Mizoram Judicial Service mi te, Court lama roreltu rei tak lo ni tawh te an ni hlawm a. Kei khatih laia Law Commission Chairman ber kha a hmingin Law lamah Master Degree nei ve mah ila a hrelo ber ka ni zawh a. Khang mi ten uluk taka an duan hnuah, Law Department-in zirchiang leh in he Bill hi kan ngaihtuah turin an rawn chhawp chhuak leh a ni a. Kan ram leh hnam chanchina chhinchhiah tlak tak thil pawimawh he House zahawm taka ngaihtuah alo ni dawn ta hi a lawmawm hlein ka hria a. Chair-a ka awm avangin a dan chhung kha ka zuk sawi ve a rem ta lo a, member zahawm tak tak ten khami kan lo buatsaih dan kha in hriat ka duh a. Tichuan, Law Commission a kan awm chhungin thehluh hman a ni ta lo a, tunah Law Commission thar kan member zahawm tak Pu John Siamkunga hovin tianga ngaihtuah tura an rawn chhawp chhuak hi kan ram leh hnam chanchinah thil pawimawh leh chhinchhiah tlak tak a ni dawn a ni tih memberten min hriatpui ka duh a, ka'n thu hma ve a nih chu. Le, tunge han sawi leh dawn le, Pu T.T. Zothansanga.

Pu T.T ZOTHANSANGA : Pu Deputy Speaker, ka lawm e. Hei vawiina kan bill hi a pawimawh khawp mai a, hmeichhiate tan phei chuan chanchin lawmawm thlenna ni a ni, an tan

chuan chanchin tha ni a ni tih te ka ngaihtuah a. Keini party hi Central lamah hmeichhiate min kaihhruai vang nge ka hrelo a, hmeichhia hi kan ngaihsak riau mai a, an harsatna hi kan hre bawk si a, kan ngawi mai mai theilo a, nau chu a veituin a hring ngei tur a ni tih ang deuhin, vawiinah keini party hian he Dan tha tak mai hi kan han hring chhuakah ka ngai a. AMC ah 1/3 reservation hmeichhia kan pe tawh a, V.C ah kan han pe leh anga, hmeichhe ngaipawimawh tak mai sawrkar kan ni, tih kha a hmasain ka sawi duh a.

Tin, chutihrualin he Dan lo buaipui hmasatu mi thiamte han ngaihtuah chuan han sawiho leh pawh hi a tul tawh chuang em ni? tih tur khawpin ngaihngamna an ni a. Amaherawhchu Dan anga alo awm dawn chuan fimkhur te a lo ngai a, tlema zawng han sawi tel hram hram ka duh lai chu, a page number kan sawi zeuh zeuh anga. Hei page no.3 a definitions-ah khan Acquired property leh Ancestral property a rawn tih kha, a hranpa a definition a rawn siam kha tha ka ti, Mizo chuan kan in leh lo ro hi kan han ti deuh tawp mai a, kan rochun leh hemi kan inneih chhunga kan thawhchuah ang chi te a hranpaa a rawn siam hi a ropui ka ti a. Tunhma khan MHIP te pawh khanin hmeichhia leh mipa an inthen a nih chuan, hmeichhia chu an chan a chhe em em ringawt mai a, 50% a insem an rawt thin kha. Khatiang ang chite chiang deuh takin hetah mumal taka in rawn tarchhuah avangin a lawmawm ka ti khawp maia, tawi te tein ka'n sawi duh a.

Page-3 ah khan divorce means 'For the purpose of these Act,' a tih khera kha angai em maw ni aw, ka ti a, 'For the purpose of these Act' kha kan paih hreh a nih pawhin within bracket ah dah ila, chutiang chu ni turah kan ngaia. Tin, page – 5, a chung ber tlar tawpah khanin marriage tih kha a spelling a diklo a, khalai spelling diklo te kha lo chhinchiah ila. Tin, page – 6 ah (S) 'Palai' tihah khan a tawpah khan marriage tih kha a spelling kha a diklo leh bawk a, khalai spelling diklo te kha han siamrem ta ila. Tin, page – 8 naah, No 7. Solemnization of marriage, clause (1) ah khan a rawn sawi thla a, rites, ceremonies and custom of the religion a tih kha, custom of the religious denomination tihah lo ngai ta ila. Tin, pariatnaah khanin inneih pawm loh tur chi ang te kha a rawn sawi tel a, kha kha tha ka ti khawp maia. Inru te hi Mizo chuan inneiah kan han ngai mai thin a, helaiah hian, 'unless regularised' a han ti kher te kha a tha ka ti ve hrim hrim a ni.

Tin, page – 10 ah khan a chung ber kha, Section-11, Sub No.-2 kha, khalai a rawn sawi kha kohhran nghawng a ni a, kha kha kohhran lamah pawh khan hriattir kha a thain ka ringa, kan marriage certificate a kan ziah dan tur te pawh kha kohhran lama kan hriattirte pawh a tul a nga. Tin, No – 3, tlar tawp ber dawtah khan, 'conclusive proof' a rawn tih kha, 'conclusive' tih kha a spelling a diklo a ni. Tin, a phrek zel khan ka rawn sawi mai a, a awlsam avangin. Tin, page – 10

section 12, Registration of Marriage tih kha, compulsory registration kha a ngai tawh a, amaherawhchu a time frame te kha siam ila a tha awm mang e, ka ti a. An inneih atanga thla khat emaw, thla hnih emaw, thla thum chhung emawin an in register tur a ni, tih ang khan siam a that ka ring deuh a.

Tichuan phek 10-na tawp berah khanin, 13 na, Grounds for the dissolution of marriage, a rawn ti a, khalaiah khan a rawn sawi a. Any marriage before and after the commencement of this Act, tiin a rawn sawi thla a rawn sawi thla a, ‘ on the ground that the respondent’ a rawn ti ta a ni, khalaia ‘the respondent’ a rawn tih kha lehlamah khan han kai ta ila, ‘has committed adultery’ tih kha a dik ta thlap mai a. Tin, a dawt lehah chuan, ‘due to irreconcilable incompatibility’ tih kha a dik ta lo a ni. On the ground that the respondent tih nen khan chhiar zawm zel tur a ni a, pahnihna kha a dik thei ta lo a ni. Tichuan No.7 kha a rawn dik thei ta lo baw k a, a hnuai ber ami kha, “on the ground that the respondent the wife refuse to on ‘Lawi’” tih kha, kha kha adik thei ta lo baw k a, khalai te kha lo chhinchiah ni leh ta sela.

Tin, page – 12 na, tlar 7-naah pawh khan, ‘By mutual consent’ tih pawh kha hetah ‘The respondent’ tih nen khan chhiar zawm tur a nih avang khan, chhinchhiah lo ni leh ta sela a that ka’n ringa. Tin, hei welfare matters phek – 13-naah khanin, Permanent Alimony and maintenance a rawn tih kha, 125 CRPC a kan hman thin a kha, khalai kha a rawn huam tela, khalai kha tha ka ti khawp maia, ka’n sawi tel duh a, phek 14 na hnuai lam te nen. (Dy Speaker : warning aw) Ka’n sawi leh phawt anga min lo hrethiam la. Hei Section – 18-naah hianin, ‘Where the decree for dissolution or nullity of marriage has been passed and either the time for appeal has expired’ a in ti a, helaiah hian appeal period kha a rawn sawi ta lova ni. Appeal period a expire siloh chuan a rawn ti a, mahse appeal period kha helaiah hianin thun tel theih dan kha awm leh se a that ka ringa. Tin, 20-na velah leh 21-na velah khan, engtin emaw Magistrate in han siamrem dan dang a zawng ang tih kha, Lok Adalat te kha remchang taka han thun dan te kha awm se a that ka’n ring deuh hleka.

Tin, a dang hrim hrimah hianin a tam khawp maia, amaherawhchu ka sawi tam lo anga. Hmeichhia an vannei ngawih ngawih a, tun kan Danah hianin, kan han inneih tawh chuanin kan thil reng reng hi mipa ta vek anga ngaih hi a ni thina, tunah chuan women’s personal property te kan han ti a, tin hmeichhia kha an lawi duh tlat lo a nih chuan, inthen nghal kha a theih a ni, nu leh pain innei tura min nawr luih pawhin, hmeichhia a lawi duh tlat loh chuanin, dissolution of marriage kha a invite nghal a ni, khang te pawh kha a tha ve hrim hrim ka ti a.

Tin, women's personal property a rawn tih te kha, a hmeichhe hriat lohin a dehral theih loh tih te, tin mipa thiamloh vanga inthen an nih chuan, acquired property-ah pawh hmeichhiaian chanvo 50 % a nei a ni tih te, khang ang chi te kha nakinah kan la sawi chho zel anga. A pumpui thuah he Dan hi tha ka ti a, Mizo Society ah hmeichhe nun hniam tak leh hrehawm taka awm hmeithai a lo awm thin tawh tan te pawh, hetiang inthenna leh inneihna fel tak Dan kan hotuten an rawn chhawpchuak hi a lawmawm ka ti a, lawm takin ka rawn pawm a ni tih kha ka rawn sawi a ni. Hun a tlem angreng si a, ka thlawp e.

DEPUTY SPEAKER : Tunge sawi leh dawn, pass nghal theih mai dawn em ni?

Pu VANLALZAWMA : Pu Deputy Speaker, ka lawm e. Tunah hian Dan pawimawh tak kan han sawi thei hi a lawmawm hlein ka hria. A pumpui thuin hetiang Dan kan han pass thei tur hi a lawmawm hlein ka hria. Kum 15 kal ta khan Customary Law Committee-ah te kan lo tel ve zeuh zeuh tawh a, chungah pawh chuan a harsa ang reng khawp mai a, kan buai kan buai a. Chutih laiin hmeichhe chan chhiat dan te kha kan ngaithla ngun angreng khawp mai a. MHIP hruaitu pakhatin a sawi thil dik angreng tak chu 'hmeichhiate hi chu TMB ang chauh hi kan ni, a thawkchuak thur thur a, kan engamah kan ta a awm leh silova, inthen ni te pawhin kan dawng leh ringawt a. TMB pawhin hna a thawk vak vak a, a phur chhuak teuh a, a engamah a ta a awm leh silo ang hi kan ni e' a ti a, a dik deuh na lai te pawh hi a awmin ka hria a. Chuvangin bungrua an han neih ve theih dan kan han siam te pawh hi a tha hle in ka hria.

Kan ngaihthlak ang khan engemaw hlek hlek fel lo thei te chu a awm ang a, chungte chu a tul anga siam rem, amend hlek hlek te pawh a tul mai thei a. Kan Customary Law hrim hrim pawh hi a lo inang lo zeuh zeuh va, chuvang chuan kan tih dan inanglo zeuh zeuh pawh a awm mai thei a. Amaherawhchu hetia han tih phawt loh hi chuan khang zawng zawng kha han siam rem theih chiah pawh a ni lo va. Chuvang chuan kan sorkar Law Department lamin Dan mumal deuh mai an han duang chhuak hi a tha e tih kha ka'n sawi duh a. Chutihrualin, typing mistake te pawh a awmin ka hria a, chuvangin uluk deuh hleka en kha a thain ka hria a, ka'n sawi ve duh a ni e.

Dr. H. NGURDINGLIANA : Pu Deputy Speaker ka lawm e. Tun tum Session-ah hian Bill pali (4) put luh a ni a, chumi zingah chuan tuna kan khel mek "The Mizo Marriage, Divorce and Inheritance of Property Bill, 2014" hi ka chhiar uluk ber a ni a. A

chhan chu nu leh pa leh Pathian zarah kum 18 phaiah lehkha ka zir a mizo dan hre miah lovin nupui kan han nei ve tawp mai a, Biak Inah inkhawm a ngai ngei tih ka hria a, tlaiah ruai theh a ngai ngei tih ka hria a, a bak kha chu ka hre lo reng reng a. Kan chho zel a fanau rochan kan han nei chhova pasal an han neih dawn khan ka buai khawp mai, chuta tang chuan ka inbuatsaih chhova, Dan bu te ka han chhiar a, chuta tanga palai lo dawnawn dan te a kip a kawiiin ka lo hre ta a.

He Dan hi ka bih uluk bik nachhan chu fanu hliir 4 ka nei a, a chhiat a thatah engemaw kan tawng thei tih hriain ka chhiar uluk em em khawp a. Kan Minister leh a kaihnhawih zawng zawng in inbuatsaihna a tha ka ti a. Kan member zahawm tak Pu TT Zothansanga'n a sawi ang khan vawiiinah chuan hmeichhe tan chuan he Bill hi kan pass mai turah ka ngai a, a buaipuitu zawng zawng leh kan Minister hnenah lawmthu ka han sawi a, ka member puite pawh thlawp ngei turin ka han sawm che u a ni.

Pu LALRUATKIMA : Pu Deputy Speaker, ka lawm e. Bill sawi hlawh hle tura ka ngaih sawi hlawh lem si lo a ni em aw ka ti a, kan Customary Law te a nghawng avangin ngun taka ngaihtuah ngai thil a ni a, Bill tha ang reng tak si fimkhur ngai tak baw si a a lan avangin hei hi controversial takin kan hmang thei ni te pawha ka hriat avangin sawi ve hrim hrim thain ka hria a ni. A buatsaihtute chungah lawmthu sawi te kan ngai thla a, a lawmawm khawp mai. Chutih lai chuan Mizote kan vannei a, memorandum of settlement MNF leh India sorkarin an siam khan Article 371 (G) ah khan special provision min pe a. Mizo customary law leh a dang te, kan religious leh kan practice zawng zawngte kha Parliament-in alo tih ve ngawt theih loh kha kan vanneihna lai tak a ni a. Transfer of ownership of land chungchangah te pawh khan kan vannei a. Chutih lai chuan Mizo hnam dan, Mizo customary law hi hun rei tak kan phuah a, an rawn compile fel hma khan hemi ang deuh tho khan ziaak loh dan convention kha kan lo nei a ni. Chutiang chuan hun rei tak man leh mual ah te pawh kan lo kal tawh a. Vawiiinah hian hetiangah Bill kan han neih takah hian ngaihtuah ngun ngai tak niin ka hria a. Chutah chuan inneihna bika ka sawi tel duh chu, keini hi a tam zawk kristian kan ni a, kohhranah pawh serh leh sang te zing ami niin Pathian ruatah inneihna hi kohhran tinin kan pawm avangin Dan mumal tak, a bik takin Presbyterian kohhran chuan nupa chungchang Dan kohhran pawl dang nena inkungkaih dan 2012 tiin hetiang hian a nei a. Chuvang chuan Kohhran Dan ang chauh lo chuan Presbyterian chuan nupa chungchangah hian Dan siam kha harsa a ti a. Chulaiah chuan ram dana inneih kan tih ang chi Indian Marriage Act te pawh

kan nei tho chungin kohhran hrang hrang hian a pumpu hlum chuan kan pawm lo a ni. Heng ang Mizo inneihna inthenna leh rokhawmna dan kan lo siam hi a bik takin inneihna chungchangah hian kohhran te leh tlawmngai pawl hrang hrangten kalphunga kan lo neih tawh te, Mizo Customary Law te kan han en a chungte nen pawh chuan a inzul tlangpui a. Amaherawhchu kohhran nena ka hmaa sawituten an sawi tawh ang khan he Dan inthenna dan a RL leh RC lak theih chungchangah hian Court thu kal zel thei anih avang khan eng Court pawhin thu a rem kha chuan inneih that lehna kha pawm theih khan hetah hian kan hmu a ni a. Chapter 4 section 18-naah khan “Liberty of Parties remarriage again” hetah hian kohhranin RL leh RC anga alo siam kha kum 3 chhung thununna a lo pek thin kha court a rawn violent palh kha chuan kohhran tan pawh buaithlak deuh mai a awm ve thei a ni. Kohhran Dan a awm bawk a, ram Dan a awm bawk si kha chuan court-in thutlukna a lo siam kha zawm mai a ngaih avang khan harsatna awm palh thei ang zawng zawng kha a Bill puluttu leh a buatsaihtute hian an rawn hmu thleng turah ka ngai a. Chutih lai erawh chuan inneih dan chungchang kan tih kha chuan kohhran kan rawn leh rawn loh chiah kha an rawn sawi loh avang khan consultation zau takin kan nei niawm tak chu a ni a. Mizo Kristian Marriage Act kan han tih vawiina kan Bill-in a ken telah te pawh hian kohhran hrang hrangte nen an sawi ve em tih te pawh ka ngaihtuahnaah a awm a.

Chutih lai chuan helaiah hian ‘liberty of parties to marry again’ tih a ni a. Kohhran pakhat phei hi chuan inthenna kha a pawm lo hrim hrim mai a. Chutiange chu kan nih avangin helaiah hian Inthenna Dan, Inneih that lehna Dan te pawh kha kan neih tel bawk avangin he Dan hi a famkim lo hret em aw chu ka ti a. Chuvangin, a pumpuia han en khan kan certificate issue-ah te pawh khan Mizo Marriage, Divorce and Inheritance of Property Act, 2014 tih emaw te kha dah a ngai dawn tawh a ni. A hma kha chuan Mizo Christian Marriage Act-in a phal angin tih kha certificate-ah pawh tarlan a ni a. Nichinah khan kan member zahawm tak Pu TT Zothansanga pawh khan a rawn sawi tawh a, hemi licence holder ang chi officer te pawh khan khalai kha siam that vek registration ah te pawh khan a ngai dawn niin a lang a. Chuvangin, inneihna, a bik takin dissolution of marriage-ah pawh khan kohhran Dan kha kan thlir a ngai khawp mai a. Pu Deputy Speaker, Session hmasaah khan kohhran rawn leh rawn loh kha kan sawi chiam a. He thil hi kohhran nena sawiho ngai lai tak mai a ni a. Kohhran serh leh sang thil a nih avang leh kohhran hmalakna thil a nih avangin, kohhran te nena rem tih tlan, RL leh RC te kha a khawih tel avang khan ngun taka kan ngaihtuah a ngaiin ka hria.

A bik takin Chapter 4 Section 18-na, Liberties of Parties to marry again tih hi ngun taka kan ngaihtuah hi a tul a. Thil dang hrang hrangah kha chuan a tha tlangpuiin ka hria a. Amaherawhchu, fimkhur taka he Bil hi kan ngaihtuah a, kohhrante nena a hmangtu, a tipuitlingtute nena kan inbiakrawn tlan that loh chuan kan kalphung hi a pherh zung ang tih ka hlau khawp mai a. Chuvangin, a kenkawh chungchang leh a tihhlawhtlin chungchangah khan ngun taka kan ngaihtuah a tul takzet a ni tih kha ka'n sawi tel a ni.

DEPUTY SPEAKER : Pu Romawia, Minister zahawm tak i lo ko ang.

Pu R. ROMAWIA, MINISTER : Pu Deputy Speaker, ka lawm e. Han sawi ve ka duhna chhan chu khawvel her zelah hian Customary Law te pawh modify a lo ngai turah ngai i la, chapter thar kan hawng dawn a. “Hmeichhe finin tuikhur ral a kai lo, hmeichhia leh palchhia thlak theih” tih ang kha kan society khan a ngai ropui tawh lova. Chuvang chuan, kan fanu te dinhmun pa hovin kan thlirna a lo lian tawh a. Kan nupuite dinhmun mipa pawhin kan thlirna-te a lo lian tawh a. Chumi rilrem zawng chuan Dan te pawh kha siam a lo ngai ta a ni berin ka hria a. In mak mai mai te pawh a awlsam lohna turte leh rokhawm chungchang te pawh tunah hian thil harsa ber court pawhin an buaipui em em a ni a. Nupa inthen kara an fate enkawltu tur chungchang thleng te pawhin. Tin, kohhran lam chuan inthen loh hi kan duh ber reng a. Eng kohhran mah hian nupa a insiam tawhte hi inthen se tih an duh lova. Amaherawhchu, khawvel sualna a kan awm avangin, an lo inthen lo thei lova. An lo inthen a, chutah chuan, kohhran chuan an lo inpum leh theihna dan tur kan zawng ngat ngat thin a. A mipa a hmeichhia kan leng tawn a. An inpum khat theih ngang tawh loh chinah khanin hetiang anga an inneih cancel-na te pawh hi kohhranin tihdan phung a niin ka hria a. Chu chu he kan Dan nen hian a inman rem zawk hle nghe nghein ka hria a. Helaiiah hian engemaw court lamin inthena a lo tih tawh pawh anni mutual understanding neia ‘kan inkawp leh duh’ an tih chuan, ‘a ni tak alawm’ court-in a lo tih pheih kha chuan, Kohhran chuan kan ‘amen’ mai turah ka ngai zawk nghe nghe a. Chutiang chu hlauhthawn awm lem lovah ka ngai a.

Tin, hemiah hian a ro khawmtu tur chungchang hrim hrimah pawh hian tunah hian duhamna khawvelah kan awm tawh a. Ka chan Revenue-a ka experience ngeiah pawh hian pa tena wills an ziak ngei te pawh hi an fate ho hian an zawm hlei thei tawh lo a ni. An fa, tu ber emaw tal hianin chan vek tumna hi an nei tawh a ni. Chutiang khawvel chu kan nih mek tawh avang hian, kan khawvel kal mek chhanna atan hian Dan hetiang min hung zo deuh kan siam hi chu a tul tawhin ka hria a. Chhungkua insiamna ropui tak a lo ni a. Chhungkuaa kan insiam hnu-ah khan chhungkua kha a pherh leh thei a, a pherh leh lutuk thei a. A pherh leh lutuk tal kha chu Dan-in kan

ven hi a ngai hlein ka hria a. Chuvangin, he Dan hi kan hman ve ngei tawh hi, kan ram dinhmun kal zelah hian tihmakmawh ni tawhin ka hria a, ka'n rawn support a ni e. Ka lawm e.

DEPUTY SPEAKER : A lawmawm e. Pu T.Sangkunga'n a dil lawk a, lo ko ila.

Pu T.SANGKUNGA : Pu Deputy Speaker, he Dan thar kan House –a Bill, kan Dan thar neihna tur lo lut hi ropui ka ti a. Mizo-te vannei ka intihna chu kan hmeichhia-te ropuina hi a ni a. Chhung tinin dam loh, hritlan te, thihna-te kan lo tuar thin a. Kan chhungkua leh ka hmuh phak zawng zawngah hmeichhe hmangaihna hi ropui ka ti thin. Ka pa damloh te, ka nu damloh te, an han thih te khan, ka farnu te hi a mipa ho ai hian kan nu leh pa te hmangaihna-ah an thuk zia, an nata an han tawrhpuoi nasat zia, an feeling ka zuk hmu thin a. An thih a an tawrh zia te ka zuk hmu thin. Tin, keini an nuta te kan han damloh te hian an rawn buai em em a, kan thi ang tih te hi an hlau em em a ni. Keini chuan an damloh a, Hospital a an awm meuh pawhin, mipa hi chuan eng vakah hian kan ngai mang lo tlat mai a. Kan hnam nih tinuamtu leh chhungkua min phuarkhawm a, min rawn ngaihtuahu tak tak hi chu kan hmeichhiate hi an ni a. Chu chu zep rual a awm lova. Chuvangin, hetiang hmeichhia Mizoin kan nei hi ropui ka ti a.

Sap-te chu an ni hauh lova. Bangalore-ah kan Pastor ho ropui tak tak chherchhuaktu Principal nupui an sawi thin a. A thiante an lo len pawh hian thingpui lum pawh hi a tum reng reng lova. Ka inlengte thingpui ka lum ang a, kan pa in a inlengte thingpui chu a lum ang chu a ti mai thin e an ti a, a ngaihsak reng reng lo. Keini chu kan farnu te, kan nupui te hian kan inlengte an lo buaipui em em a, kan be chhia ang tih te an lo hlau em em a. An inlengte hi kan lo ngaihsakpui tawk lova. Khatiang khan, kan Mizo hmeichhiate hi kan tluk lo takzet zet in ka hria a. Nu te pawh hianin fa sual deuh te, unau zinga a hniam deuh te hi an ngaihtuah em em a. Pa ina kan chul liam mai mai ang hian an ti miah lo a ni. Kan en liam mai mai ang hian an ngai ve thei lo. Hmangaihna-ah hian an thuk a ni. Chuvangin, sap tlangvalten Mizo an neih palh hi chuan tifuh hi an inti em em a, an thiante sap neiin an pasal te an ngaihsak loh zia an hmuhin. Japan nula te, Mizo nula te khatiang hmangaihna ngah an han neih hi chuan ti fuh an inti a. Chuti chung chuan he Dan kan neih loh avang hian kan Customary Law hian hmeichhe dinhmun hi a dah hniam em em mai si a. Siamthat an han tum lah chuan Customary Law te amend theih a ni hlei nem, High Court te, Supreme Court ten thousands of years atanga an lo practice tawh kha Customary Law chu a ni a, tuna siamthat a, amend theih a ni lo an ti tlat si a.

Chuvangin, sawn man pawh a pung thei reng reng lova. Hman laia sawn man sial ni thin kha, khatih laia sial man kha ₹ 40/- a nih avangin sawn man hi (sepui man hi) cheng sing 5 a nih hunah pawh sawn man hi ₹ 40/- a ni reng mai a ni. Khatiang khan Customary Law leh practice tha lo deuh mai kan hnam mipaten kan tluk loh mah mah te chungchanga practice kan lo neih tha lo deuh mai kha he kan Dan thar hian a lo thlak dawn ta a. Tunah chuan hmeichhiain a pa thih thuta a thawk chhuaktu ber leh unau zinga an chhungkaw khaidingu pawh nise ro chanvo nei thei lo tur te kha an phu tawk ang he kan Dan thara an chanvo tawk ang, hei hi a la tling lo a nih pawhin a move-tu kan Law Minister zahawm takin a a sawi ang khan, nakinah la siam that zel a ni ang a. Dan te chu engineer pakhat fiamthuain, 'ka pu, helai kawng siam hi a chho em mai, helaiah hian kal tir la a phei nuam dawn si a,' an ti a. 'Ka siam thatin thangtharin hna an nei nang, thangtharten an rawn siam zawl pheiah,' a ti a, a thlak duh reng reng lo an tih ang deuh hlekin. Kan Dan kha a lo tha tawk lo a nih pawhin, famkim lohna lai a lo nei a nih pawhin kan la siam tha zel ang a. Tuna chanvo tha tak kan hmeichhiaten an han nei tur hi lawmawm ka ti a. Chuvangin a siamtute pawhin an ngaihtuah ulukin Dan thiam mite an ni bawk a, an hriain ka hria a. A kim tawk lohna te a awm a nih pawhin kan la siam tha zel ang a, thangtharten an rawn la siam tha zel ang a, tuna lo siam vek kha chuan sorkar hnate pawh hi thawk vek ila thangtharten thawh tur an nei dawn lova, chuang chuan thangtharte rawn siam thatah kan dah ang a. Kohhran Dan chungchangah hian kan member zahawm tak rawn sawi kha a dik khawp mai a. Amaherawhchu kohhrante hian ro khawm lam hi an sawi thleng lo va. Nupa an inthen lohna tura kohhranin thianghlim taka a innei ngei te inuire san lova an awmdan tur a duh avangin he Dan hi, Kohhranin Dan, inneih Dan a han siam te hi chu khalam atana ruahman a ni tlangpui a. He Dan erawh hi chuan kan hmeichhiaten chanvo an rawn neih vena dan tur leh dinhmun tha an rawn neih vena tur lam, ro an rawn khawm theihna tur lam te, property an rawn neih ve theihna tur te a ni a, a kawh kha a inang lova ni. He Dan pahnih hi inneihna Dan Kohhran siam leh keinin hmeichhe chungchang leh chungkaw chungchang awm dan tur, inneih dan leh inthena awm dan tur te. Tin, women personal property tih thlenga a rawn siamna chhan hi chu kan hmeichhiate dinhmun chawikanna tur liau liau a ni a, inthen a tichakawm sawt dawn chuang lova. Kohhranin inthen suh se ti a inthen lo thei ang ber tura Dan a lo siam ang khan, inthen lam ni lovin inthen a nih palh pawha an chanvo turte kha a rawn sawi a ni. Chuvangin nichina kan member Pu Zothansanga'n a rawn sawi ang khan he Dan, he House-a fing taka kan sorkarin a rawn pulut hi a ropui a. Hmeichhiate tan phei chuan, Zoram tan hian Dan rangkachak a ni a, hmeichhia te tan zalenna, Liberty of Law a ni

hialin ka hria a. Chuvangin he House-a an rawn chhawp chhuak leh sawiho theia kan han awm a kan han ding ve ringawt pawh hi vannei ka inti khawp mai. He Dan hi ka support hle a ni, Pu Deputy Speaker, ka lawm e.

DEPUTY SPEAKER : Nia, kha kohhran kha in sawi ta zauh zauh a. Kohhran hi lo rawn dawn ta se eng Kohhran ber nge an rawn ang. Mizoram-ah hian kohhran denomination hi 70 chuang a awm an ti a ni lawm ni kha? Chuvang chuan kohhrante tih dan kalh lovin Kohhran tih kha a pawmpui vek niin ka hria a, kha kha ka'n sawifiah ve zawk a ni. Awle, Er. Lalrinawma.

Er. LALRINAWMA : Pu Deputy Speaker, ka lawm e. Hei wawiinah Dan thar te rawn chhawp chhuah a ni a, lehlamah chuan hmeichhiate tan chuan wawiin hi ni lawmawm tak te a ni awm mang e ka'n ti a. East Tuipui bialtu MLA zahawm tak kha ka thusawi hma pawh khan phar a chak tawh ngawtin ka ring a, amaherawhchu a la phar theih loh a kan la sawiho dawn a ni a.

He Dan tharah hian hmeichhiaten inthen thu hlaah te chanvo an lo nei tawh dawn a ni a, keini te pawh hmeichhia fanu nei kan ni a. A leh lamah chuan hetiang kut ruak lutuka han kal te leh engmah inchhung khurah nasa taka hna an han thawka chanvo nei lova an han chhuak ringawt te hi an lainatawm em em a, chungte chu hre renga heng Dan te pawh hi siam an nih kan ring a. Chutih rual rual erawh chuan Clause/Section no. 32-nain inheritance of women personal property tih lai hian ka ngaituahna a ti thui khawp mai a. A chhan chu, heta a ziah ang hian hmeichhia kha a lo boral chuan a pasal khan a ro kha a khawm mai dawn a ni a. Chu chuan kan hnam thil thui tak hi a nghawng dawnin ka hria a.

Vawiinah hmeichhiate pawhin lo hria se ka'n duh chu hnam dang pasal nei te, phai lamah te kan fate kan dah a, kan lo inchiahpiah tawlh tawlh a, kan hmeichhiate kan venghim zo lo tawlh tawlh a, hnamdang pasal nei an tam tawlh tawlh bawk a, chung niah te chuan an bungraw kalsan te kha an pasalten an chang hmiah hmiah tawh mai dawn niin a lang a. Chuvang chuan heng aiah hian eng nge, engtin nge helai tak hi rilruah thil thui tak ngaituahaah a lang a. A chhan chu wawiinah nichina member zahawm takin a sawi tawh ang khan MNF leh India sorkar inremnaah pawh ram chungchangah te hnam dang kuta hlan chungchangah te pawh fel fai taka ziah a ni a. Amaherawhchu

vawiinah hmeichhiaten ro an khawm rual rualin hnam dang pasal nei an lo nih kha chuan an kutah kan bungraw tam tak hi loh theih lohlin kan duh emaw duh lo emaw he Dan kan hman atang hian a lo lut dawn tawh a ni tih hi kan hriat a thain ka hria a, chu chu kan ngaihtuahnaah pawh awm sela a thain kan ring bawka ni.

Helaia Clause/Section no. 26 sub no. 2 a hmeichhia uire-a a chhuah chungchangah ama bungrua 25% tih angreng a rawn ziah lai khan ka ngaituahna a tibuai angreng deuh a. 25% tih kha eng atanga chhut tur nge ni ang aw ka ti a. A thil rawn chhawm kha a in ang put put za chuang chuang a rawn chhawm awm si lo a, 4/5 emaw thil inang emaw, ama bungrua kha inang thup thup a nei kher lo ang a, puan te chu a lo ngah deuh mai thei ang a, chu chu eng rate a chhut tur nge ni ang tih kha ka rilruah a awm deuh a, helai hi zirchian deuh nise a that ka ring a.

DEPUTY SPEAKER : Acquired property tih a nih kha han enchiang la maw. Acquired property, inneih atanga an acquired a kha maw.

Er. LALRINAWMA : Kha kha 25% kha han then hran kha a har lo maw kan ti deuh a ni. Eng pawh nise, hei chu nakinah a tha lo lai te, a thalai te kan la siam tha zel turah ngai ila. Ka ngaih pawimawh ber lai zawk chu heng Dan kan neih atang hi chuan kan hmeichhiate pawh hian Mizo tlangval lo hi chu nei lo se tih te pawh hi a tha awm mang e aw tih kha vawiinah hian ka'n sawi duh a ni. Pu Deputy Speaker, ka lawm e.

DEPUTY SPEAKER : Pu P.C. Zoramsangliana.

Pu P.C. ZORAM SANGLIANA : Pu Deputy Speaker, a hun takah ka lo thleng thei lova, mahse Speaker-in min hriatthiam avangin ka lawm a. Vawiina kan Minister zahawm takin Dan a rawn pharh leh kan han pass tur hi kan hnam tan thil nghahlelhawm tak a ni a. A bik takin hmeichhiate tan phei chuan he House kaltlanga an rahbi thar chuan tur Minister zahawm takin a Department Officer te leh rawn tur hrang hrangte rawna vawiina kan dinhmun atanga han chhuta kan tih theih tur awm ang an rawn ruahman; tin, chu bakah nakinah rules siam tur anih chuan rules siam hunah chuan vawiina member-ten kan duhthawhna lai leh a la kim lo deuh kan tih lai te, chu bakah a kaihnawih bik te, hmeichhe pawl

hrang hrangte pawhin chung hunah te chuan an rawtna te la ngaihthlaksak theih ni ta fo sela, chungte chu a hmasain ka'n sawi duh a.

Member thenkhatin an sawi keini ang fanu hliir nei te tan chuan, heng te hi bih ngun hi a ngai khawp mai a. A chhan chu duat tak leh lungchim taka kan lo enkawl ve te mi fa te an han ni dawn a, chutihlai karah an hun kal zel tur te han ngaihtuah hian dan awmsa ngau ngauah hi chuan, kan hmeichhia chhuanawm tak tak, kan member-ten an sawi anga hnam tan pawha chhuanawm tak tak te, nu leh pa leh khawtlang te pawh chawimawi theitu zawkte pawh hi dan hman lai angah hi chuan nupui pasal neihna leh an dinhmun, a chhe ber a lo thlena inthenna te, an pasalten an han boralsan a an dinhmun han en te hian a tha tawk lo tih hria a tha thei tur ang bera kan sorkarin kan Minister hova hetiang remruatna/hmalakna an rawn nei, House-a pharh a ni ta hi hmeichhe tan chuan jubilee dar vuakna ni (day) ah ka ngaihsak a. A kim lo tih erawh hi chu, an duhthusam a ni diak diak lovang tih chu a lang a. Amaherawhchu, hemi atang ringawt pawh hian, Mizoram sorkar, he sorkarin hmeichhiate a ngai pawimawh a ni, chumi atang chuan an harsatnate Dan hmanga humhalhsak hi a tum a. Pasal an neih hunah emaw, then hnuah emaw, thihna hial an tawh hunah emaw, kan kawppuiten emaw anmahniin an tawh hunah pawh, an dinhmun tur te thlenga ngaihtuahna zau tak hmanga an rawn buatsaih, House-a pharh a'n ni a, i kaihhruaina hnuaiia kan han rela kan han pass tur hi Mizo hmeichhiate tan chuan keini tan chauh ni lo, an diary-a an lo chhinchhiah chu an tih ngei turah ka ngai.

Chutiang a nih avang chuan, a hnu zelah kan Minister-in a sawihawwnaah a sawi vek a, 'kim lo lai te a awm ngei ang a, famkim tawk lo te, chungte pawh chu kan la enho zel dawn a ni,' a han ti te hlei hlei khan kawng a hawng zau a. A section te te han thliir a chulai a kim lo, a wording, a sentence a dik lo tih zawng zawng aiin ka sawi duh lai zawk chu Pu Deputy Speaker, hei hian he sorkar hian Mizo hmeichhiate hamthatna tur te, an chanvo thatna tur te a ngaihtuah a ni tih hi a tilangin ka hria a. Chumi tak chu pass pawh a chakawmna lai niin ka hria a. Nia, khawi lai laiah emaw chuan a chuti deuh lo maw tia han sawi tur te chu a awm ngei mai. Amaherawhchu, a rawn luhna rilru zawka kha a pawimawhin ka hria a. Pu T. Lalengzauva'n a hlaah 'Thil petu, i thilpek ni lovin thil petu, nangmah zawk ka duh che' a tih ang deuh hlek hian he sorkarin hmeichhiate a ngaihtuahna lai tak mai, chumi avanga Bill lo lut hi lawmawm ka ti a, pass turin ka rawn support ve a ni e. Ka lawm e.

DEPUTY SPEAKER : Pu K. Sangthuama

Pu K. SANGTHUAMA : Pu Deputy Speaker, wawiin kan Bill hi ka hmaa miten thiam takin an rawn sawi tawh a, a pawimawh khawp mai a. Kan hmeichhiate hrim hrim lam chauh ni lovin mipa pawh kan tel vek a. Mipa hian fanute kan nei vek bawk a, a pawimawh dan chu mipa leh hmeichhia kha a inchen vekin ka hria a. Tunhma pawh khan helaiah hian ngaihtuahna tam tak a mimal ang pawhin ka lo seng ve thin a, hmeichhiaten hna hah takin an thawk a, sum tam tak te an thawk chhuak a, an pasaltea mak chhiat an han tawk leh a chanvo pakhatmah nei lova an han awm mai hi chu a fuh lo hlea hriatna hi ka neihna a rei ve tawh a. Hei tunah Dan kan sorkarin a rawn siam hi thain ka hria a.

Nichina an han sawi ang khan fel tawk lote chu a awm maithei e. Amaherawhchu, chung chu nakina la siam that te a theih tho a. Hmeichhia hi ni e, an khawngaihthlak khawp mai a. Mipa tam takin hmeichhia kan ngaih dan te Mizoah hian a la dik tawk lo viauin ka hria. Tin, keini Mizo chang ni lo hian vai hlei hlei hian hmeichhia hi an tiduhdah a. Hei hi khawvela kan chen chhung hian ni reng lo sela tih hi keipawh a mimal ang pawha ka ngaihdan fo a ni a. Hmeichhia an nih vanga chanvo neih tir loh ringawt mai te, hmeichhia an nihna kawnga eng nge, in leh lo, sum te, engkim mai chanvo an nei lo ringawt mai hi a dik tawk lo hle a. Chuvang chuan, kan customary law te nena eng emaw chenah chuan inkalhna a nei a nih pawhin helai a dan hrim hrim, hmeichhiain chanvo an neihna dan ang hi chu kei ka support khawp mai a, tha ka ti a.

Hetilaiah hian 27-na “Exceeding 50% of the acquired property” han tihah hian nakinah min hrilfiah leh ula ka duh chu, han inthen ta selangin, zaa sawmnga aia tlem lo hi an chang ve hrim hrim tur a ni tihna ngei a ni ang a, a thlangah hian an mutual arrangement-a kal leh tur tih a lo ni bawk a. Hei hi inthenah hian ‘aia tlem lo’ han tihah hian court a va inkhin kher lova mahni ro insem chungchangah khan 50% aia tlem lo chang tura tihah khan mipa leh hmeichhia kha lo inchuh ta ila keimahnia inrem a har viau mai awm mang e aw ka ti a. Court-a kal chu ni sela court khan a rem mai dawn a. Court kher kal lohah khan kan bungrua leh kan neih sum kha insem hmasak kha a ngai dawn a ni a. Khalai kha nakinah kan Dan thiamten min han hrilhfiah leh se a thain ka ring a.

A dang hi chu a tlangpui thuin a tha thawkhat viauin ka hria a, Dan hremi kan ni ve lo a, kan thiam lo a. Mahse, a tlangpuia han chhiar ve zawr zawr hi chuan tha thawkhat viauin ka hria a. Chuvangin, wawiina helai dan an rawn putluh hi kan pass turah keipawhin ka ngai a. A tha thawkhat viauin ka hria a. Hmeichhe chanpual a ni kan han tih rual rual khan mipa chanpual pawh a ni ve tho a ni. Kan nupui fanate bakah keini pawhin fa te hmeichhia pawh kan lo nei ve tho a.

Hmeichhia hrim hrim hi inthen pawh ni ila he dan hi awm lo pawh ni se keima mimal ngaih danah chuan nupui te then dawn ta ila an chanpual tawk tur hi chu mihring pangngai nunah hian pek ve awm hi ka ti hrim hrim a. Chuvangin, vawiina kan dan hi tha ka ti a, kan pass ngei pawhin ka ring a. Chu chu Pu Deputy Speaker, ka'n sawi ve duh a ni e. Ka lawm e.

DEPUTY SPEAKER : Pu Lalrobiaka.

Pu LALROBIAKA : Pu Speaker, hun tha tak kan neih avangin ka lawm e. Vawiina kan Bill lo lut hi sawi vak ngai paw'n ka hre lova. Sawi rik ve hrim hrim ka'n duh chu, hetiang kan lo thlen hian tunhma Kristianna Mizorama a lo luh tan tirha khatihlaia bawih te an neih thin lai te, chumi kal zela bawih ten harsa taka an zalenna an sual a, British Parliament atanga bawih chhuah a lo ni ta kha, khata Pu Thanga'n a hla phuah kha vawiinah hian hmeichhe tan a pawimawh ngawtin ka hria a, an hla tur ni awm takah ka'n ngaih sak deuh a ni. Khatihlaia a hla phuah kha a pawimawh khawp mai a. 'Aw Lalpa chungnung ber, kan fak hle a che' tih kha a han phuah a. Khata a'n phuahna leh Pathian a fakna kha bawih an nihna atanga an nunna thlenga Lal te, bawih neitute kuta awm thin a kha min chhuah zalen ta a.

Vawiinah pawh hian ka rilrua a lan danah chuan, kan hmeichhiate vawiinah hian hmeichhe fel tak tak te kan mizo zingah hian tam tak an lo chhuak tawh a. Chungte pawh chu engemaw harsatna leh engemaw an han tawh chang pawhin dinhmun chhe takah an awm fo a ni a, an dinhmun hi an khawngaih thlak em em a. Chutih rual chuan kan member-ten an han sawi kha a pawmawm hlein ka hre hlawm a. Chutih rual chuan Kohhrante nen han inhmuhmawhna emaw ngaih dan hrante a awm thei ang han tih zawngte pawh kha han sawilan a awm a, amaherawhchu, ngun taka han chhiar hian a awm hrang lovin in ka hria a, a lawmawm ka ti a, a thawktute, a siamtute an thawhhah zia te a ropui ka ti a.

Tin, kan inneih dan hrim hrim hi Mizo danah chuan man kan inhlana, kan inhlanna thute kan ziaka kan zo der a ni, Mizo danah chuan. Amaherawhchu, Kristian danin Biak inah te Pastor kutah kan innei leh ta a, khatiang kha a ni tho tho a, chuvang chuan hei hian danglamna a siam chuang lo a ni kha thilah kha chuan tih kha kei ka hmuh dan a ni a. Chumai ni lovin, a dan registration han tih te a proforma in han dah thlap thlap te hi a puitling hlein ka hria a. Tunah hian heng man ei chungchangah te inthen chungchangah te leh thil chi hrang hrangah pawh a ni a. Hetianga ziah leh engemaw tak a awm loh avang hian hmun thenkhatah chuan a sawi thiam thiam sawite kha kan pawmna lai a awm a. Tunah chuan chutiang nilovin kan inthen pawhin an

thawhchhuah atangin 25% chutianga remark chuan engemaw harsatna, Uire-na thilah anih chuan chutiang chu a ni ang han tih thlap thlap mai hian kan khawtlang nun thlengin a siamtha dawnin kan hria a, a lawmawm ka ti hle a ni.

Kan member tam takin an sawi ang khan vawilekhatah dan hi a complete lova, chu mai nilovin, kan khawvel kal zelah hian kan dan te pawh hi kan la amend chho zel ang tih a rinawm a. USA kan tih, sap ram angah te chuan neih inangte pawh kha an innei tawh a, rawngbawltute ngei pawhin an inneih tir tawh kha a nih laiah hian, chungte chu kan rilruah a awm tel rualin heng hi vawiinah a famkim vek lovang tih a rin theih a. Tun kan dinhmun present condition-ah hi chuan a tha tawh khiu khiau hle a ni tih ka'n sawi duh a.

Hmeichhiate zalenna dar tih ang deuh khan hmeichhiaten vawiinah hian he bill hi an vanneihpui dawn mai nilovin hmeichhia, fanu nei te, farnu neite kan ni theuh a. Chung kawngah chuan awlsamna tam tak advantage, Mizo Community angin kan nei tawh dawn a ni tih hi hei hian a tichiang hle a ni. Chuvang chuan sawi tur tam a awmin ka hre lova, he bill hi lawm taka kan pass theihna turin kei pawhin ka rawn support a ni e. Ka lawm e.

DEPUTY SPEAKER : Le, Pu K.Lalrinthanga

Pu K. LALRINTHANGA : Pu Speaker, he kan bill pawimawh tak “The Mizo Marriage, Divorce and Inheritance of Property Bill, 2014” chungchangah hian tlemte ngaih pawimawh zual han tarlan ve thain ka hria a. Ka sawi turte ka sawi hmian nichinah khan kan member zahawm tak khan vai te nena inneih chungchang kha a rawn sawi a, he Dan kan pass tum hi Mizo Marriage a ni tih kha hre chiang ta phawt mai ila, tichuan vai te nena inneih kha chu kan kal tir thei lo a ni tih kha hriat ni ta mai se.

Ka ngaih pawimawh hmasak ber mai chu man chungchang hi a ni, ₹ 420 tih hi a ni a. ₹ 420 hi kan hman rei tawh em mai. Nupa thenkhat chuan an fate man hi mi kan han ei tir a, man ei turin kan han in ko khawm a, mi 50 te, 100 te ₹ 20 te tea han ei tir pawh khan ₹ 2000 zet mai an sem leh si a, man an sem lo tih hi chiang takin a hriat a ni. Chuvangin man ngei hi sem a nih theih nan, man kan han ineitir hi (chhungkaw insiamna tur atana kan hmalakna a ni si a) Kei chuan ka duh dan chuan, kan zak a nih loh chuan, mi tih dan anga ti loin ₹ 10000 te hi ni lawih mai sela, ₹ 1000 (sangkhath) den denin sem ila, chaw eiah te kan han insawm leh a, sangkhath te kha chu a ral leh mai si a. Kan man ei te nupa kha chaw eiah kan han in sawm a, a eitu lam dinhmun hi a chhe

lutuk a ni, chhungkaw insiam vena si ah chuan. Chuvangin man hi tam lawih mai sela, tunah kan pass-ah hian kan tipung lo a nih pawhin amendment siam hun atan pawh thinlungah awm ta se a thain ka hria a. Chu chu a hmasa berin ka han tarlang a ni.

Thildang pakhat leh chu phek 15 na section 18 tlar hnuailam tlar 3-ah khan, ‘It shall be lawfull for either party to marry again when person become single after the death of his/her spouse,’ tih a ni a. Kan Mizo Danah hian (kan mipate innei tawh) mipate an han thih hian inthen hun chhung kan nei thin a. Mi thenkhat chuan lungphun hunte an han nghak deuh hlek a, khatiang kha ruahmanna fel hi awm belh sela tha in ka hria a. An fihlim hun chhung tur period siam ni se thain ka hria a. Chu chu karawn tarlang a ni.

Tin, Section 31-na 1-naah khan ‘On the death of the head of the family, the wife will automatically become the head of the family if she remain a chaste widow and look after the welfare of her minor children,’ tih a ni a. Khalaiah khan pa ber a thih khan nu ber kha hotunu a nih lai khan fa u ber khan nupui alo nei ve tawh a, fa u ber nupui chanvo tur kha ziah a tul em aw? tul lo em aw? tih lai kha ka ngaihtuah deuh hlek a, chu chu ka han tarlang a.

Tin phek 22-naah khan, ‘naupang berin extra share a nei ang,’ tih kha; kan Mizo danah hian a tlangpui thuin hnam tin deuhthawah fa naupang berin ro an khawm thin a. Chutah chuan a dik reng laiin kan Mizo zingah hnam thenkhat, fa u ber ro khawm thin hi an awm ve leh tlat a ni. Chuvangin then hran dan kawng hi a awm em aw tih ka ngaihtuah a. Chutiang chu anni ho tan khan ruahmanna kan siamsak ve a va tha awm ve tih ka ngaihtuah a. A tlangpui thuin kan bill hi a tha em emin ka hria a, khang kan telh loh ho kha telh ve leh dan kawng zawn ni se tih kha thinlunga ka ngaihtuahna chu a ni a, kan bill hi mipa tan, nupui nei tan pawh a tha tho, ruahmanna tha tak siam chuan hmeichhe tanah pawh a tha tho. Nupa a lehlam lehlam tan hian a tha em em a. Chuvang chuan he bill hi pass ngei ni se tih ka han thlawp ve a ni e.

DEPUTY SPEAKER : Minute 5 a la awm a, Pu Piana hi a phar va mai a. Ka va hmu hmasa si a a nih chuan Pu Thanliana.

Pu LALTHANLIANA : Pu Dy. Speaker ka lawm e. MLA zahawm takin min kian avangin, sawi vena hun tur ka kian ve ang. Sentence hnih khat chauh Pu Dy. Speaker. Phek 1-na Application of the Act tihah khan “ this Act applies to any person who belongs to any mizo tribe” tih kha a tawk mai lo em ni? “It also applies to marriages where male members of the

parties belongs to any mizo tribe” tih leh kher hi a awmzia ka hrelo deuh a. Nichin lawk khan member zahawm tak te khan Mizo hmeichhia leh mipa chanvo vawng tura kan han tih mek lai khan, mipa chauh mizo tur ang khan helai sentence 2- naah hian a nih chuan a nupui kha mizo a ni kher lo ang deuh khan a sawi em? A nih chuan ti lai hian a him tawk kim em? Tin, a Dan siamtu application, hemi dan ‘Application of the Act’ ah hian, helai sentence 2 te hi min tibuai nge ka sap tawng thiamin a daih lo mai thei a. Hrilhfiah ka ngen deuh a ni. Ka lawm e.

DEPUTY SPEAKER : Pu Piana chu hun a la awm. Minute 5.

Pu R.L.PIANMAWIA : Pu Dy. Speaker ka lawm e. Vawiina kan Bill neih hi, kan member zahawm tak Pi Awmpuii khan ama pual mai anih loh zia a rawn sawi lang kha a lawmawm hlein ka hria. Hmeichhe tan chauh ni lo, mipa tan pawh a tangkai tih ka sawi duh a. Tin man leh mual chungchangah bithliah neih a tha em aw ka ti a. Ka bialah entirnan, ka’n sawi anga, nu pakhat khan a fanu pasal neih dawn khan ₹ 800 lo chuan ka phal lo a ti tlat mai a. Kan mizo Dan angin ₹ 420 kha chu a pawm thei tlat lo mai a, ₹ 800 chu an pe ta nge nge a. Pakhatah erawh chuan nuthlawi fa chhawm manah ₹ 100 an hlan a, hmeichhe pa chuan ₹ 35 chu fa chhawm enkawl nan a ti a, a pe let leh a. Man bithliah lova nupa insiam rem nan tih mai kha a tha zawk lawm ni? Tin vawiinah hmeichhiaten an ta bik ni angah ngai a big screen ah an lo en dawn tih te an lo puanglo hi a lawmawm hlein ka hria a, an lo ti mai ang tih kha ka hlau deuh khawp mai a. Mipa tan pawh a hlu tih ka hria a, fa mipa nei tan phei chuan a duhawm awm lo mange tih te ngaihtuah theih lai a awm a. Mahse, fa mipa nei tan pawh chhungkhat laina avangin kan tawn theih vek a ni a, he Dan tluka mitin huam zo leh mitin tana chhawr tangkai theih tur dan hi a awm lovin ka hria. Chuvang chuan “The Mizo Marriage, Divorce and Inheritance of Property Bill, 2014” hi ka rawn thlawp e.

DEPUTY SPEAKER : A lawmawm, hei kan hun a tawp a ni mai a, chawhma hun kan tawp ang a, dar 2-ah kan thu khawm leh dawn nia.

2:00 PM

DEPUTY SPEAKER : Kan Bill sawiho lai kha kan chhunzawm leh ang a, chawhma lam khan member 14 in an sawi tawh a, Minister kan sawm ang a, member-te ngaih pawimawh kha han hrilhfiah sela kan pass thei tawh mai em ? Sawi duh nei kan la awm em?

Dr. K. BEICHHUA : Pu Deputy Speaker, ka'n sawi ve lawk ang e. Ka sawi ve loh chuan Saiha ringawt a ngaihtuah a, he lampang thil a ngaihtuahlo in lo tih ka hlau a. Nichina member zahawm takte khan tun sorkarah chuan hmeichhia kan ngaipawimawh an ti a, kan sorkar ve hunah phei chuan hei ai hian kan ngaipawimawh ang tih kha ka'n sawi duh bawk a.

Tin, a tlangpuiin member ten in sawi kha tha ka ti vek a, Dan pawh hi tha ka ti a, a ropui ka ti a, a pawm tlak viauin ka hria a. Chapter-II page-7-ah khan marriage price tih hi a word hi a appropriate em tih hi ngaihtuahna min neih tir a. Ka ngaihndan chuan settlement of marriage tih hi a chungah hian dah ta ila, chumi hnuah chuan marriage tih hi awm leh ta se, marriage price aiah khanin bride's price kan ti nge, man kha chu hmeichhe man kha a ni mai a, khalai te kha felhlel deuh hlekin ka hria a, siamthat dan kawng a awm a, tul kan tih chuan siamtha ila tha hlein ka hria a ni. Dan hrim hrim hi tha ka ti a, pawimawh hlein ka hria a, pass tlak a niin ka hria a ni tih kha Pu Dy. Speaker, ka ngaihndan a ni e. Ka lawm e

DEPUTY SPEAKER : A lawmawm e, hun i hmang thiam khawp mai. Awle, tunah chuan kan sawihona kan duhtawk ang a, Bill neitu sawm ila Minister zahawm takin han wind up se, pass rawn dil nghal mai se a tha ang. House Leader a awm lova, Deputy Leader-in sawi duh a nei em? A neih hranpa loh chuan Minister ilo sawm ang.

Pu LALSAWTA, MINISTER : Pu Deputy Speaker, ka lawm e. Member 15-in ka Bill hi phur takin min sawi sak a, chuvangin lawmthu ka sawi hmasa duh a. Tin, rawtna tha tak tak te an rawn siam a, tam tak hi chu kan lo ngaihtuah tawh thin a ni a, amaherawhchu, han ngaihtuah pawha tih chi vak chuanglo te pawh hi a awm ve a ni. Pu Dy. Speaker, entirnan mai mai thenkhatin kan han ngaih pawimawh, a man hi a sanglo lutuk a tih ang waviin economy leh hmanlai economy kha han khaikhin ta ila, chutiang chuan rawn chhawpchuak ta ila, archuk tui lovin min siam ka ring a ve ringawt mai a, mi zawng zawngin ₹ 420 kan tih laiin ₹ 10000 a rawn ti ringawt mai a tih kha kan chung a tla tur a ni a. Mahse, thil dik chu ni se kan ti ngam tho tur a nih rualin a tir lama kan sawi tawh ang khan tih mek zul zui thei ang ber, chu pawh chu mi tam berin kan hman tlangpui ang hi kan han zawng ve chu a ni a.

Tin, kohhran rawn chungchang thuah khan hemi Bill ngaihtuatu ber Law Commission lam te hian an ngaihtuah hnem khawp mai a. Pu Dy. Speaker, i hunlai pawhin i ngaihtuah vek tho a tunah pawh Law Commission tharah pawh Chairman thar te pawh kohhranah chuan Roman Catholic te an ni a, an hawi zau tawk ang tih kha a rinawm a. Heta kan hriat ve hrim hrim atana tha kan tih chu Hnam Dan anga kan han buatsaih lai hian Kohhran hi ngaihpawimawh em em tur an ni a, kan ngaihpawimawh bawk a mahse hnam hi chu a pung lova a mihringa kan pung anih pawhin hnam hi chu kan pung vak lova, Kohhran hi chu naktukah pawh 2/3 rawn piang thei mai reng hi a ni a. Chuvangin, khawi chin hi nge ni Kohhran-ah hian han ngaihpawimawh tur chin tih te pawh kha hriatthiam a har ve avangin kan boruak tlak dan azirin Mizoram-ah te chuan Presbyterian an tam deuh ber a, ngaihpawimawh an hlawh deuh ber anih pawhin thil awm thei ve vek tho a ni a. Mahse, kohhran te zawk te ngaihpawimawh lohna hi a lang thiang chuanglo reng reng a. Committee-ten Mizo han tiha a huam chin ang hi ni mai teh se an tih hi vawiinah chuan kan tlin tawk a la ni hrih a. Tin, hnam rau rau ah pawh khan member te rawn sawi angin leh keipawhin ka sawi ang khan hetiang hi kan lo tih dan a ni si lova, a definition te, application-ah te hianin it applies to tihah hian min telh ve lo a nih hi mawle, Mizo-ah min ngailo a nih hi mawle tih te chu a awm palh ang tih te chu ka hlau khawp mai a, kha kha sorkar tum dan a nilo tih hi vawiinah hian sawichian ka duh a.

He Dan hi Mizo hnam dan kan ti nain a extend hrim hrimah hian Mizoramah hnam chi hrang hrang kan awm avangin chhim lamah te phei chuan Autonomous District Council pathum hi chu i va huam tir lo phawt mai teh ang kan ti a ni a. Mahse, sawng chhungah te pawh sawn he dan zawm duh ve engemaw zat chu an awm tho tho a, chuvangin hemi dan sorkar-in khapna dan emaw, phalna dan emaw, dan tam tak a siam ang hi a nilo hrim hrim a, dan harsa tak a ni tih kha kan member zahawm tak ten min hriatsak ka beisei a.

Tin, kohhran lam purview leh helai danin court thuneihna a pek tak purview hi tlem chuan a hrang ve deuh a ni tih kha kan rilruah awm se a thain ka ring a. Sin kan tih leh crime kan tih kha a dang daih a ni, sin-ah chuanin Pathian laka kan pawikhawih ang chi kan inkhawm tam tur kan inkhawm loh te pawh kha kan sin thei a, kum 2/3 lai te han inkhawm lo ila kohhran mi ni ve siin kan sin a ni deuh ber a, mahse criminal tur ang zawng chuanin a book-na tur a kha a awm ta lo reng reng a, khalai kha a hran ve deuh hlek a. Mahse, chungte avang chuan kohhran hi sorkar hian kan ngai pawimawhlo chuang reng reng

lo. Kohhran aw te kan ngaithla reng a, Bill thehluh anih hma pawh hian kan ngaithla a, thehluh anih tawh hnuah pawh engpawh hi sorkar sela kohhranten hetiang hi chu hetiang hian tidanglam ila mawle an tih hi chuan tih theih tho zel turah ka ngai a.

Pu Dy. Speaker, he Dan pawimawh tak mai mizo hmeichhiate sal tanna atanga an chhuah vena tur hiala ngaih theih sal chhuahna dan 1832 ah te an lo siam ang deuhthaw khawpa mizo hmeichhiate tana hetiang dan pawimawh congress sorkar-ina kan siam thei tur leh chumi siamnaah pawh chuan bill puluttu ka han ni thei a, dan puitling kan han nei tur hi ka lawm kawp mai a. Hei hi kan tinzawna leh kan tintuahna pawh a rei hle tawh nachungin vawiinah hian Mizoram History a ziah tlak dan pawimawh kan nei thei dawn niin ka hria a, a lawmawm a ni. Tin, kohhran chungchangah khan kan hriat theuh angin kohhran lam hi chuan inthen hi a duh lo, keini Presbyterian kohhran a kan inneihna a kan chhampual pawimawh ber te zinga inneih tirtu Pastor emawin an sawi ziah chu Pathianin a zawm tawh chu mihringin then suh se tih hi a ni tawp mai a ni. Mahse, khawvelah kan awm miau avangin leh kan chung a thil tla te kan thunun sen loh thin avangin mihring chak lohna avangin inthen te a lo tul thin a, chungte avang chuan re-marriage licence te pawh inpek a lo ngai a, hun tiam chhung te pawh an buatsaih a. Tih loh tawp tur a ni hranpa lo, a innei a te pahnih bakah hian inthenna tura kawng zawhpuitu emaw, lo fuihtu emaw, lo finchhuahpuitu emaw pawh kha inneihnaah hi chuan mi huatthla la an ni thei tlat mai a, inthen hi kan thu vawn lian puiin 'Pathianin a zawm tawh chu mihringin then suh se' tih hial a nih avang hian. Chuvang chuan a taka kan tawn leh nitina kan tawn a nih miau avang hian inneihna leh inthenna hi chu Dan i nei fumfe ang aw kan han ti a ni ber a.

Tin, member zahawm tak Pu Rinawma khan Mizo hmeichhia hian hnam dang pasal nei ta se tih chungchang a sawi kha a pawimawh khawp a. Mahse kan Dan hi Mizo Dan a nia, inneih chungchangah hian hmeichhia chuan mipa han nei turah ngai phawt ila, vai an nih pawhin chung chuanin an vai Dan anga kha zawm a ngai dawn a ni zawk a. He Dan hianin Mizo hmeichhiain hnamdang Punjabi emaw French mi emaw, German mi emaw ava neih kha a va huam thei lo tlat mai a ni. Chuvangin, keini Dan siam hianin khang kha chu ava tuam pha thei lova, khawvel pumpui deuhthawah hianin hemi patriacal family kan tih, mipa chungnun zawkna i ti ang, hmeichhiain lo hrethiam hram se, hetiang hi kan kalhmang anih avang hianin mipate Dan hi hmeichhiaten an zawm tlangpui a, chuvangin, Mizo hmeichhiaina hnamdang a lo nei anih pawhin hnamdang mipate Dan ang kha a zawm ve a ngai turah kan ngai mai a, kha kha chu thil kalhmang niin ka hria a.

Tin, amendment chungchangah khan kan sawi tawh a, kan member zahawm tak Pu P.C. Zoram Sangliana pawhin a sawi tawh a. Hetiang hian kan han ti anga a tling tawk lo maithei a mahse kan la amend chho zel ang chu a ti a. Tun Session chhung ngei pawh hian India ram Constitution 121 amendment-na hi kan rawn pulut dawn a ni, mithiam rual kan tih Ambedkar te leh mi tam tak legal eminent persons kan tih tena India ram Constitution tha em em a an duan pawh hi han tih han tiha a taka han nunpui chhoh zel hi chuanin khawvel thar chho zelah amendment hi a lo ngai a. Keini te pawh nakinah chuan kan khawvel tawn mil zelin amendment hi chu la awm turah ngai ilangin, tuna dik tawk lo te pawh hi kan la tidik chho telh telh zel anga, belh te pawh kan belh ang a, paih te pawh kan la paih ang a tih kha ka'n sawi duh a.

Tin, kan member zahawm tak Pu K. Sangthuama'n 50% chungchang a rawn sawiah khan 50% aia tam lo tih ni mai lovin 50% pel lo tih zawng khan hrethiam ila, a chanve pel lo, a chanve a pelh kha chuanin hmeichhe tan a tha lo ve thei ang tih ngaihtuahna kha niin ka hria a. Tin, a man chungchang thuah hian House Member te kei aia hre daih daih te in tamin ka ring a, hmeichhe man a ni hei hi, mo man a ni. Tunhma chuan hmeichhe man hi a to khawp a, inhlawhfain kum thum te Siali man tuakin tlangvalte hi mahni khuaah pawh awm hleithei lo khawpa hlawh chhuah ngai an ni. Chungte a nih thin avang chuan inneih tinghettu pakhatat chuan a man hi engemaw rei tak chhung kha a lo ni a. Mahse traditionalist kan ti mai ang chu, Mizo zingah hmanlai angin kan awm tur a ni, Naga pawhin tih hram hram an tum a chuvangin Sial ngei hianin a man hi kan inpe tur a ni, ti te pawh an awm tak nain a Sial lam a lo vang lehzel a, chuvang chuan mi tih kha mi bawk hianin kan entawn a ₹ 420 ah hianin kan tla tlang ta a, hemi sawn tum hi kan awm bik hlei lova, a aia tlem han tih tum hi kan awm bik hlei lova. Han sawi tur ting chuanin nichina kan ngaihtlak tak ang khan member zahawm tak tak thenkhatten ₹ 700 a ni tur a ni ti tlat te pawh an awm ve bawk a, mahse heng hianin nupa siamna kawngah a thulh tir lem lo ve thova, chuvang chuan waviina kan Dan-ah pawh hian ₹ 420 aia tlem lo tihna a ni, ₹ 420 chiah chiah tih a ni lo 'at least' tih kha a ni a, kha kha member tam tak ten min hriatpui ka duh a.

Tin, bride price tih chungchang kha sawifiah ngaiin ka hria a. Kan officer-te ka'n rawn a, anmahni tana Dan siam hiala kan inngaih hmeichhe lampang MHIP hian 'bride price tih hi kan remti lo, hmeichhia hi man a lei mai mai chi kan nilo, chuvangin marriage price tih hi a dik zawk a ni an ti ve tlat mai a' an ti a, kha lai Committee takah

khan ka zuk tel ve lova. Amaherawhchu, chutiang boruak a awm avang chuan hei hi chu kan sap te meuh pawh khan an lo hman pawlh ve nawk nawk a, bride price tih leh marriage price tih kha chutiang karah chuan Dan a han lut tur hian a zahpuiawm chuang love a hei hi chu tihdanglam lovin kaltlang mai teh se, a nih ang ang hianin ni se tin, anmahni tana Dan siam emaw kan tih hial ten an lo lunghnur bawk si chuanin kan khel fuh lo nasa dawn lutuk a, chuvangin an duh ang kan tih ve theihna na na na chu bride price tih aiah marriage price tih te pawh chu lo chuang selangin tumahin kan hai tak tak chuang lo, hei hi ziaaknaah te chuan kan duh chuan inneih man ti lova mo man kan han tih ve theih te pawh kha a thiang thova. Dan hi awm thin mah se Dan-in kan chung a ro a rel vek lohna hi a awm thin a, chuang chuan khalai kha ka'n sawifiah duh a.

Tin, he Dan wawiina kan rawn putlulh tak 'The Mizo Marriage Divorce and Inheritance of Property Bill, 2014' chungchangah hian kan Law Commission te hnathawh hi chawhma lam khan tlem te chu ka sawi tawh nain sawi leh hlek thain ka hria a. Sawisel tur chuan engnge maw an tih ang le Law Commission te chu hmun dangah te pawh an tih chuanin reilote an ti a kum 4 kum 5 hun an pe a an pek zawhah an ti leh mai a an ti a. Mahse kan sorkar hian keini ram hi Dan lamah kan la pachhiain kan la thiam tawh lo khawp a, anni hian he lampang hi lo buaipui se tiin Law Commission hi a din a. A din chhan pawh hi party manifesto kum 2008 a kan inthlan dawna mipui hnena kan inzawrhnaah khan Mizorama Dan kan hman tam tak te hi hman tlak loh, a hun laia tha ve fu si mahse hman tlak tawh loh a tam a, chungte paih tur leh siamtha tur leh siam belh turin chung a ngaihtuahna hman tur leh kan Dan siam tur apiang a tul anga lo en a wawiina kan khel mek anga lo luhchilh turin kan siam ta a. Tunah hian kan member zahawm tak Pu John Siamkunga hi Law Commission Chairman-ah hman a ni mek a, an hnathawh chungchang han sawi ve hlek pawh hi tulin ka hria a, hemi piah lamah pawh hian hna hi nitin an thawk a ni tih kha Pu Dy. Speaker, ka'n sawi duh a. He Dan kan neih hian kan inrochun dan chungchangah te, hmun thenkhatah chuan ruang inchuh chungchangte, boruak hrehawm kan tawn chungchangah te, kan tah ngawih ngawih a, kar khat a liam hma a ro lama kan buai leh a hmel sen kan inhmuh ang chi awm theite pawh kan pumpelh theih kan ring a. He Dan hi chuan Mizo zingah morally leh socially pawhin kan nun hi kawng tha lamah min hruai thui hle kan ring a ni. Chuvang chuan Dan pawimawh tak, wawiina kan pass tur hi kan member-te min pass pui ngei turin ka han sawm che u a. Phur taka min pass pui turin he kan Dan "The Mizo Marriage Divorce and inheritance of Property Bill, 2014" hi min pass pui turin member-te ka han sawm a ni. Ka lawm e.

Pu VANLALZAWMA : Pu Deputy Speaker, phur taka kan pass dawn lai hian thil pakhat, kan Dan hriat loh han zawh chak pakhat ka rilrua lo lang a awm a. Kha a hming kan hriat ang khan “The Mizo Marriage Divorce and Inheritance of Property Bill, 2014” tih a ni a. This Act may be called the Mizo Marriage Divorce and Inheritance Act, hi Mizote tana siam tih ang deuh khan a sawi theihin ka hria. Amaherawhchu, it extends to the whole of Mizoram except the three Autonomous District Council in Mizoram a ti ta a. Sawmi area-ah sawn Mizo tam tak an awm ve tho a, hemi hmang hian an innei thei em? Tin, Manipura Mizote a inneih theih em tih te, Delhi tlangah hemi hmang khan a inneih thei em? Khami lai tak kha min hrilhfiah theih em? Kha kha thil harsa pawh a nih ka ring lova. A chhan chu khithan an innei ve tho va, Mizo Christian Marriage Act chuan Delhi tlangah pawh kan innei thei a, Shillong-ah pawh kan innei thei a, Saihaah pawh kan innei thei chutiang deuh chuan he thil hi a hman theih em tih kha ka’n zawt duh lawk a ni.

DEPUTY SPEAKER : Aw, nichin khan Minister zahawm tak khan a sawifiah tawh a. Sawlamah pawh a Dan a kha chu kan va barh lui thei lova, a area avangin. Amaherawhchu, Mizo an awm a, he Dan hi an hmang ve duh a nih chuan an hmang thei a ni. Mizo Tribe tawh phawt chuan he Dan hi hmun dangah pawh International thleng pawhin a huam a ni tih kha a sawifiah tawh a, sawi leh duh i nei em? Minister zahawm tak kha.

Pu LALSAWTA, MINISTER : Pu Deputy Speaker, kha kha kan sawi tawh nain sawi chian leh zual pawh a that ka ring a. Chandigarh-ah te emaw, Delhi-ah te emaw, Washington-ah te emaw Mizo-te khan he Dan anga Mizo leh Mizo-te an innei duh a nih chuan Mizo mipain Sap hmeichhiate emaw a nei duh a, Sap hmeichhia khan a lo remtih ve a nih chuan he dan hi an hmang thei vek a ni. Tin, sawlaih Saiha a ni emaw, Lawngtlai a ni emaw, Borapansuri a ni emaw a theih vek hemi a dan 2-naah hian a sawi a. “Application of the Act : This Act applies to any person who belongs to any Mizo tribes” a ti a, a mihring a zawk kha a pawimawh lai a ni a. Tin, kan din takah chuan heta spiel sual engemaw pawh tham lo printing kan tih dawn pawhin min siamthat phalna chawhma lam pawhin ka dil tawh a. Ka’n dinpui leh lawk a ni.

Pu R.LALZIRLIANA : Pu Deputy Speaker, lawk, engemaw ngaih sual palh a awm thei ang tih ka hlau a, chu chu awm lo turah ka ngai a. A chhan chu Mizo-te tana Dan siam han tih khan kan Autonomous District Council te hi Mizo an ni lo tihna a ni lova, Mizo Tribe tihah khan kan tel vek a, heta a zu huam loh deuhna chhan chu, Autonomous District

Council an ni a, anmahniin Dan insiam thei an ni a, zahna avang zawkin, Mizo lamah khan kan zu paih thla ta a ni lo tih kha min hriat sak sela a thain ka ring.

DEPUTY SPEAKER : A lawmawm e, kha kan sawihonaah pawh khan member 15-in kan sawi a, Dan hi kan support vek a, a tha kan ti tlang theuh a, Amaherawhchu, a mistake lai awmte kha erawhchu, nidangah pawh kan phal thin kha a ni a, kan phal sak leh dawn lawm ni? Phal sak mai ang aw. Awle, Minister zahawm takin a rawn sawifiah a, pass a rawn dil baw a, kan buk tawh ang a, “The Mizo Marriage, Divorce and Inheritance of Property Bill, 2014” hi pass remti apiangin ‘remti’ ti rawh ule. Aw, remti lo kan awm chuan ‘remti lo’ ti rawh ule. Awle, remti lo kan awm lova, a lawmawm khawp mai.

Awle, “The Mizo Marriage, Divorce and Inheritance of Property Bill, 2014” chu he House hian lungrual takin a pass ta a ni.

Pu LALSAWTA, MINISTER : Pu Deputy Speaker, ka lawm e.

DEPUTY SPEAKER : Le, kan bill 2-naah kan kal leh ang a. Pu P.C.Lalthanliana, Minister zahawm takin “The Lushai Hills District (Village Councils) (Amendment) Bill, 2014” hi House-ah introduce han dil phawt sela.

Pu P.C.LALTHANLIANA, MINISTER : Pu Deputy Speaker, i remtihna leh he House zahawm tak phalnain “The Lushai Hills District (Village Councils) (Amendment) Bill, 2014” hi introduce ka han dil e.

DEPUTY SPEAKER : Minister zahawm takin introduce a han dil a, kan phal mai em? Aw, phal ang aw. Introduce turin sawm ila, hun heh lo zawngin introduce rualin a copy kan dawng vek tawh baw a, ngaihtuaha sawiho turin rawn move nghal sela, ilo sawm ang.

Pu P.C. LALTHANLIANA, MINISTER : Pu Deputy Speaker, ka lawm e.

Hei vawiinah kan ram inrelbawlina pawimawh tak mai khaw tin Village Council te inkaihhraina dan Amendment Bill kan sawiho dawn a, ka rawn introduce a. The Lushai Hills District han tih te pawh hi tun dinhmunah chuan a lunglen thlak zawng te pawhin a kal

ruih mai thei a. The Lushai Hills han tih fo te pawh hi a hun tawh em maw ni chu aw tih te pawh kha member atang pawhin thil awmthei a ni a. Amaherawhchu, he Dan hi a vaia thlak a ,repeal a siamthat tumin Department-a kan officer te pawhin theih tawpin hna an thawk a, an ti tawh a. Mahse,Dan siam hi a hautak a, hun a duh a. Amaherawhchu, tuna kan mamawh ang leh Dana awm chiah si lo Village Council ten kan lo hman thin tawh te, kan kalphungte tuna han tih tul tak tak te a awm a, chung avang chuan vawiinah hian amendment-in kan han kal leh ta a ni a. Chu chu a tlangpuiin a bill kha kan hmu vek a, kan hrethiam vek a, kei aia hrethiam zawk in nih ka ring a. Amaherawhchu, hetah hian tihsual leh tihpalh thil te a awm ve a. Department lama kan hotuten theih tawpin an han bei a, Amaherawhchu, mihring an ni a, tihsual te a lo awm ve a. A bik takin helaiah Amendment of Section III ah te khan 1 tih kha 2 ti a ziah a ni a. Section 3-a ‘For Village with more than 200 households but not exceeding 500 households, there shall be 5 members, of whom 2 shall be women’ tih kha 1 tih tur a ni a. Khangte kha patent error-ah min ngaih sak a min lo pawm zam thiam te kha ka’n duh deuh a. Amend a tulna chhan tlangpui han sawi ila.

Pu Deputy Speaker, amendment of section II-ah khan clause 20 hnu lamah 22-na leh 21-na ah khan leh 23-na siamin he kan Dan thara hrihfhiah ngai deuha langte Gram Sabha tih leh State Election Commission tih te, Community Assets tih te kha dah thar a lo ni dawn a. Tin, section III-naah khan he kan Act-ah hian Village Council member kan nih theihna a awm a, chu chu thlak hlauhin (i) ah khanin Village Council in 200 aia tam chinah member 3 an awm ang tih thin piah lamah hmeichhe tan reservation siam a nih tak avangin pakhat chu hmeichhe tan a ni ang tih a lo ngai ta a. Chutiang chuan (ii)-ah khan member 5 awmnaah member (1) chu hmeichhia a ni ang tih te, (iii) ah Member 7 awmnaah chuan 2 chu hmeichhia a ni tur a ni tih te, (iv) naah Member 9 awmnaah chuan hmeichhia member 3 an ni tur a ni. 1/3 reservation for women hi he Village Council kan neihah hian neih kan hotuten tha an lo tih tak avangin khatiang khan he section 3 hi tihdanglam a ngai ta a, chu chu ka han tarlang a ni.

Tin, kan Mizo hmeichhiate kan Bill hmasaah an dinhmun leh engkimah Bill tha tak mai kan han pass ta a. Pu Deputy Speaker, vawiinah hian kan Mizo hmeichhiate mipa ai maha fel leh fit zawk an tam tawh a. Hman deuhah khan Lunglei-ah HSLC leh HSSLC a zirlai ti tha top 10 a lang Lunglei District lam ami chawimawina an nei a, khuallian-ah min sawm a, ka va kal a, hmeichhia hlir panga an ni a, mipa nih a zahthlak rum rum mai. Chutiang khawp chuan kan Mizo hmeichhiate an advance a. Amaherawhchu vawiinah hei House-ah kan member zinga pakhat hi hmeichhia a ni mai a. Chuvang chuan helai House-ah pawh hian tam zawk an la awm theihna turin

a grass root, village level atangin kan hmeichhiate hian politic ram an rawn luh chilh hi kan hotuten tha an ti a ni. Chuvangin vawiin chu MHIP Ni pawimawhah MHIP pheih chuan an puang mai awm e tih theih hialin vawiin hi a pawimawh hlein ka hria a ni.

Pu Deputy Speaker, Amendment of Section 4-ah khan clause 'f' zawhah khan new clause 'g' belhin Village Council member nih chungchang tarlan belh a ni a. Hetah hian office of profit an chelh tur a ni lo, office of profit-ah chuan salary angin emaw, wages angin emaw regular a thla tin hlawh la an ni tur a ni lo tih kha kan belh ta a ni. Hei hi a taka kan kalnaah khaw tam takah MR, V/C a lo in candidate tling MR a bang duh bawk si lo, kan Village Council dan atanga bang tura han tih dawn a ban theihna tak tak awm bawk si lo, sorkar lam atanga sorkar hnathawk tling bawk si lo te a awm a. Chuvang chuan heng hi a taka kan tawh tawh thin avangin he thil office of profit hi siam ve tha tihna a awm a. Tichuan 'g'-ah belhin a sawifiahna(explanation) pawh kan rawn ti nghal a ni a.

Pu Deputy Speaker, vawiina kan rama thil thar danglam leh tur section 5-ah hian tih thar a ni a. V/C term kum 3 ni thin kha kum 5 tih a lo ni dawn ta a ni. Kum 3 a ni thin a tunah chuan kum 5 a ni tawh dawn a ni. Tin, Amendment of Section 6-ah khan Member an nih chungchanga an dinhmun sawina a awm a. Chutah chuan mi vawi sawm (10) a absent khan a member nihna kha hlih sak a, a seat kha ruak a puan tur tihah khan sawm (10) em em ni lovin 3 a thlak a lo ni ta a ni. Tin, Executive chungchangah hian hei V/C-ah hian Treasurer hi kan Dana awm miah si lo, a taka kan neih kan hman si, sorkarin tul a tih a kan neih a ni a. Chuvang chuan executive-ah hian President leh Vice leh Secretary chauh executive functionary a danin a dah thin kha Treasurer hi thun lutin, Treasurer pawh hi executive functionary-ah khan telh a nih tak avangin 3 kha 4 tiha thlak te a lo ngai tain Treasurer te pawh ziah luh belh a lo ngai ta a ni.

Tin, Amendment of Section 7 a sub section 2-ah khan – 'on the advice of the President of Village Council' in V/C Secretary hi sorkarin a ban thei ang tih kha, on the advice of the president of Village Council tih ngawt hi khaw tam tak Village Council-ah eng emaw VCP leh Secretary ringawt, mimal eng emaw avanga President-in a lo ban a sorkar a lo theh luh mai thin te, body executive body tak tak in an hriatpui loh hi thil a thleng fo mai a. Chuvang chuan V/C Secretary ban tur pawhin on the recommendation of the Executive body tih deuh kherin dah a lo ni leh ta a. Tin, Amendment of Section 7-ah sub section 10 a awm a. Chumi bakah chuan 11-na leh 12-na siam belhin chutah chuan V/C President te leh rorel lai bik tena majority an lost a chuta sorkarin a ngaihtuah dan tur leh a kalpui dan tur kha vawiinah kal dan phung chu lo nei mah ila,

kan danah pakhat mah ziah lan a awm loh avangin khatiang kha 11-na leh 12-naah hian kan han ziah lang ta a ni.

Tin, nichina Section 2-na a 20-na leh 21-na definition ngai ti a kan han siam kha Amendment of Section 8-ah hian Gram Sabha tih kan han ziah lan te leh V/C awmdan phung tur kha tlem kanrawn tilang a. Tichuan Section 8-ah a thar in 'a' angin Gram Sabha leh V/C te an kal dan tur kha Section 11 'a' ah nen paper kan semah khan an tih tur duty tak tak kha tarlan a ni a. Kha kha kan chhiar thei vek a, kan sawi chuan a rei lutukin ka ring a, kan sawi lo mai ang a kan hmu thei tho a.

Tin, Village Council te hi an meeting neih dan tur hi kan dan neih lai section 12-naah hian VCP in tul a tih chuan a ko ang, a nih loh chuan 2/3 majority member-in ziah in koh tul an tihin koh a ni ang ti ang deuha dah a ni a. Khatiang ringawt kha chu a him tawk lohna lai a awm avangin Village Council te hi kum khatah wawi 6 a tlem berah an thu khawm ngei ngei tur a ni tiin danah hian ziah lan a ni ta a. Kha kha kan Village Council kalphung te han thlirin thil tul tak a nihna lai awmin kan hria a ni.

Tin, Section 16-naah hian President mawhphurhna tlem han belh hlek a awm a. Chutah chuan President-in engkim lehkha a dawn leh VCP address te a lo ni a, khatiang kha Secretary-ah engkim hlan leh thil tih kha a mawhphurhna nih dan te kan tarlang a. Tichuan, Section 17 (a)-ah hian a tharin (Treasurer kha-hetah Section 17-ah khan President, Vice, Secretary te dinhmun a sawi laiin Treasurer kha kan Danah kan dah luh tak bawk avangin) Treasurer dinhmun kharawn belhin 17(a) tihah kan Danah hian sawifiahna belh veleh a ni ta a.

Tin, Amendment of Section 25 kan tihah khan V/C thiah chungchang – Dissolution of Village Council kha a awm a. Khatah khan sorkarin tling tawk lova V/C te a hmuh a, eng emaw a hmu a nih chuan a duh ang a thiah emaw, inthlanna emaw buatsaih kha kan kalphung leh dan kan neih sa, a inziah dan chu a ni mai a. Amaherawh chu Village Council han thiah te a awm a, High Court-ah te pawh kan kal fova. Engati nge insawifiahna hun pe miah lova Village Council te, mipui thlante hi thiah an nih ngawt thin? Show cause notice in pe ang a, an insawifiahna hun engkim a awm tur a ni tihte pawh hi arawn awm fova. Khatiang a nih avang khan keimahni pawhin kan danah kha Village Council kha sorkarin alo thiat dawn emaw an diklo alo nih pawhin an duh tawka insawifiah vena hun a pe tur a ni tih kha Danah hian kan han ziah lang veleh ta a.

Tin, section 26-naah hian sub-section 2(a) atan helaiah hian thlawhbaww kan tih ang chi, phalna lova khaw din te, sorkarin a phalna miah lova dinte, sorkarin a nuaibo dan tur leh action a lak theih dan tur kan han ziaa a. Section 26-ah hian thlawhbaww ang chi sorkar phalna a din te, sorkarin a thiah lehna dan kha chu a awm a. Amaherawhchu, sorkar phalloh a awm te, eviction order emaw, eng emaw han tih mai dawna tih ve theihna dan tur kha ziaa a lo awm lem loh avangin kan experience leh kan tawn tawh atanga thil tul nia kan hriat avangin sorkar phalna lova khaw lo din ve te, Dan ang taka kan hnawhchhuah ve theihna dan tur kan han ziaa belh veleh a ni mai a. Tichuan, a tam zawk hi chu vawiina Village Council kalphunga kan hman si, Dan a kan ziaa luh si loh, kan neih siloh tul tak tak te, bakah kan ram tana thil thar tur anga lang women reservation 1/3 Village Council rorelna a kan neihna turte; tin, term kum 3 ni thin kum 5 alo nihna tur ang te hi he kan amendment-in a rawn tum leh a ken a ni a. Pu Deputy Speaker, member ten sawiho a he ka Bill hi min pass pui turin ka rawn sawm e. Ka lawm e.

DEPUTY SPEAKER : He House zahawm takah hun rei tak hmeichhia thu an awm tawh loh hnu ah, hei member duhawm tak NI.Vanlalawmpuii Chawngthu Hrangturzo bial atangin a rawn thu a. Hmeichhiate hamthatna dan kan ngaihtuah nghal zung zung mai a, pahnih (2) phei chu thu sela, thildang hi kan ngaihtuah hmanlo mai ang a tih hlauhawm a ni.

Awle, kan sawiho ang a, a hma ang baww khan member ten minute 5 theuh ti leh mai ila, a tha em? Minute 5 ti ila, duh leh strick lutuk lo deuhin sawiduh an awm chuan, laklawh chuan nichin pawh khan minute 5 chiah chiah a thu lo kha in awm nual a nia. Tichuan, ti mai ang aw, a nih leh tunge han sawi hmasa ang. Aw, Pu K.Sangthuama.

Pu K. SANGTHUAMA : Pu Dy. Speaker, ka lawm e. Hei vawiinah hian Village Council Dan amendment kan ngaihtuah dawn a ni a. Dan an rawn siam hi amend-na hi a tha tlangpui a. Amaherawhchu, a hrim hrimin hmeichhia hi vawiin chu kan duhsak hle mai a, kan la duhsak zel dawn pawh a ni ang a. A hrim hrimin hemi hmeichhe seat pek hi ngaihdan tlem han sawi ka duh a. Village Council-ah hian vawiinah hian 33% velah hmeichhe seat kan pe dawn ni awm tak a ni a. Politic-ah hian a reserve ang zawnga hmeichhiate kalpui hi a fuh ber lo a hriatna kei chuan ka nei a.

Hei, AMC-ah pawh kan han ti a. 33% vel kan dah a. Hei pawh hi experience te chuan an hria ang a. Tin, alo entute pawn kan hriain ka ring a. Duhthu a sam chiahin kei chuan ka hre lova. Chuvangin, Village Council-ah hian hetia hmeichhiate seat han pek kher hi a tha ber

emaw chu aw, hmeichhe fel tak tak kan nei tho a. Heng hi a hranpaa seat pe lovin lo tel ve mai sela, hetah hian candidate-ah hian nei ve mai zawk ila a tha mai lawm maw chu aw tih ngaihdan hi kei chuan ka rilru a ka lo pai dan hrim hrim a ni a. Politic-ah hian duhloh chung inhnawhluih emaw khatiang ang chi kha a hlawk duhlo viau mai a. Hei hi kan kalzel dan tur a nih chuan veng tam takah phei chuan hmeichhe candidate tur hi han ti dawn ila, an vang viauin ka ring a. Keini vengah te pawh sawn hmeichhia sawm lui ngawng ngawng ilang chuan le hmuh chu kan hmu mai thei a. Chu chu kan kalphung tur a ni a. Kha kha rorelna kiah chuan a tha ber fo lovin ka hria a.

AMC kan thlan dawn 2010-ah pawh khan Pu Dy.Speaker, a dik chiah chuan party tin khan kan zawng a, kan thlem a, chaklo chungin kan nawrlut chho deuh vek a ni a. Hetiang hi anmahniin chakna neiin vawiina kan hmeichhe neihchhun zahawm tak Pi Awmpuii te ang hian politic-ah lo lut law law in bei law law se chuan hmeichhe fel tak tak Mizoram-ah hian an tam a. Hetiang ang nilova, reserve seat ang chi hi chu a tha chiahin kei chu ka hre lova. A zah pawh a zahawm lova. Hemi tribal reserve seat anga thildang India sorkara kan zu neih ang nen hian a inang lo viau mai a. Chuvangin, hmeichhe tan pawh hetiang hi a tlawm thlakin kei chu ka hria a. Mahnia tling ve ngei a inhria a, tling ve ngei a rorelna ki-a han kal kha chu a chhuanawm zawkin ka hria a. Chuvangin, hemi hi tha ka tilo tih kha ka'n sawi duh a.

Tin, pakhat lehah chuan Pu Dy.Speaker, hemi no.section 5-ah hian kum 5 chhung a ni dawn ta a, hei pawh hi a rei mange aw ka han ti deuh a, village council-a kum 5 hi chu a rei duh khawp mai a. Chuvang chuan, ngaihtuah that leh theih a ni lawm ni? Village Council a kum 5 term lawih mai han awm hi chu a lal lo zawk tan hi chuan a ninawm sam viau a. A lal zawk tan pawh thil tihsual hi a tam duh angreng khawp a. Chuvangin, kum 5 term lawih mai han tih chu ala tihdanglam theih lawm maw ni tih kha, tun hmam kum 3 tih kha a tawh chiahin kei chu ka ngaihdanah chuan a awm a. Hei hi a sei deuh mange aw ka ti a ni.

Tin, hemi section-5 bawka thla18 aia tamlo extent theih tih hi hei pawh hi a sei mange aw ka ti a. Thla 6 chin extent ni sela, chuta a la tul ngang a nih chuan extent zawm leh theihna dan kha awm sela, chuti a nih loh chuan hei hi a sei mang e aw, 'not exceeding 18 months' a ni daih mai a kum 1 leh a chanve. Heng hi entirnan, kum 5 lo lal ta sela, kan VC te kan thlan a kha a sorkar khan pawimawh a tih tlat chuan kum 1 leh a chanve vel kha lo extent leh ta se. Kum 6 leh a chanve vel an lo lal dawn ta a, kha kha a awm kher ang tih nilo mahse, a sei deuh lawm mawni chu aw ka ti bawka ni. Kha kha ka'n sawiduh chu a ni a.

Heng a dang dangah hi chuan a tha thawkhat viauin ka hria a. Heti laia section-26-a thlawhbawkw chungchang in rawn telh hi tha ka ti khawp mai a, ka ngaimawhna a rei tawh a. Thlawhbawkwah hian kan han awm chawt mai a, a dik chiah chuan sawnchhuah leh hleihtheih kan ni lova. Dan mumal kan nei silova, a har em em mai a, eviction pawh han ti ila, an chhuak duh tlat bawkw si lova. Chuvangin, roreltute kan timangang thin a. Helaiah Dan fel tak kan neih hi chuan tha takin ro kan rel thei tawh dawn niin a lang a. Duhna hmun hmuna in sak maia, duhna hmun hmuna thil va zawrh maia, thil tawp emaw, sawrkar phalloh zawng emaw pawh va zuar thei maia, kawng dunga kan inhung fur mai pawh hi a thalo hrim hrim maia, hetiangah thlawhbawkw chungchang mumal taka Dan kan neih tawh chuan chungah chuan Dan anga kan inenkawlinate pawh a fel thei zawkin a rinawm a, hei hi a tha khawpin ka ringa. Tin, a dang tam tak hi chu han chhiar hian a tha chho maia, a fel chho maia, ka point a chu, helaia section 6-naa, vawi 10 han tih, vawi 3 a tlak thlak pawh hi a tha, tam tak chu kan luhlul ve a, sawi mang si lovin duh chen chen V/C ah hian kan kal lo mai thin a, heng hi a tha lo khawp a, in rawn telh hi a tha a.

Tichuan a tawpna atan chuan hemi tha vak lo, keiman ka tih, hmeichhe seat han pek te, kum 5 lai mai term han ni te, tin, kum khat leh a chanve lai mai extend theiha a han awm te hi a tha chiah em ni? Ngun taka ngaihtuah a ngai khawpin ka hria a. Chuvangin vawiinah hian he sawi khawmnaah hian chu chu ka sawi ve duh a ni e. Ka lawm e.

DEPUTY SPEAKER : Tunge sawi leh ang? Pu R.L.Pianmawia.

Pu R.L.PIANMAWIA : Pu Dy Speaker, ka lawm e. Hei vawiina kan Bill neih, Village Council Amendment Bill 2014 hi a tha hlein ka hre mai a. Amaherawhchu han sawilan ka duh chu, Amendment of section 6 a tuna Pu Sangthuama sawi hnuhnun ber, vawi thum kallo zawn tih kha, vawi 10 kallo zawn, vawi thum a tih a kha ka sawi duh a. A hre ngei a ni tih prove-na awm lovin a inban fo theih dawn a ni. A chhan chu ka lo tawn tawh, veilama mite sawrkar lai khan, V.C ah ka tel ve thin a, pawisa ngaihtuah dawn loh chiahin min hrilh a, pawisa ngaihtuah dawnah chuan min hrilh ngailo a, a buaithlak ve khawp mai a. Chuvangchuan vawithum kallo zawn tihah khan, damlo ni silo a, an hre ngei a ni tih hrechung si a, an kallo a nih chuan tih emaw belh a nih loh chuan hei chu a him tawkw ka ti lo a. Chuvangchuan, vawi thum tih fela vawi nga talah chuan a insiam that theih lawm ni? Kan Minister khan min lo hriatsak sela.

Tin, pherk 6-na sub section (2) of section 26 tih ah khan (a) ah khan, a last para-ah ti hian a inziaka, thlawhbawkw chungchangah khan, vacate chungchangah khan, 'person or persons

individually to vacate the place within a period of one month from the date of such notice' tih kha, one month, tih ringawt mai kha, a ni zat kha ziah law law a tha em? February thla a nih chuan ni 28 te pawh a awm thei a, ni 29 te pawh a awm thei a, ni 30 te ni 31 te a awm ta a, one month vek a ni a, kha ai khan a thu hian ni 31 emaw ni 30 emaw kha ziaak law law ila.

Hmeichhiate tan zalenna kan hawng ta hi a thatna em em tur chu, Sitting pawh kha a phurawm dawn a ni. V.C turin han inchan ta ula, hmeichhe telloa pa ho inhmuh khawm thup thup mai chu, chungkua lama lungawiloh deuh chang pheih chuan thutkhawm hi a phurawm loh khawp mai a, hmeichhia an tel hi chuan, a aw nem chi an lo tel hi chuan a ziaawm hrim hrim mai a. Khaw tam takah pheih chuan a chhul awl tawh ho tha tak tak ding tur an tam dawn a, han nek deuh pawha pawisa vak tawh lo turte nena roelna han tih ho a, zanah te sitting fo mai a chakawm hle dawn a ni. Village Council sitting te pawh tuna kan bituk aia tam hi an ko an ko mai ang tih a hlauhawm zawk a ni. Chuvangchuan, hei hi thil tha tak a niin ka hria a. Chuvangchuan, hmeichhiate tan MLA ni tur pawhin village council atanga inzirchhuah te kha a tha phian tur a nia. Chumi atan chuan a primary school ber a nia, village council kha politics luh dawnah kawng zawh chhohna tur sialtu pawimawh tak a ni dawn a. AMC ah an nih chhoh theihna tur te, MLA an nih chhoh theihna atan a hmasa ber chu Village Council kha a ni a. Chuvangchuan, a tha dawn hlein ka hria a, V.C nih leh mai pawh kha a chakawm rum rum mai lawm le. Chuvangchuan, vawiina kan Bill ngaihtuah hi a tha ka ti a, ka rawn support a ni e.

DEPUTY SPEAKER : Tunge han sawi leh ang? NI.Vanlalawmpuii Chawngthu, Hrangturzo bial.

PI VANLALAWMPUII CHAWNGTHU : Pu Dy.Speaker, ka lawm e. He Bill Mizoram sawrkarin a rawn pulut hi hmeichhe tan a lawmawm em em a, tun sawrkarah hmeichhe duhsakna hi a nasa em emin ka hria a. Nichinah kan MLA zahawm tak Saiha bialtu Pu K.Beichua pawh khan a tih kha, 'Kan sawrkar hunah chuan hei aiin hmeichhiate hi kan duhsak ang' a rawn ti bawka, chuvangchuan, he Bill hi kan Pass ngei pawh ka beisei a, chutiang tur chuan ka'n sawm bawka che u a.

Tin, sawrkarah a bik takin a changtu Minister zahawm tak leh kan Chief Minister zahawmtak chungah lawmthu ka sawi a. Hmeichhiate V.C member ni tur hianin inbuatsaih kan ngai ve dawn bawka ni. Nasa taka kan inzir ve chu a ngai dawn a. A chhan chu chance neilo anga kan inngaihna thin hi a thaloin ka hria a, hetiang anga rawtna tha tak leh Bill tha tak a rawn lut hi a

lawmawm ka ti em em a. Mizo pa rilruah chuanin hmeichhiate chu khawtlang hruaituah te chuan kan duhlo a ni. Tunhmaa pi leh pute hunah pheii chuan hmeichhia an dah hniam em em a, Amaherawhchu chutiang ang chu a ni tawh lo a, tun lai khawvelah, ram a lo changkang a, mihring pawh an lo changkang chho zel a, hmeichhe fel leh tha tak tak te an lo dingchhuak chho zel a, chutiang ang chuan Village Council member ni tur pawh hian hmeichhe member tur tha tak tak veng tinah kan neiin ka hria a kei chuan. Hrangturzo Biala kan hotuten ding tura min han tih pawh khan keimahni party chhungah ngei pawh hmeichhia kan duhlo, min ti tho a ni, chu chu Mizo pa rilru a ni a. Mahse, chumi a nih rual chuan, ka admit thlap a ni. Mizo pa rilruah chuan ram hruaitu tur atan chuan hmeichhia te hi kan iai thin a ni, Amaherawhchu Pathian khawngaihna zarah kan han tling chho ve a, mipa thawh ang kha ka lo thawk ve thei reng a ni tih hi ka hria a. Chuvangchuan Village Council member ni tur pawh hian ka hmeichhiatpui tam tak te hian an tlin dawn tih hi ka hria a, chuvangchuan Assembly House-ah te thu ve tur pheii chuan training ground tha tak a ni a ka tan pheii chuan VC a member nih hi. A bik takin hmeichhe awmchhun ka ni a ka khua pawh a har khawp a, nakinah chuan VC atangin an rawn tichho ang a, a lehpek ah chuan ka hmeichhiat pui te thu tawh tur pawhin ka beisei a, chutiang tur pawh chuan duhsakna ka hlan a ni. Tin, mipate hi hmeichhe lu in ni tih hre rengin he reservation hi chu in zavaia min pawmpui turin ka ngen e.

Pu T.T. ZOTHANSANGA : Pu Deputy Speaker ka lawm e. Kan group leader khan reservation a ngai em ni? neih tha ka ti lo a rawn ti deuh tawl mai a, a lehlahmah Dr K.Beichhua khan kan uar deuh deuh ang kha a ti si a, tlem nak alaia han lungual loh chu tih kha ka rilruah a rawn lut a. Tin, 'hmeichhia kha reservation a ngai em? AMC a kan hmeichhiate pawh hi' an tih laia kha chu AMC a kan hmeichhiate kha chu ka lo zah ve angreng khawp maia, mahsela engemaw zawng ngaihna a ni em lo ang chu maw. Kan dam anga Pathian zarah thil reng reng chu a tantirh nawi tak pawh ni sela alo puitling chho tur a ni a. Naupang pawh hi an pian tirhin an kal nghal lova, an lo puitling chhova an kal mai ang hian he kan society inrelbawl danah pawh hian Pu Piana tawngkam takin, an primary school kan hawn chhoh sak anga, ta tang chuan an zir puitling ang a, nakinah pheii chuan society puitling takin kan la awm ang tih hi ka hma thlirna a ni a.

Ka document ka'n en mai mai chuan, kan Minister hmasa pakhat kha chuanin (i vei lam ami te sorkar laiin) 'hmeichhe dinhmun chawisanna turah hun nghak hman lo in awm a, hun a her chhuahpui nghak hman lova chak taka hmalak duh in awm

hi tha ka ti lo a ni' tiin MHIP ah te an lo sawi tawh thin a ni. Chu chu Vanglaini 8 July 2003 ah khan. A thupuih ka'n lut tawh ang a.

Pu Deputy Speaker, kan short title commencement tih a No.2-ah khan "It shall come into force with effect from" a rawn ti a 'with effect' tih lai taka kha paih a pawl lovin ka hria a, tichuan kan paih chuan "It shall come into force from the date of its publication" tih a ni mai dawn a, 'with effect' tih lam kha a ngai kher em ni? Tin, no.3-ah khan reservation awm a, a tha ka ti hrim hrim a, khalai kha chu ka sawi tam thei lovang a. Hmeichhe lam ngaihsak tak mai tihah khan ka'n tawp ang.

Amaherawhchu, helai amendment ropui ka tih em em chu, kan Dan hmasaah kha chuanin ngun taka ka chhiar chuan, V.C member 4 te 6 awmna kha a awm a ni, i veilam amite an sorkar lai khanin pahnih leh pahnih an in draw khan an sorkar tir tho tho a, khatianga inpawhpenna remchang tak mai kha alo ni a. Amaherawhchu, tunah chuan hei a number a kawp kim lo vek maia a sorkar lam kha khawi lam lam pawh ni se a chiang fak ta maia, political taka han inrim vel kha a ngai ta lova, hei hi tha ka ti khawp mai a, helaia a kawp kim lo hlir pathum, panga, pasarih, pakua, ang zawnga member amendment a lo tel ta hi ropui ka ti a, tunhma te angah kha chuan kan rim kual vel kha a ni a, khatianga kawng kha a inhawng ta lo hi lawmawm ka ti ve hrim hrim a ni.

Phek 3 sawmpakhatna (11) "If the President has lost" a han tih a tlar tawpnaah hian "The report on election of the new President shall be sent to the state govt. without delay" without delay a han tih te, a ni (date) fixed kha a tha em aw ka ti a. Entirman, within seven days tih emaw kha a tha em aw, thingtlang ho hian a ni zat bituk hi kan hriat thiam zawng a ni a, thingtlang VC deuh vek an ni si a. Amendment 10-na thla kha a tha ka ti khawp maia, VC an power hi a hma khan pathum vel chho khan a rawn inhlawm chhova, helaiah hi chuan sawm pakhat a rawn inthun belh a, VC te khi kal dan kawhhmuh deuh chat a lo ngai tawh a, tunlai khawvelah pheih chuan power a pawimawh tawh em em a, an inalan kher loh hi chuan a bawh rawp rawp tawh lo a ni. Chuvangin kan Minister zahawm takin section thar tam tak mai a rawn siam hi a fakawm ka ti a ni.

Phek 5-na tawpnaah khan "Insertion of new section 17 A" a rawn tihah khan treasurer a rawn tih kha a lawmawm ka ti khawp mai a, tunah President, Vice President leh Treasurer kan nei thin a, mahse khawi hmunah pawh kal mah ila a inziak a, Treasurer

hi a lan fak loh avangin VCP reng reng hian pawisa hi an kawl hmak vek a, chuvangin treasurer hi an vui an vui a, amaherawhchu ziakah khan Dan a lo awm chiah si lova, tunah Dan anga a lo awm tak hi chuan treasurer khan sum hi a kawl deuh hmak tawh tur a ni a, tha ka ti khawp a ni. Silchar-ah te pheih khu chuan Chairman aini treasurer nih an duh zawk daih mai a. A nawlpui thuah kan Minister-in thahnem ngai taka dan a rawn ti hi lawmawm ka ti a, lawmthu ka rawn sawi a ni. Pu Deputy Speaker, ka lawm e.

Pu P.C. ZORAM SANGLIANA : Pu Deputy Speaker, ka lawm e. Kan Minister zahawm takin he Bill a rawn pulut ta hi ka lawmpui duh a, wawiin hi hmeichhiate tan chuan an diary-ah chhinchhiah vek sela a tha ka ti a. Chumai ni lovin November 12 hi Mizo hmeichhiate an ni (day) atan puang ta sela ka ti a. Assembly pasarihna (7) kan ni a, kan 4th Session-ah nikhata hmeichhiate hamthatna, hmeichhiate nasa taka an sual thin leh an awm em em thin chungchangah kan han nileng mai tura programme an rawn pulut hi lawmawm ka ti a, chuta sawi ve theia Pathian leh mipuite leh hotute kal tlanga helai hmuna ka han thu ve pawh hi lawmawm ka ti em em a ni.

Kan ramah hian hmeichhiate hian mipa tam takin min khum a ni tih hi an sawi thin a. Amaherawhchu an hamthatna lai an han sual vena laia an harsatna hmuh ka nei a, kohhran pakhat hian hmeichhiate hi chu dah ropui ve se chu tuna an sual an sual hi sual ngai lovin a awm ang tih hi hun rei tak atanga ka lo hmuh ve dan thin a ni a. Upa an thlan tlin pawha nemnghet duh tlat lo, an BD nihna zawng zawngte hi Nilai zan tantu vel atana la hman tawh chauhva an ngaih reng avang hian kohhran lian berin hmeichhia dah pawimawhna an nei lo hian hmeichhiate an han sual ve vak vak a, hamthatnate an tih ve thinah pawh hian an aw ala chak tawh loh vang niin ka hria a.

Chutih lai chuan he sorkar, House member 40 awma 34 nei erawh chuan Chief Minister kaihhrainain wawinah hian kan hmeichhiate hamthatna Bill pahnih ngawt mai hi a rawn pulut ta a ni. VC inthlan pawh lo awm se, AMC inthlan pawh awm se, MLA inthlan pawh awm se hmeichhia zawng zawng tan chuan Congress vote-na tham a ni; hei hi an lawmthu sawi vena tur niin ka hria. Hei vang hian a niang Saiha bialtu pawhin 'kan la uar sauh ang' a tih kha, 34 leh 6 kha a inthlau ropui si a. Chuvang chuan khalai bawr te ngaihtuah lawkna nen khan a rawn tlan khalh deuh emaw ni chu aw ka'n ti deuh a ni. Pu Dy. Speaker, hetiang ngaihtuahna han siam hian a Bill han en hrim hrim hian hmeichhiate tan chuan nuh var warna tur a ni fai vek ti ila a dikan ka ring a ni. Chumi bakah Village Council hrim hrim

administration-ah pawh he Sorkar hian grass root level a mipui te himna tur ngaihtuaha rawng a bawl hi, kei ropui ka ti a ni. Roreltu an han ni ve bawk a, entirnan, V/C Secretary seal te pawh an han hum ve ngei a, a hma zawng zawngah chuan President lungawi leh lungawi lohah a innghat tawp mai a ni. Tunah chuan President chang ni tawh lovin executive body, treasurer pawh telin a rawn tarlang tawh a. Chumite nena remtih tlan vek loh chuan V/C Secretary te kha a ban ngawt theih loh reng reng. Zan khat tawngkam hnih khat inhmuh pelh avanga V/C Secretary ban theih mai te kha a theih ta lova. Hetiang han thunluhna te hi a ropui ka ti em em mai a. Tin, V/C sitting kal tha duh lo tih chungchanga hriatchianna atanga vawi 10 ni thin vawi 3 a an han ti hi, amaherawhchu, ka'n tarlan duh chu, V/C hi sitting kohnaah hian Peon ten signature an rawn la ang hian la ve ziah sela, member inhuatna avang khan V/C sitting-ah vawi 3 a kal tawh lo alawm ti a ban mai theih kha a ni dawn a. V/C sitting kohna te pawh hi ziaik ngeiin ti ve zel tawh sela. Tlangaupain emaw an hming lain, khatiang khan ti thlap thlap sela. Chutiang chuan kan hotuten helai hi tha taka an han duhna lai hi a siam tha lehzuang ang tih ka ring bawk a.

Tin, chumi bakah chuan Pu Dy.Speaker, President mawhphurhnate chiang taka in han tarlangte hi lawmawm ka ti a. A ni lawm ni, a ni lawm ni, kan khuaah chuan chuti chuan kan ti a tih ang te hi a awm thei a. Entirnan, chiang em em mai chu, V/C ah chang ni lovin, MLA te kan Fund chungchang-ah pawh hian, kan hman duh dan te leh min awptu kan DC ten hman duh dan chin an neih dan hi a inang lo tlat mai a ni. Hmun thenkhat DC ah chuan MLA ten kan duh dan kha min lo tihpuitlin sak mai a. A danah a inziak lo alawm tih tan chhan tlata mi an tih chuan, kan malsawmna va pek tur ngei ngei te khan harsatna an tawh thei a ni. A inkaihnawih tho avangin, V/C Dan hmanna tur an rawn tarlan pawimawh zia kan sawichhuah chhan duhna chu a ni.

Entirnan, ka bial-ah Electric vengin thlanmual an mamawh a. Ka fund atangin chu thlanmual chu leina ka pe a. October Ni 31 hma-a min pek loh chuan tiin a neituten an ti tawh si. An inphumna thin thlanmual neituten, 'kumin December Ni 31, 2014 thleng bak chu in inphum thei tawh lovang,' an ti bawk si a. Chutiang karah chuan lehkha ka zuk ziaik a, Electric Veng thlanmual leinan hei hi lo pek ni se tiin ka'n ziaik a. Vawiin thlengin an la pe duh tlat lo mai a ni. Khatiang chiah khan kimchang takin V/C ah chuan a hma-a awm lo ang kha, hetiang thuneihna te a rawn tarlang ta a. Khang te kha ka'n sawichhuah duh chhan chu MLA level ang pawha Dan tlawhchhan chianguang taka hman tur kan nei lo a lawm D/C in a tih tlat chuan innawr hle ringawt kha a ni a. 'Step siam nan nuai 10 lo pe rawh u,' ti a ka zuk ziah khan a pe mai dawn ni awm tak a ni a. Veng thenkhat pheih chuan Hmangaihte Veng tiin an thlanmual veng te hi an sawi a. Kan hmangaih ber te kan dahna tur hmun, khawvel thawhleh huna kan hmuh leh chauh turte, chung ang leina pawh

MLA Fund-a hman theih loh, ‘Dan-ah a inziak lo alawm,’ min tih tlat chuan, kan V/C te pawh an Dan awm sa angah hian an thuneihna a inziak chiang lo tih hrechiang a, LAD Minister-in heng an thuneihna ti mai ang, chiang zawka a rawn tarlang te hi lawmawm ka ti em em mai a ni. Chutiangte chu Pu Dy. Speaker, wawiinah hian ka’n sawi duh a.

Chawhma lama kan sawi ang khan kan hmeichhiate hian an Dan leh dun chi hrang hrang an han tihnaah hian theih chin hi an nei ni mai lo hian, mipa hi min khum ta emaw ni tih tur khawp hian thil chi hrang hrangah hian an awm ta a. A mipa zawk ten an vote chak turin, reservation a rawn awm ta bawk a, kan hmeichhia-te pawh an hmeichhiat pui mai ni lo, mipate pawhin lung si taka kan lo vote chak hian awm sela, vantlang tana inhman a tul chang te leh thil chi hrang hrangah te pawh, sorkarin heti taka a duhsak takah chuan, chungte pawh chu an inzir tel vena atan kei thain ka hria a. Chuvang chuan he Bill hi a ropui ka ti a. Hmeichhiate tan hmeichhia an lawm chuan, mipa kan lawm sa a, naupang an lawm bawk si a, tar an lawm bawk si a i ti mai ang, mi tin lawmna a ni a. Chuvang chuan, Pu Dy. Speaker, kan Minister zahawm takin he Bill wawiina a rawn putluh hi pass ngei ni se tiin ka’n sawiin, ka’n support a ni e. Ka lawm e.

DEPUTY SPEAKER : Pu T. Sangkunga i lo ko ang.

Pu T. SANGKUNGA : Pu Dy. Speaker, ka lawm e. Wawiinah Dan tha tak mai kan LAD Minister-in a rawn pulut hi lawmawm ka ti takmeuh a. India ramah chauh ni lo, khawvel ram hrang hrangah Dan hi hmeichhia-te hawi zawng a ni emaw, a tha zawnga amend chhoh zel a ni a. Kan Bill amend tura Village Council term kum 3 atanga kum 5 han tih kha sawilan a awm zeuh zeuh a. Hei hi kei tha tihna riau ka nei a. A chhan chu India ramah hian Election-ah kan insengso nasa lutuk. Mi thiamten an ziah dan chuan MLA leh MP te pawh hi thlang rual ila, heti reng maia kum tin maia MLA inthlang State te, UT inthlang te, MP inthlang reng mai bawk, khatiang kha a dik lova. A expenditure hrim hrimah economic measure atan MLA term kum 5 tih hi keini ang state pachhe tan chuan a tul ngawih ngawihin ka hria a. Tin, tunlaiin mi an a tawh lova, MLA thlan zawha kum 5 a nih phei chuan, hei nakumah kan ti dawn a, ruling lam hi an rawn thlang tling deuh vekin ka’n ring ringawt a. Chuvangin, kum 5 thawhpui tur kha kan nei dawn tihna a lo ni a, a inmil a ni. Tu te emaw an lo sorkar zel pawhin party tih bik nei lovin, MLA thlan zawha an term chen tura V/C han neih mai kha, pawl hran ai chuan lung hi a rual duh nge nge a, puanhnuai thu hi a awm lo deuh nge nge a ni. Chuvangin, kum 3 atanga kum 5 hi chi hnhin pawisa thuah leh administration smooth zawka kalpui nan thain ka hria a. Tin, keini ang state pachhe tan phei chuan, Dr Panda, Additional Secretary, Panchayati Raj kha a lo kal thin a. YMA te, MHIP te, kan sorkarte

a hmu a, 'Women Reservation hi in tih loh chuan in hmuh tur tam tak pawisa hi in hmu lo a ni,' a rawn ti thin a. Vawiiinah provision pakhata hmeichhe tana reservation kan siam hi India sorkar duh dan leh hnam hnufualte zingah pheih chuan tih ngei ngei tura an ngaih tihhlawhtlinna a ni a. Hemi avang hian vaibelchhe tam tak in hmuh belh dawn a ni, a rawn ti thin kha a ni a. Chuvangin, rem hre taka kan sorkarin hemi a rawn putluhah pawh hian sum leh pai V/C hlawhah sen belh hret mah ila a lo let leh tur kha a awm a ni. Kan hek ngawt dawn lo a ni tih hria ila a thain ka hria a.

Tin, eviction thu-ah hian nichinah khan an sawi nual tawh a. Dan mumal a awm loh avangin, eviction kan ti hleitheih lova. Entirnan, khulai kan tuikhuah neih chhun Builum bul atang khuan chhuak duh lo an awm ta a, Sangha duh tawh leitur hi a awm reng a. Sikula an pek loh pawh khan, V/C an pek loh pawh khan sangha duh tawh hralh tur an neih reng avang khan an awm lui tlat mai a, an evict hleih theih loh a. Power Department a ka awm lai pawhin kan khel thin a, Fishery Department atang te pawhin, Sangha man lova duh tawh an hmuh reng avang khan, an fate hla takah sikul an kal tir mai a. Chuvangin hetiang dan mumal kan han nei tur te hi lawmawm ka ti a. Europe ram zawng zawng pawh hi en ila hmeichhia M.P. inthlannaah a tirah chuan vote neih tir phal an awm lo reng reng, a tam ber berah chuan hmeichhia hi a tirah chuan vote pawh an neih tir lo reng reng Europe ah chuan. Arab ramah chuan hei an nei deuh tawh a ni a.

Tin, tun hma chuan India ramah pawh hian IAS Officer hmeichhia chu pasal neih an phal lo reng reng. Pasal a neih chuan a bang tur a ni an ti tlat mai a ni. Air Hostess pawh hi chutiang chuan an ti a, Nurse te pawh pasal an neih an awih lo reng reng. La awih lo reng ni se chuan keini nurse pasal pheih chu nupui kan hmulo emaw a ni hial ang a. Khatiang khan hmeichhia hi zalenna pek tial tial an ni a. Amaherawhchu, Europe ram leh America te angin kum 400/500 a an neih kha kum 40/50 chhunga kan neih khan Europe rama reservation an tih loh ang kha a ngai bik tlat mai a ni. Hmeichhia ten chanvo an neih theihna tur chuan reservation kan pek loh chuan a tih theih loh. Tunah hian AMC ah pawh hian pe lo ila chu an tan a har khawp ang. Chuvangin, reservation hi Africa-ah leh Asia khawmualpuiah chuan an pe nasa a. Tuna Assembly Secretariat ho rawn sem Parliamentarian tih emawni bu chhah takah pawh khan Africa ram thenkhatah chuan Parliament-ah reservation heti zah an pe a, chumi kumah pheih chuan an san leh tawh a. Hetiang hian Parliament-ah pawh reservation an pe a ni tih te kha kan chhiar ka ring a.

Chutiang deuh chuan Africa leh Asia-ah te hi chuan chanvo an chan ve theihna tur hian reservation hi alo ngai deuh tlat mai a. Hetianga thiam taka kan sorkar-in arawn ti hi lawmawm ka ti a. Parliament-ah pawh khuan Congress hun laiin zalenna hi sawi nasat a ni a. Tin, UPA ah pawh khan M.P. ah te, MLA ah te reservation an nei tur a ni ti khan Pi Sonia te leh kan Congress hotu zawng zawng te an au va. Amaherawhchu Laloo-a te, Mulayam-a te ho, a phuk a phak hrelo khan an do tlat a Pu Speaker, M.P i nih chhung zawng pawh khan i hriat ka ring a. Khatiang khan Mizoram pawh hi kan vannei ka ti a, a tlang dawn lo tih hre chung pawhin i veilama member zahawm takte chuan a thalo a ni an larawn ti tang tang a, a thente kha chuan. Chuvangchuan, kan member zahawm tak Kolasib bialtu rawn sawi ang deuh khan kan hmaa inthlan lo awm turah pawh kan hmeichhiate chuan at a rinawm loh khawpin ka hria a. Eng sorkar lain nge an tan zalenna hi a lo awm thin a, a lo inhawn thin tih te hi an ngaihtuah ka ring a. Tin, member zahawm tak takte sawi ang kha an tan training-na a ni dawn a, V/C ah an han train ang a, training lo hi chu tihngaihna a awmlo. V/C ah an train ang a, A.M.C. ah an train leh ang a, M.P. ah te, nakinah chuan Minister-ah te kan ram hmeichhia te hi an lo chhohve theihna tur chuan grass root atanga training an rawn neih hi a ngai a. Hetiang Bill tha tak mai function tha zawka an kal theihna tura dan fel tak mai he House-a rawn chhawpchuah a ni hi lawmawm ka ti em em a, phur taka kan zavaia kan pass ngei pawh ka ring a ni. Pu Speaker, ka lawm e.

SPEAKER : Dr K. Beichhua

Dr K. BEICHHUA : Pu Speaker, kan ding ve lawk ang e. Thusawina hun min pek avangin ka lawm e. Ka sawi duh chu thil tha a nih chuan party dang tih pawh nise kan support mai tur niin ka hria a. Private resolution te pawh kan la nei chho ang a, i veilama thu kan nih avangin in support loh tur tihna kha a ni miah lo a nia. Thil tha a nih chuan nangnin in tih pawh hi kan support hle dawn a ni. Chuvangchuan, he Bill rawn lut hi a tha ka ti a. Lehlam thiltih pawh ni se ka pawm hmiah a ni. Chutih lai chuan thil engemaw te te tlema fel hlel deuh nia ka hriatte kan sawi chhuak ang a.

Nichina ka hmaa rawn sawi ang khan keini chuan hmeichhia hi kan ngaipawimawh a, hmeichhe dinhmun tunah chuan kan ramah hian a sang viau tawh mai a, reservation han pek mai te pawh hi a inhmuhisit thlak lo maw ka ti a ni. Chuvangchuan, tun Sorkar hian hmeichhia hi a va hmuhit ve tih hi ka ngaihda a ni. Member zahawm takte sawi

tak ang te ka ngaihtuah chuan. MADC-ah khian kan practice tawh a, reservation kan pek hian anmahniah pawh harsatna tam tak a thlen a ni. Hmeichhe fel tak tak veng khatah pali panga an lo lut thei ta a, seat 5 seat 6 awmnaah. Chungah chuan khang reservation ni lo va general-a lut mai chi tur ang nena kan han teh chuan reservation kha an inchuh ta a ni. Chungah chuan problem tam tak kan lo face tawh a, chuangchuan, reservation kha ka against bur tihna ni lovin nu ho leh hmeichhe ho khan reservation kha in duh a, tha in tih chuan kan duhsak ve che u a ni kan tih tawh kha a. Chutih rual chuan keini election hmachhawntu tur leh in contest-tu tur hmeichhiate khan khalai te kha rilru kan lo neih lawk a thain ka hria a. Reservation seat ngawr ngawr inchuh buaina kha thil awm thei pakhat a ni a. Chuvangin, he Bill hi kan lo pass a, kan lo practice a nih pawhin chulai te chu kan rilruah lo awm lawk se tha ka ti.

Chuvangin, kan member zahawm tak Pu Sangthuama rawn sawi tak kha kei pawh ka ngaihdan a ni a. Amendment of Section 5-ah khan extension kha 18 months kha chu sei ka ti deuh hlek a, 6 months tal ni thei se a tha mai lo maw tih kha ka ngaihdan a ni a. Tin, Amendment of Section 6-ah khan 10 tih 3 a kan thlak kha a tih chi em tih ngaihtuahna ka nei a ni.

Tin, Amendment of Section 7-ah khan a thu kalhmang hi ka ngaihdan hi a dik kher lo mai thei a, hetiang hian ti se a dik deuh lo maw ka ti a. Executive tihah khan 'Executive Body' ti ta ila a dik zawkin ka ring a. There shall be an executive body ti ta ila, consisting of President, Vice President, Treasurer, Secretary and each Village Council tih zawng khan ti ta ila, a thu kal hmang kha a dik zawk lo maw ka ti rilru deuh a.

Tin, power kan hman laiah khan ka chian lohna pakhat a awm leh ta a, a tawp lamah khan sec-23, Power to make rules tih kha. Power to make rules-ah khan subject - to the previous approval of Governor tih kha ka hrethiam chiah lo a ni. State Election Commission-in a conduct dawn a, chuangchuan, he power kan siam hi Governor approval lak hmasak phawt a rules hi siam tur kan ni em tih lai te kha. Helai hi tuna kan kal phung keina ka hriat dan chuan a power kan deliver dan turah khan rules kha sorkar hian a siam ang a, chu chu Cabinet-in a approve ang a, a approve hnuah Assembly-ah lay turin an rawn dah ang a, Assembly-ah kan lay leh dawn a ni lawm ni ? Engatinge ni Governor approval kha lak kher a ngaih tih lai te kha. Governor approval kha keima ngaihdanah chuan a dik lo ka'n ti deuh a, ka hriatthiam loh vang pawh a ni deuh mai thei

ang a, khalai te kha ka rawn sawi duh a. A Bill hi chu tha ka ti a, Dan kan chhawp tam tak hi chu District Council lamah chuan kan lo practice tawh a ni a, a tha viau a ni. Chuvang chuan ka dinglama thute thil tih mah nise ka lawm a ni tih kha Pu Speaker, ka sawi duh a ni e. Ka lawm e.

SPEAKER : Pu K. Lalrinthanga

Pu K. LALRINTHANGA : Pu Speaker, ka lawm e. Kan Bill sawiho turah hian a pawimawh lai lai ni a ka hriat, tangkaina nei ve tur nia ka hriat, han sawi belh ve ka duh a. Amendment section no. 4 (g)-ah khan 'He holds any office of profit under the Central Government or State Government' tih a ni a. Helai hian VC-ah mi thenkhat muster roll anga lo inhlawh te thla tin hlawh la si, in candidate ve a thlan tlin te an ni a. Mahse an hna pawimawh ber chu, entirnan, tui sem muster roll te, PWD a muster roll a thawkte an lo awm a. VC ten khawtlang tan hna pawimawh an thawh duh changa khawtlang an koh te hian Department-in hna pawimawh an lo nei ve thin a, chu chu an hlawh lak tamna zawk a lo ni si a, an ngai pawimawh ta zawk a, V/C-a an hna thawh tur ang an thawk thei ta lo va, VC-a an mawhpurhna te kha an tihlawhchham thin a, chuvang chuan helai office of profit ti a an rawn ti pawh hi a tha hlein ka hria a.

Tin, Amendment section 5-ah khan no. 6-na, Section 5-ah khan kum 5 chhung VC term ni tawh se tih a ni a. Chutah chuan a tangkaina em em tur chu, MLA term ang a lo ni dawn a, inthlan a lo zin luat tuk hian khawtlang nun engemaw chenah nghawng a nei thin. Thingtlangah phei chuan an inhmu hlei thei lo a ni. Hetia Aizawl tlanga kan awm ang hi a ni lo a. Mahni party lo te chu inthlannaah hi chuan inkawm te pawh hi a nuam lo a, inbiak te pawh hi nuam an ti lo a. Inthlan a khat dawn a, kum 5 danah daih inthlan chuan inthenawm khawvenna atan pawh hian a lo nuam duh deuh a. Tin, chu bakah member zahawm tak Pu Sangkunga'n a sawi ang khan sum sen a tlem dawn a ni. VC inthlanah hian sum sen a tam thin hle a, sum sen a tlem dawn a, state sorkar sum hman tur kha kan save dawn a ni tih a lang reng a, chuvang chuan tangkai hle turah ka ngai a ni.

7-na Amendment of Section 6 lai kha, committee wawi 10 kal lo chin ban tur tih kha wawi 3 tih kha a tul hlein ka hria. VC inthlanah hian ka thinlunga awm chu, khawtlanga mi tha ang taka lang, mi hnawksak lem lo سوالنا neiloa kan ngaihte candidate-a

kan hman hian an tling duh hle mai a. Nimahsela mi tam tak chu khatiang mi ho kha khawtlang tana thil pawimawh ngaihtuah lem lo mi an ni duh hle a ni. Khawtlang rorelna tur atan thinlung pawh seng lem lo, mahni awma awm chawrh chawrh, mi tha ni a ngaih te hi an tling duh viau a ni. Chutiang ho chuan committee koh chang pawhin committee hi an kal tha duh vak lo, an tlin tawh chuan an lungawi tawh viau mai a, member an nih ve kha chuan an party te kha an lungawi mai a. Chuvang chuan committee vawi 3 an kal loha an ban dawn kha chuan hmingchhiat hlauvin ngaihpawimawhna te pawh a lo awm ve thei ang a, khawtlang rorelna kawngah te pawh an thinlungte an seng ve ang a, chutiang chuan a tangkai dawn hlein ka hria a ni.

Amendment of Section 8(9)-na phek 3-na, 9-na Section 8 Clause 4 ah khan, ‘The Village Council shall be accountable to the Gram sabha for all its function and decision taken in each meeting,’ tih a ni. Hei hi a tha hlein ka hria, a lawmawm ka ti a. Kan mipuite hian VC te hnathawhah te, thil tih reng rengah te rinhlelh hi an nei thin a ni. A chang chuan an phun mai mai a, hmun dangah sawina tur a awm lova. Khawi khawiah emaw te an han sawi kual a, awmzia a nei hranpa lem lova. Amaherawhchu, hetiang hi a awm chuan an hnathawhah lungawinate an hmu thei ang. Kan VC te thil tihah kan khawtlang mipuiten harsatna hriatthiam loh lo awm thei ang te kha kan veng thei dawn niin ka hria.

Amendment 10-na Section 8(a) 4-na ah khan, ‘to convene social audit for successful implementation of development in the village,’ tih a ni. Kha pawh kha tuna ka han sawi ang deuh khan VC tan Department-ah kal fo a ngai tawh lo ang a. Anmahniin an khuaa hnathawh te, khang development work miin an rawn thawh te kha rang zawkin an zawt thei tawh ang a. Eng nge project awm dan, a hna component te, sum senga Department-ah va zawh kher ngai lovin a awm thei dawn a, a lawmawm hlein ka hria. 7-naah khan, ‘To raise fund for public utility within its jurisdiction by passing resolution subject to the approval to the State Government’. State sorkar nawrna khatiangna sum lakluhna te a han neih ve kha chuan; hei thingtlangah hian in sakna sum leh pai awm si lo, MLA te hnenah in min siam sak thei em? Chumi kawng chu siam kan ngai a, a hlauhawm, chumi te in chu a chhia a sum kan nei si lo tih te; MLA tan te pawh sum lak tur an hmu hlei thei bawh si lo a. Hetiangna sum han raise theihna tur kawng an han inhawng hi anni tan pawh, khawtlang tan pawh chhenfakawm tak ni thei turah ka ngai a, a tha hle dawnin ka hria a, Pu Speaker, khatiangte kha a thain ka hria. Ka lawm e.

Pu B.D. CHAKMA, MINISTER : Pu Speaker, ka lawm e. Mizoram hmeichhiate tan November ni 12 hi chu Red Letter Day angin kan hmang tur a ni a. Bill pahnih zingah chawhnu lamah 'The Lushai Hills District(Village Councils) (Amendment) Bill, 2014' pawh hi hmeichhiate tana seat reservation chungchang pawh hi a pawimawh ka ti khawp mai a. He Amendment Bill hi tunah District Council pathumah hian kan hmang mek a ni a. Hetah pawh hmeichhiate tana reservation hi a awm vek a ni a. Mizoramah hmeichhiate zingah zirna lama hmasawwna a nasa mahse politics lamah ka survey hmuh danah hian an tui vak lo an ti a. Mahse, reservation hi awm se la chu compulsory representation A awm chuan anmahni tan pawh tha ka ti a.

Women NGO te lam atangin zawhna pakhat chu reservation bakah hian kan ding thei dawn em tih an zawt reng thin a. Reservation chu compulsory representation tan a ni a. Reservation bakah pawh duh duh an ding thei a, kha kha chu clearance nei tur kan ni a.

Amendment Section 5, V/C term chungchangah tun thlengin a term kum 3 niin ka hria a. Mahse, Village Council Executiive Body pawh ni se hei hi chu elected establishment a ni a. Chuvangin, kum 3 term hi a tawi lutuk an ti a. Hna thawk turin 3 years ringawt kha chu a hun a chep lutuk an ti a, representative pawh kha. Chuvangin, kum 3 ni lovin kum 5 ni tur kha chu lawmawm ka ti a. Minister zahawm tak Bill putlul hi lawmawm ka ti a. 5 years tenure kha chu a tha, hei hi chu elected body a ni a. MP te, MLA te, MDC te pawh term hi inang vek a ni a. Aizawl Municipal Council hi kum 5 a ni a, Village Council term chauh kum 3 a ni a. Uniformity kan neih theih chuan a tha a. Uniformity hi elected body zawng zawngah hian awm thei se a tha a ni, 5 years term kha chu a tha a ni.

Tin, Elected Member te laka action hi continuous three meetings tel loh chuan anmahni ban mai tur tih kha hetah hian tlem explanation hi fiah deuhin ziak thei se tha ka ti a. Village Council President hi Member te lakah hmuhsitna a awm chuan a rukin meeting hi vawi thum ko se, Member pakhatin a attend theih loh chuan eng nge a tih ang tih kha, chuvangin hemi three consecutive term kha chu signature lakin emaw, dak runner emaw, tlangau emaw written signature Village Council Member atangin lak ni thei se khami meetingah khan a tha ang a.

He Bill hi a lawmawm ka ti a. Elected representative tan grassroot level-ah hei hi hmasawwna a ni a. Member zawng zawngte he House-ah Bill pass pui turin ka sawm che u a ni. Ka lawm e.

SPEAKER : Pu Lalthanliana.

Pu LALTHANLIANA : Pu Speaker, hun min pek avangin ka lawm e. Point hnih lek sawi ka duh a. Tuna ka hmaa mi Minister sawi zawh chauh kha a ni nain Amendment Section 5 hemi village council duration, an term kha kum 5 tih kha tha ka ti viau nain a lehlam pang zawng kan ngahtuahin tlak hian chuan kum 5 nghah hi a rei duh khawp mai a. Tin power te hi a lo mis-use ve theih a, MLA term te pawh hi kum 3 lek lek nise inthlak zung zung ila, rorel na hi a tha phian zawk lawm ni aw tih hi kei ka ngaihtuahnaah hian a awm tawh zawk a. Chuvang chuanin uniformity tiha kum 5 theuh a ni tur a ni tih kha a dik ber chuang lova, engdanah mah a awm tak tak chuang lova, a fuh ber angem tih pawh kha a chiang chuang lova kan lo practice mek a ni bawka, ngaiah te kan neih a. Hei tal hi chu a ngai ang khan kum 3 ni se, kum 5 chu a rei a nia.

Tin inthlan te pawh hi a hau tak kan tia hei hi a dik a. Amaherawh chu kum 5 anih avangin a hautak lo chuang dawn lova, kan inthlan hi a rual tak tak chuang bawka lova, chuvang chuan hei hi chu ngaihtuah that a tha mang e aw tih ka ngaihtuah a. Insem zaina lam pang kha ka rilruah a awm teh daih a.

Tin, a dawt leh chiah amendment of section 6 hi a tak taka han practice dawnin wawi thum hi chu a tlem deuh em aw ka ti a ni. Wawi 10 atanga wawi 3 a han chhuk thlak kha hei pawl hrang hrangah te pawh kan inhmang hlawm a, vawithum a zawna han absent mai te hi chu a awl ve angreng khawp mai a. Inban tawp chi ang kha tlema reasonable deuh hlek thil tur anga ngaihtuahnaah wawi 5 te emaw tal chu ni thei se chu tih kha ka rilruah a awm deuh a. A percentage zawng pawhin han ti ila 50/50 ah te pawh han tlathla ila 10 atangin 5-ah, 3 kha chu a hla lutuk deuh lo maw aw te ka ti deuh a. Helai pahnih te hi a tha phianin ka hria a. Kan sawi hnem tawh a kan ngaihtuah hnem a hemi pahnih te hi ka rilruah a la vei deuh avangin ka'n sawi ve a ni e, ka lawm e.

SPEAKER : A lawmawm e, tunah chuan sawi tur kan awm tawhlo niin a lang a, e Pu Romawia

Pu R. ROMAWIA, MINISTER : Hemi a parent, a Danpui zawkah hian a ziak chiang khawp a. Hemi nena chhiar kawp hi a ngaiin ka hria a, 'If a member absent himself continuously in ten consecutive meeting of Village Council without permission of the Village Council. The Village Council may in a meeting specially convene for the purpose declare his seat vacant after giving him an opportunity for a hearing in such case the Village Council shall communicate

decision to the State Government' a la ti nghe nghe a. Chuvang chuan heta 10 leh 3 kha kan buai loin ka hria a. Heti lai kha chu 3 pawh kha a awm khawp mai a, a Danpui nen kan chhiar tha lo deuh emawni chu aw ka ti.

SPEAKER : Pu Rinawma, i sawi ve leh dawn em ni? In sawi tawh dawn lo emaw ka ti a.

Er. LALRINAWMA : Pu Speaker, ka lawm e. Hei vawiinah Lushai Hill District Council Amendment Bill kan pulut thei a, a tlangpui chuan a lawmawm hlein ka hria. Thil kalphung felfai zawk kan duh tlangah te pawh ngai ila. Kan roreltute, khawtlang roreltute tan pawh thil felfai zawka kalpui theih sawt kan beisei a. Tin, helai seat reservation chungchang hi ka rilruah a awm ve deuh hlek a, hmeichhe fel laklawh tawh hi chu tuma dan rual an ni lova. India ramah te pawh hian hruaitu ropui tak tak, nangni lam phei chuan in zui char char zawk khawpa ropui te kan nei a. Chumai piah lamah mi dang dangte pawh hmeichhe tha tak tak an awm a. Lehkha zirna lamah te pawh hmeichhiate hi a fel hi chu han awpbeh rual an ni lo, mipa tan pawh tluk rual an ni lo kan zui hum hum mai a ni.

Ti daih ila, hmanni Jayalalitha kha khuta kan awm lai a ni a, High Court thutlukna an han siam kha anmahni worker pakhat a nih ka ring a, khami thu rawn sawi chanchinbua an rawn chhuah ka hriat reng chu 'engtin nge hetiang Pathiannu te an hrem theih mai le,' a ti a. Chutiang khawp chuan pa hote pawhin Pathian tlukin hmeichhe ropui chu kan hmu thei a ni a. Chuvang chuan heng rorelnaah te reservation kan han pe tur laiah hian anmahni hmeichhe hlu tak takte kha kan tihniam thei mai zawk angem? Lak tlak lovah chhuahin, 'anni zawng reservation pek an ngai a, chuti lo chu khaichhuahna a awm lo a ni,' kan tihna rum rum te pawh a ni thei em aw ka ti a. Hmeichhe fel chu dan rual an ni lova, helai reservation kan han tih te pawh hi keima mimal ngaihndanah chuan a fel hi chu pek ngai lovin an rawn ding chhuak zel mai a ni tih ka'n sawi duh a.

Helaia 'Committee koh' ka hmaa mite sawi kha kei pawh ka ngaih pawimawh zawng tak a ni a. V/C body hrang hrangah hian member inmil vak lo inbe hlei thei lo hi a awm theih khawp mai a. Hmanni lawkah pawh chanchinbua kan hmuh kha, an lo ko ngai lo nge ni khatieng te kha thil awm thei ngei a ni a. Chuvang chuan member zahawm tak takte sawi ang khan Committee kohna kha peon-in a rawn ken ang deuh emaw register bu siam a sign thlap thlap kha ni ta sela. Tin, wawi 3 kha kei pawh a tlem ka ti deuh hlek a, a zat chiah erawh kha chu ka hma ami sawi ang khan wawi 5 te pawh kha ni se tha ka ti a, wawi 3 kha chu a tlem tham em mai a rin

aiin. Chuvangin vawi 10 atanga vawi 3 kha chu ni lo deuhin vawi 5 te tal pawh kha ni sela a thain ka'n hre deuh a.

Tin, sitting chungchang te pawh kum khata vawi 6 kal tih ang te hi tha hlein ka hria a. A tlangpui thuah chuan he Bill in rawn putluh hi a lawmawm hlein ka hria. A chhan chu awmze nei zawka khawtlang rorelna a kal theih ka beisei a, a lawmawm hle tih kha ka han sawi ve duh a ni, Pu Speaker.

SPEAKER : Tunah Pu Lalruatkima.

Pu LALRUATKIMA : Pu Speaker, The Lushai Hills District Council Amendment Bill, 2014 kan House zahawm takin kan han ngaihtuah hi lawmawm hlein ka hria a. Patent error chhete ka hmu a, a kawmah khan Bills a ni a, a hnu phok 1-naah hian bill a ni leh a, kha kha chu typing mistake-ah ngai ila. Mihringte hi tisual thei kan ni miau a, tihsual chang pawh a awm ang. Patent error dang kha chu kan Bill neitu Minister zahawm tak khan a rawn sawi tawh a. Section amendment 3-naah khan, member atana hmeichhia reservation kha khaw tinah khan ruahmanna a rawn siam a. Ngunthluk tak leh ngaihtuahna seng taka rawn lut ni turah ka ngai a. Chutihlai erawh chuan kan society dinhmunte ka han ngaihtuahin, minority area ah khan a har bik awm mang e aw chu ka ti a. Kan dinhmunte ka'n mit thlain, hmeichhia rorelna hmuna tel ve hi Aizawl khawpui leh khawpui lian deuhah te chuan thil harsa a ni lo mai thei a. Amaherawhchu, thingtlang leh khaw te deuhah chuan a harsa zual thei a ni.

Tin, minority bikah khan ka sawi ang khan hmeichhiate kha rorelna hmunah khan an tel chiam lo lehngal a, candidate turte kha innawr fe a ngaih ka ring a. Chutih lai chuan hmeichhe candidate tur kha awm lo se a vacant reng mai dawn em ni? tih te pawh kha ka ngaihtuahnaah chuan a awm reng zel a. Chuvang chuan, kha ti lo deuh khan ngaihtuahna kan hmang thei em? A tam si a, pakhat den denin kan ti a nih pawhin chu tiang zawng chuan kan kalpui thei mai lawm ni tih te ka ngaihtuahnaah chuan a awm a. A bik takin he thil hi nakinah Local Council nen hei hi kan han copy chho ang a, Aizawl khawpuiah ngat chuan a nawlpuiin member 7 an han nei ang a, candidate hmeichhe 2 tur kha a harsa viau mai thei a ni. Chu lai te pawh chu kan ngaihtuahnaah awm thleng ta se. Chuvangin he thil hi kan duh thawh ta lutuk deuh a member pakhat den den khan sem ila, general bikah khan an rawn kal thei tho bawng ang a, harsatna kan nei lo deuh ang tih ka ngaihtuahnaah chuan a awm a.

Tin, Pu Speaker, AMC ah te pawh seat reservation te kan han nei a, a buaithlak khawp mai a, candidate tur kan innawr kan innawr a, party tin kha kan buai tlang vek a ni. Han din mai kha an lo harsat tlang viau mai a, churang chuan Zoram pum huap tur thil kan ngaihtuah avangin he lai reservation kan tih kha a thu phunga kan kalnaah kha chuan khatianga kan kal chuan harsatna kan tawk thei niin ka hria a. Churang chuan helai hi en that leh theih a ni lo maw tih ka ngaihtuahnaah chuan a rawn awm a ni.

Tin, amendment section 4-na office of profit awm dan tur a rawn sawi kha a tha khawp mai a, muster roll te khatiang chi sorkara hlawnh la si Village Council-a member atan kan lo thlan tlin awm fo mai, precedence lo thleng tawh kan Bill neitu pawhin a rawn sawi tawh kha, churangin he thil hi a tha khawpin ka hria a. Tin a term kum 5 kha a rei hle mai a, hla siamtu in Lalpa a va rei lua em, kan va hre thiam lo em aw tih ang khan, kan ruling te ngaihtuahna hi hriat thiam ava har ve aw ka ti a. A chhan chu, VC bikah khan VCP te hi thlan nawn leh hi an hlawnh lo em mai lehngal a, tun dinhmunah pawh ni za(100) inhlawnhna bawk hian VC kan neihna khaw tin min vaw chhe dawn a, min vaw chhe thin tlangpui bawk a ni. Chutiang chu kan nih avangin kum 5 kha chu a rei hle a ni, kan kalphung pangngai ang khan a kal leh thei mai lo em ni? A inang tlang han tih te kha chu Rajya Sabha te pawh kum 6 chung alawm le, kum 5-naah an tawp ve chuang hlei nem tih te pawh ngaihtuahna ka nei a. Tin, thla 18 aia tam lo an term kha extend theih a ni ang tih te kha chu a em em deuh mang e aw ka ti a.

Thla 6 hi kan kal dan tlangpui a ni a, Assembly term te pawh thla 6 chu extend theih a ni mai a. Tin, pawl hrang hrangte pawh inthlang chiah pawh hian thla 18, kum 1 leh a chanve chung extend theih a nih kha chuan kum 6 leh a chanve kha an term a ni thei mai dawn a, ngaihtuah that theih ni se a tha maiin ka hria a ni.

Tin, amendment of section 6-ah khan kan member zahawmtakte khan an sawi tawh a, wawi 10 atanga wawi 3 kal lo zawnte kha member an nihna kha hlih sak theih an ti kha a ni a. Kha lai kha tam tak chuan Pu Speaker, rem chan na lak theih a ni, tu emaw kha kan huat zawng deuh member kha titla ang aw tiin khawiah emaw hnathawhnaa a awm bo hlanin VC sitting kha thla tin mai khan kum 1 a wawi 6 koh ngei ngei ngai a nih khan kan ko tlut tlut ang a, a lo kal lo alawm mawle kan ti ang a, chhuanlam tlingah ngaihsak lovin kan paih thla der thei a ni. Churangin wawi 10 atang khan wawi 5 ah zawk khan ni zawk se a tha awm mang e aw tih te ka ngaihtuahnaah a awm a ni.

A tlangpuiah chuan, thil tharte kan hmu a. Section 8(a) ah thil thar a rawn lut a, a lawmawm hle a. A word thenkhatah khan State government te kha rim takin a rawn hmang a, a thenah the government te a rawn hmang a. Sorkar sawina tho a ni a. 'State government' a hman chuan hmang tlang law law se. Hetah 5-na te leh 7-naah te 'govt' a rawn hmang a, 10-naah khan 'the government' a rawn hmang leh a, a hman pawlh lutuk deuh a, khalaiah khan kan hman dan te hi inang tlang sela thain ka ring .

Tin, Section-8 (a)(7)-ah khan sum leh pai a raise duhin sorkar remtihain a ti thei ang tih a ni a, khami bakah khan telh belh ni ta se tih ka ngaihtuah chu gram sabha kan nei thar bawh dawn a, gram sabha khan fund a raise duh chuan phal thei mai ta se chuan sorkar va rawn leh chung kha thingtlang khaw kilkhawr tak tak tan kha chuan a harsat avangin gram sabha khan decision te kha lo siam ve thei ta se a tha awm mang e ka ti a ni.

Tin, 11-na (a)-ah khan Gram Sabha Village Assembly rawn lut kha a lawmawm hlein ka hria a. Kohhran pawh hi kan inpumkhatna chhan chu kan inhmuh tam vang a ni. Pu Speaker, kan inkhawm hian inpawhna a siam a, kum khata vawithum chauh lo khan quarter tinah khan inhmukhawm ta sela chuan hmasawna hnathawh kha kan review tlang thei ang a, kan sawi khawm tlang thei ang tih kha ka ring a. Chuvang chuan wawi 3 ai kha chuan wawi 4 kha ni thei zawk sela, quarter tinah khan kan neih theih chuan a kal a kim zawk ang tih kha ka ngaihtuanaah chuan a awm a ni.

Tin, kan Bill hi a tlangpuiin a thain ka hria a, amaherawhchu khang ka han point out den den kha chu ngaihtuah vek sen pawh a ni hauh lo ang a, kan ram mil ang zelin kan Dante hi Pu Speaker, her rem ngai te a ni a. 16-na section 25-ah pawh khan show cause notice pein dissolve chungchang kha a awm a, show cause pe lova Village Council dissolve mai te pawh kha a awm thin a, chuvang chuan show cause notice pekna tur khan provision a rawn awm ta a, a lawmawm takzet zetin ka hria. He kan bill-in a tum te kan han hriat khan a lawmawm ka ti a. Amaherawhchu, women seat reservation tam lutuk te, khang ang neuh neuh kan han sawi te kha chu siamrem theih chu ni sela chuan a tha lehzuawm mang e aw ka ti a. Lalpa ava rei lua em, kan va hrethiam lo em tih kha a thunawnah kan hmang palh ang tih kha ka hlauh deuh hlek avangin a bill tlangpui a chu tha ti hle mah ila kha thil kha Pu Speaker, ka'n sawi tel a ni e.

SPEAKER : Hei, dar 4 a ri mai dawn a, pass hman hram chu kan duh dawn si a, Thingpui ina chhuah lawk kan duh ang em? Zawh law law kan duh zawk maw? A nih leh Pu Vanlalzawma.

Pu VANLALZAWMA : Pu Speaker, ka lawm e. I veilama mite hi kan tlem deuh bawka kan zavaia sawi theihna hun min pe thin te hi kan lawm em em a ni tih ka'n sawi hmasa duh a. Vawiina kan sawi kha a inang tlangpuiin ka hria a, i veilama mite leh i dinglama mite kan inlungrual viauin a lang a.

Kan sawi ve lawk duh chu women reservation a lo lang a, a lawmawm hle a, a pawm awm ka ti a. Chutih lai chuan kan word hman ka'n sawisel duh lai chu section 3-ah khan in 200 hnuai lamin member 3 an nei a, pakhat hmeichhe tan tih kha, ka'n sawi duh lai tak chu household kan la hmang fo hi a tunlai tawh lo deuh em aw ka ti a. AMC ah te kha chuan vote 500 hnuai lamin, voters 1000 hnuai lamin tih khan kan kal thin a. In la hman reng mai hi in tlem deuhah pawh mihring kha a tam theih a. Tin, In tam deuhah pawh mihring kha a tlem theih a, chuvang chuan household ti lo hian voters tih ve hi a rem zawk lawm ni ka'n ti deuh a, a reservation lam sawiselna ni lovin. NLUP indan tih te pawh hi ka'n hria a, thingtlang lamah te phei chuan, indang tak tak chiah lo, household anga han then theih, Ration Card nei hrang angreng, mahse awmho deuh dual dual ang chi kha a nih theih avang leh a chian tawh loh deuh avang hian voters chumi zat hnuailam ti ang khan kalpui theih ta se tunlai khawvelah a dik zawk em aw? Tunhma lama kan tehna hman thin sum 6 han tih ang te, hlam 5 han tih ang te pawh kha a vague lutuk deuh a hetah hian kan la hmang niin a lang a, chu chu han tihdanglam a rem em aw tih te ka ngaihtuah deuh a.

Tin, kum 5 term kha a rei kan ti deuh angem aw tih ka rilruah chuan a lo awm a, a thatna lai tam tak a awm laiin a rei lutuk deuh kha a awm thei a. Tin, section 5 ami tho thla 18 a pawh tawi theih, extend theih tih hi chu a dik em aw, a thui lutuk deuh a ni lawm maw ni le tih kha ka ngaihtuahnaah a lo awm a, member tam takin an sawi tawh tho a ka sawi zui vak lo ang a.

Tin, amendment section 6-naa an rawn sawi kan member tam takin vawi 10 kal lo tih thin vawi 3 a thlak kha sawi tawh ang khan a tlem deuh lutuk a, engemaw palhah thingtlang mite rama riak mite kan lo ni a, ram riah hlan a an lo koh tlat chuan inah ka dah ngei alawm, a nupuiin a dawng te pawh ti sela a hre miahlo thei a, kar khatah

vawi hnih te lo ko se a lehpekah ko leh se, a buai deuh der thei a, kha kha ngaihtuah chian deuh chu a ngai mange aw ka ti a, vawi 10 kal lo vawi 3 kal loa han tlak thlak kha.

Kha section thar a rawn piang a, section 11-na (a)-naah Gram Sabha Village Assembly tih lo lang kha a tha khawpin ka hria a, kum khatah vawi 3 tal an meeting tur a ni tih te a lo lang a. Amaherawhchu, khami a quorum lo lang kha 10% of the voters an kal chuan tih kha a tlem deuh em aw ka'n ti bawk a. Engemaw party mal bikin anmahni party chauh inhrihlin 10% voters kha chu a tlin mai theih dawn a. Entirman, vote 1000 awmnaah mi 100 an kalkhawm chuan party pakhat khan quorum an siam thei mai dawn a, kha kha a tlem deuh a ni lawm maw ni le tih te ngaihtuahnaah a awm a khami 10% tih lai kha, kha aia tam kha quorum-ah a dik zawk em? 20% nge 15% tal ni se tih kha ka'n rawt duh a.

Tin, kan sawilan miah loh pakhat han sawilan duh ka nei a. V/C leh Local Council-ah te hian Anti-defection Law hi a apply ve theih lawm maw ni le? Dik tak chuan kan hotuten in hre vek a, kan hre vek a. V/C member pakhat lungawi lo hian min tibuai thei angreng. A chhan chu member 5 neiah party pakhatin 3 kan nei a, pakhat a rum ngal ngal hian min tibuai viau a ni, sorkarna a thlak dawrh dawrh thei a ni kha khan. Chuvang chuan thil dang dangah pawh kan hmang ta mek bawk a, Anti-defection law hi MLA ah te leh AMC ah te pawh kan hmang a, hei pawh hi apply ve theih a ni lawm maw ni le. A hrim hrimin a thlangtute duh dan nilova a thlan chhuaha a kal kha thil dik lo a nih dan a awm a, chuvang chuan India ram pumah pawh a lar chho tawlh tawlh a, V/C ah pawh hian anti-defection law hi a barh luh theih lawm ni tih kha rawtna ang deuhin kan sawi ve duh a ni Pu Speaker, ka lawm e.

SPEAKER : Sawi tur kan awm tawh loh chuan pawn lama Member zahawmtakte awm kan awm chuan khawngaihin lut ila, kan House Leader-in sawi tur a neih chuan kan sawm tawh ang a. Rawn lut tur te khawngaihin rawn lut ula, tunah hian kan Chief Minister zahawm tak Pu Lal Thanhawla sawi tur a neih chuan lo sawm ila.

Pu LAL THANHAWLA, CHIEF MINISTER : Pu Speaker, ka nei hranpa lova, engemaw hun pawimawh tak hman tur ka neih avangin ka awm lova. Bill hmasa zawk kha tuang takin an passed a, a lawmawm ka ti a. Kha Bill kha pawimawh ka ti

khawp mai a, i veilama thute nen lo sawi lawk hmasa ila aw tih te ka ngaihtuah a, mahse hun a awm ta lova, mahse chuti chungin tha taka passed a ni kha a lawmawm a.

Hei, tuna District Council pawh hi ni e, Member zahawm tak tak mi hrang hrangten an sawi kha awm tak tak vek a ni a, kum 5 hi a rei lutuk em tih te pawh kan sawi nasat lai ber a ni. Thingtlang khaw te deuhah te pheih chuan an innin laklawh chuan an inning hle dawn a ni, chutiang chu thil awm thei a ni a. Mahselangin, a lo kal tawh si a, a tha lo a nih leh he House bawh hian kan siamtha leh thei thove tih te kan ngaihtuah a. Tin, Member-te disqualification pawh, an inthlim fo a ni thingtlangah hian, an inhrilh lo fo a ni, inngeih lohna hi a lo ler tawh a, mau thin ang deuh a nia, nasa lo mahse a ler lam a te hi an inngeih loh laklawh chuan a firfiak thei viau a, amaherawhchu, a kalpui dan a awm zel a.

Tin, Opposition Leader rawtna Anti defection Law hi hotute ngaihtuahnaah a tel lova, mahsengin ngaihtuah lehzel theih tho a ni a. AMC te pawh a tirah chuan a awm lova, District Council te pawn a tirah chuan an nei lova, a hnuah an nei ve mai a, tul kan tih tlan chuan nakinah la belh leh theih a ni a. Nichina an sawi kha a dik a, V/C member 3 awmnaah te pakhat (1) han ngiau nger hian min tibuai thei em em a, chu chu kan hria a, khang venna te kha ala ngai turah ka ngai a. Engpawhniselangin, i veilama member zahawm tak tak ten nichina an hlauhthawn ang chi te kha keini lakah hi chuan hlauhthawn tur a awm lo. Private Resolution a ni emaw a that phawt chuan Private Resolution pawh hi hei Pu Romawia, Minister zahawm tak hi opposition nih laiin a Resolution a tha em a kan passed pui tawh a, Speaker a nih thleng khan lawmthu a la sawi a ni. Tin, ZNP unaute pawh a that phawt chuan kan passed pui zel a, amaherawhchu, inbiak that te hi a ngai ve a, that leh that inlawm te hi a ni ve a.

Chuvangin thil zahawm tak kan Member-ten kan hriat atana tha, opposition leader Pu Vanlalzawma kha a chhuak a, a lo lut leh a, mahselangin Member zahawm tak Pu Rinawma nen in inkarah khan a lo luh a ngai dawn a, seat a a kal kha chuan, chuvangin khitah khan a thu ta rih a, a thusawi zawh veleh khan a rawn thu thla a. Hemi kan Dan-ah chuan Member thusawi lai leh Speaker inkarah hian kal loh hram hram tur a theih hram chuan tih a ni a, khami zah taka a rawn ti kha mawi ka ti em a ka'n sawilang a ni.

*Speech not corrected

SPEAKER : Awle, tunah chuan Bill neitu Pu P.C. Lalthanliana kan ko ang a, sawifiah ngaia a hriatte sawifiah sela pass dil nghal mai sela a tha ang.

Pu P.C. LALTHANLIANA, MINISTER : Pu Speaker, ka Bill member zahawm tak tak ten thahnemngaihna rilru pua min sawipui a, hlauhthawn thil awm thei te, thahnemngaihna avanga thurawn tha tak tak mai an han sawichhuak te a lawmawm ka ti a. Tin, kan House Leader zahawm takin a tlangpui leh nihphung leh sorkar anga kan ngaihtuahna rilru ang thleng pawhin a rawn sawi tawh a.

Pu Speaker, Village Council rorelna hi a pawimawh em em a, kan ramah rorelna thuangniha a kalna state level leh village level kan nei a. State level-ah hian rorelna fel fu mahsela a tak tak ram a village level-ah rorelna a fel si loh chuan kan ram hian a nih tur ang a ni dawn lo va. Chuvang chuan rorelna fel leh rorelna dik hi vawiinah kan House Leader min kaihhraina hnuaiah kan phak ang tawkin kan sawrkar hian chumi kawng zawh tur chuan tan a la ve a.

Vawiina ka'n sawi duh leh member te pawhin kan hriat tlana ka duh chu Village Council-te hi kan term kaltaah rorelna fel zawk, rorel lai V/C an nih loh avanga inthiah mai mai te a awm lohna tura thuneitu, thunei tak ombudsmen bill te helaiah ka lo pulut tawh a. Vawiinah hian ombudsmen kan nei tawh a, ka duh loh avang leh ka engemaw vang leh party dang V/C an nih avang ngawta kei hian thiat thei ka ni tawh lo va, thiat tur chuan tunah hian ombudsmen kan nei tawh a. Chutiang chuan kan House Leader kaihhraina hnuaiah kan ramah rorelna fel, rorelna tha zawk a awm theihna turin kan phak ang tawk tawkin tan hi chu kan la ve a ni tih hi he House member te hian kan hriat tlan atan ka han sawi duh a.

Tin, nichin khan ka sawi tel lo va, inthlanna hi a hautak a, central sorkarin inthlanna senso village level te hi min tum sak lo va, keimahni tum vek a nih avangin he MLA inthlanna hi he Assembly Secretariat hian kaihruai ta ringawt sela a dik ber lo thei a. Chutiang chuan Village Council inthlan LAD in kan conduct a kan kalpui thin pawh kha tunah hian ban kan tum a, State Election Commission-ah thuneihna zawng zawng kan pe a, kha a rawn lang a. Tin, chumi piah lamah sum senso a tlem zawk theih nan leh state sorkar sum remchem a nih theihna turin State Election Commission-in election a conduct chuan khawtinah Election PLO an lo awm ta a, chu chuan Roll zawng zawng an lo ti ta a. An tih turin State Election kutah senso a tlem zawk theihna turin kan dah ta hial a ni. Chutiang chu

vawiinah hian Village Council kan kalphungah te, kan ram hotu lu ber kan House Leader-in min kaihhruaina kan House-ah ka'n sawi duh a ni.

Pu Speaker, member zahawm tak takten Women Reservation chungchang an ngaih dan mimal te pawhin an han sawi a, thil ngaih dan awm thei vek a ni a. Tha ber tih loh emaw, tha ber awm thei kan tih dan a hi awm thei a ni. Amaherawhchu, inhmuhstitna awm thei ang lek leka reservation ngaih theih tura tawngkam kan member-te atanga a han awm kha paw ka ti a. VIP Reservation kan tih hian VIP hmusitna a ni reng reng lo, duhsakna a ni. Women Reservation a nih hian women hmusitna a nih ka hre lova kei chuan, chuvangin hmeichhiate kan duhsakna he ramah hian kan rama rorelnaah (one of) zinga pakhat lo ni ve tura kan duhna a awm a. Chhungkua pawh nu ber tel lova pa ho chauha rorel chu a kim lohna lai a awm a ni, Nu ber a awm loh chuan, chutiang deuh chu a ni ve a. Kan thianpa pakhat phei chuan khaw pakhat phei chuan fiamthu in nangni ho hi kan Party hotuten thil ho hi kan han sawi a, kan sawifel tawh emaw tih hian a tukah hian ngaih dan dang inrawn nei leh a, in nupuite hi han hrui law law ula chuanin ngaihtuah nawn a ngai lovang a ti a. Chutiang deuh chu kan ni a, mihring hi cheng ho vek. Tin, India ramah phei chuan hmeichhia 49%, mipa 50% a ni a. Kan dinhmun a inang lo a, chuvangin 1/3 ang te hi chu rorelnaah an lo luh ve hian kan rorelna kalphung tur ang zawn zawn te, kan social life thlengin dinhmun tha zawkah he ram hi a kal thei ang a, kan tifuh thei zawk ang a, kan rel kim thei zawk ang a, kan rel fuh thei zawk ang tih te pawh ngaihtuahna a awm a ni a.

Tin, kan member zahawm tak ten khawi area emaw laiah an vang awm mang e an tih te pawh kha a dik viau a. Amaherawhchu chung Council zawk hian keini aiin an ti hmasa tlat mai a ni. Chuvangin he lamah hi chuan a huphurh awm loh mai awm mang e kan ti a. Tin, V/C sitting vawi 3 kal lo zawn (10 ni thin) hi a tlem lu deuh lo maw han tih leh an han sawi dan hrang hrang atang khan thil awm thei a ni khawp a. Amaherawhchu, hetia vawi 3 a zawn kal lo hrim hrim kha a ni hran lo va, intentionally a eng emaw helna avanga kal duh lo, hrih pawh hrih hranpa awm lo, khatiang chi, kawhmawh bawl avanga kal duh loh kha thil awm thei a ni, chutiang chu an awm zeuh zeuh bawk. Engpawh ni se, a Danah Village Council inkaihhruaina Dan kan siam thinah hian kan member zahawm tak tak ten an sawi lai thil awm theiah khan a venna tha tak kha inkaihhruaina Danah khan kan telh theiin ka ring a. Hlah ang hi chu thleng lo turah pawh ngai ila a tha awm e.

Tin, V/C term extension thla 18 (kum khat leh a chanve) han ni hi a rei lutuk a ni, kum 5 term a nih tawh bakah hian kum 6 ½ a ni dawn a han tih te a awm a. Pu Speaker, thla 18 extension tih theih a nih avanga tih kher tur a ni tihna a ni lo va. Thil eng emaw, circumstances in ti lo thei lo va sorkar a dah hi thil awm thei a ni. Kan term hmasaah khan hmun pakhatat eng emaw avangin kan inthlang thei lo va, thla 18 extension hian min daih lo lek lek a. Engti zawng pawhin thla 18 a ral tawh avangin election hi kan draw tur a ni. Security tight tak karah pawh kan inthlan tir a ngai. A nih loh chuan V/C nei lovin kan dissolve vek a ngai dawn a ni tih decision sorkarin a nei a. Amaherawhchu a last-ah tluang takin kan inthlang thei a ni. A tul hunah chuan thla 18 pawh hi a lo rei mang hauh lo va, a tul loah chuan thla 18 hi hman na ngawt tur a awm chuang lo, a tul atan tih a ni mai a. India ram President-in damchhung lungin tang turte emaw, thi tura rel te ngaihdam theihna a neih avangin a ngaidam vek chuang lo a ni. Chuvangin thla 18 extension Dana kan neih hi tul bikna awm thei fo a ni tih te pawh kha kan sawi lang duh a.

Tin, a term kum 5 chungchang hi a rei ti tan chuan kum 3 ai chuan a rei hrim hrim a. A rei an tih kha a dik vek mai a, a hmam kum 3 a ni a. Kum 5 a ninawm leh kum 3 a ninawm hi chu an ninawm dan a inang tlang vekin ka ring, a mihring a zir a ni mai a. Kum 5 a rei tak deuh avanga ninawm thar lam an awm chuang lo ang a. Kum 3-ah pawh mi ninawm hi chu ninawm tak an ni tho. Mi tha chu kum 5 thleng pawhin a tha mai ang a, chutiang chu mihringah a inngat a. Amaherawh chu khawtlang inrelbawlina inthlak zut leh eng emaw lutuk te pawh hi kan chhiatpui em aw tih te pawh hi a practical a, a enkawltu lam Department leh kan hotuten an ngaihah hian thil a awm ve a ni. Vawiihah kan MLA term hi kum 3-ah ti dawn ila kan duh lo fur mai thei a, chutiang te pawh chu thil awm thei a ni. Thil hi tih tak takna nena hnathawh dawn chuan kum 3 pawh a lo rei lo va. Engpawhnisela, a term hi kan lo thatpui zawk lo te a nih pawhin kan House Leader zahawm takin a sawi ang khan thil hi a that loh zawk pawh hre chuang lo va hman loh ngawt ai chuan kan kal phawt te pawh a that vena lai a awm a. Chuvangin member-ten kan hriatthiam tlan ka duh a.

Tin, Gram Sabha kha thil thar, thil tha tak a ni a. tunah hian Rural Development department phei chuan khaw tinah gram sabha anmahni thilah an din a. Tin, Social Welfare-ah hian Forest Dealer Act hnuaiyah a implementation atan gram sabha hi khawtinah din vek a ni bawk a. Chutiang chuan, hetiang a vantlang mipui thuneihna dahsan hi kan sorkar pawhin tul a ti a, tiang hian an ti chho a ni a. Engpawhnisela, Pu Speaker, vawiihah hian kan duh ang a famkim diak leh tha kan tih ang chu a ni vek lo mai thei a. Amaherawhchu, member-te pawhin a tha zawk lawm ni aw han tihna nen vawiihah hian tha lo kan tih lai deuh pawh kan sawi a ni. Tin, kan member

zahawm tak kan group leader Pu Zawma'n a han sawi House-hold tih kha tunah hian amend-ah a tel a ni lova, kha kha V/C neih theih zat, House No kha chu a dan dinglaia kan neih sa inthen dan sa a ni a. A house-hold han tih te, a voter han tih te ang kha chu danglam thui lutuk lo turah ngai ila. A tha zawk a, a tul zawk a nih chuan hunin ala hring ve tho ang chu.

Tin, Pu Speaker, kan Danah ka sawi lan loh thil thar pakhat leh chu V/C te report (hek) a ni a, enquiry lak a nihin kan danah engmah suspension/release a awm thin lo. Council member, VCP a ni emaw kha an puh a kha (VC member) suspend theihna dan kha hetah hian kan dah a. Chutiang chuan, VCP ber enquiry lak laia VCP seal nen la awm tlat a engemaw harsatna awm thei te a awm thei ve thin a. Chung angah chuan tul a tih anga sorkarin member nihna suspend theihna thuneihnate pawh kan danah khan a awm a ni. Engpawhnisela, Pu Speaker, kan member zahawm tak tak ten thahnemngai taka duhthawhna nen he ka Bill 'The Lushai Hills District (Village Councils) (Amendment) Bill, 2014,' min sawipui avangin lawmawm ka ti a. He Bill hi ngaihtuahna tha leh zung nasa tak senga kan deparment officer-ten (Dan siamte a har tehreng nen) theihtawp chhuaha an rawn tih a ni a. Hei hi tlema siam that ngai lai ka sawi ang a patent error awmte nen a siam that theih pah ni thei turin he House zahawm tak hian min pass pui turin ka rawn sawm a ni. Ka lawm e.

SPEAKER : Awle, Minister zahawm takin House-a pass pui turin min rawn dil a. Tunah hian pass remti zawngin 'remti' i ti ang u, remti lo kan awm em? Awmlo. Tichuan tunah hian 'The Lushai Hills District (Village Councils) (Amendment) Bill, 2014,' chu he House hian lungruual takin a pass a ni.

Pu P.C. LALTHANLIANA, MINISTER : Pu Speaker, ka lawm e.

SPEAKER : Hei, kan ban tlai kan rin avangin thingpui leh a hmeh te kan siamsak che u a, rin aiin kan bang hma leh si a, khawngaihni a haw turte khan in hawn hmeh thingpui leh a hmehte a duh chuan min in sak thei ula tih kan hriattir che u a ni. Chuan tunah chuan kan chawl rih ang a, naktuk Ningani, tahrir ni 13 zing dar 10:30 ah kan kal khawm leh dawn nia.

Sitting is adjourned. 4:25 PM.